





資治通鑑綱目卷之二十六

起辛卯宋文帝元嘉二十八年魏太武帝太平真君十二年○盡乙巳宋明帝泰始元年魏文成帝和平六年

凡十五年

卯辛

宋元嘉二十八年魏太平真君十二年

**考異**

太平真君十二年提要春正月

魏師還

正月朔魏主大會群臣於瓜步山上班爵行賞有差魏人緣江舉火右衛率尹弘言於宋主曰六夷如此必走

明日果掠居民焚廬舍而去

**集覽**

右衛率注見梁武帝天監五年

**質實**

瓜步山注見元嘉廿七年

宋主殺其弟義康

胡誕世之反也江夏王義恭等奏義康數有怨言搖動民聽故不逞之族因以生心請徙義康廣州宋主先遣使語之義康曰人生會死吾豈愛生必為亂階雖遠何益請死於此耻復屢遷竟未及往魏師在瓜步人情恟



懼宋主慮不逞之人復奉義康為亂太子劬及武陵王駿僕射何尚之屢啓宜早為之所宋主乃遣中書舍人嚴龍就質實不逞注見梁武帝太清三年江夏郡名注見漢後主建興七年武昌廣州注見秦始

**發明**

義康前日之廢書國書彭城王者實有其罪故以國法待之也義康今日之死書宋主殺其弟者罪不至死故專書宋主以甚之也昔春秋書鄭伯克段于鄆君子譏鄭伯陷其弟于惡今宋主之於義康始焉任之太過至使小人趨附以成其罪然既賤之廢之又從而遠逐之是亦足矣豈必殺之而後已象憂亦憂象喜亦喜果如是乎書法若此深惡之也

魏復取碣磔

宋江夏王義恭以碣磔不可守召王玄謨還歷城魏人追擊敗之遂取碣磔

**質實**

碣磔城名注見晉孝

武帝太元九年歷城縣名注見漢光武建武五年歷下

魏主攻盱眙宋將軍臧質拒之魏師退走二月過彭城宋人追之不及

初宋主聞有魏師命廣陵太守劉懷之逆燒城府船乘盡帥其民渡江山陽太守蕭僧珍歛民入臺城送糧仗請盱眙及滑臺者以路不通皆留山陽僧珍又蓄陂水令滿須魏人至決以灌之魏人過山陽不敢留因攻盱眙魏主就臧質求酒質封洩便與之魏主怒築長圍一夕而合運東山土石以填塹作浮橋於君山絕水陸道遺質書曰吾今所遣聞兵盡非我國人城東北是丁零與胡南是氐羌設使丁零死正可滅常山趙郡賊胡死臧并州賊氐羌死臧關中賊卿若殺之無所不利質復書曰省示具悉奸懷爾自恃四足屢犯邊境王玄謨退於東申坦散於西爾知其所飲然邪爾獨不聞童謠之言乎蓋卯年未至故以二軍開飲江之路耳寡人受命相滅期之白登師行未遠爾自送死豈容復令爾生全饗有桑乾哉我本不圖全若天地無靈力屈於爾墜之粉之屠之裂之猶未足以謝本朝爾智識及衆力豈能勝苻堅邪今春兩已降兵方四集爾但安意攻城糧乏



見語當出廩相貽得所送劔刀欲令我揮之爾身邪魏  
 主大怒作鐵牀於其上施鐵鏃曰破城得質當坐之此  
 上質又與魏衆書曰爾語虜中諸士庶佛狸見與書相  
 待如此爾等正朔之民何為自取糜滅豈可不知轉禍  
 為福邪并寫臺格以與之云斬佛狸首封萬戶侯賜布  
 絹各萬匹魏人以鈎車鈎城樓城內繫以彊絙數百人  
 唱呼引之車不能退既夜縋桶懸卒出截其鈎獲之明  
 日又以衝車攻城城上堅密每至頽落不過數升魏人  
 乃肉薄登城分番相代墜而復升莫有退者殺傷萬計  
 尸與城平凡攻之三旬不拔會魏軍中多疾疫或告以  
 建康遣水軍自海入淮又救彭城斷其歸路二月朔魏  
 主燒攻具退走盱眙人欲追之沈璞曰今兵不多雖可  
 固守不可出戰但整舟楫示若欲北渡者以速其走計  
 不須實行也臧質以璞城主使之上露板璞固辭歸功  
 於質宋主聞益加之魏師過彭城宋江夏王義恭震懼  
 不敢擊或告虜驅南口萬餘夕應宿安王陂去城數十  
 里今追之可悉得諸將皆請行義恭不許明日驛使至  
 救義恭悉力急追魏師已遠義恭乃遣司馬檀和之向  
 蕭城魏人先已聞之

**集覽**

澠便澠踈鳩反即小便童謠  
 之言先是童謠有云虜馬飲

江水佛狸死卯年蓋佛狸魏太武小字也故下文云卯  
 年未至故開飲江之路期之白登我本朝要自往白登  
 山盡滅汝之族類饗有桑乾言桑乾之地汝不得饗而  
 有之矣索隱曰乾音干代郡桑乾縣後魏置郡桑乾川  
 在郡北姚氏按北疆記桑乾河在白登山南又在幽州  
 昌平縣西南臺格朝省格例也鈎車詩皇矣篇以爾鈎  
 援與爾臨衝以伐崇墉注鈎鈎拂也所以鈎引上城者  
 臨臨車也衝衝車也說文作輶輶陷陣車也鈎古候反  
 又古侯反衝昌容反彊絙文曰謂以大索為彊絙所居也  
 絙居登反大索也史炤釋文曰謂以大索為彊絙如弓弩  
 也左傳僖三十年燭之武夜縋而出衝車注見前鈎車  
 也

**質實** 廣陵郡名注見漢武帝元朔五年淮南山陽郡名  
 注見晉帝奕太和四年盱眙縣名注見秦二世二  
 年滑臺縣名注見晉孝武帝太元九年築長圍按一統  
 志鳳陽府盱眙縣北七里有長圍山乃宋臧質守盱眙  
 後魏太武遂於都梁山築長圍城造浮橋絕水路即此  
 處東山注見元嘉二十七年君山未詳處所惟鳳陽府  
 盱眙縣北六里有軍山乃魏鄧文嘗堰澗為塘以溉田  
 後魏太武築長圍以圍臧質于此未可知是否明者察焉



丁零北狄國名注見漢武帝天漢元年常山郡名注見

漢光武建武九年趙郡注見漢景帝三年趙國并州注

見齊明帝建武三年關中注見唐玄宗開元十一年京

兆白登山名注見漢高帝七年桑乾郡名注見漢高帝

六年馬邑肉薄注見晉安帝義熙十三年建康郡名注

見漢獻帝興平二年彭城郡名注見秦始皇二十八年

安王陂未詳處所蕭城注見元嘉二十七年

**發明** 去冬書魏及宋平春秋書平以及者為主是春

目書以予之也今乃復攻盱眙何哉且前日宋以無

名興師魏既戰而勝之是亦足矣殺掠屠戮以人為

嬉方且蟻附一城之下積尸成山流血成池果何謂

耶故綱目書魏主政盱眙則見其以國君之重自將

而攻一城書宋將軍臧質拒之則見其以全師而困

於一偏校不能克也書魏師退走則見其以全師之

衆力屈而遁是皆敗之之意也孟子曰爭地以戰殺

人盈野爭城以戰殺人盈城此所謂率土地而食人

肉罪不容於死其魏主之謂乎末年宗愛之及宜矣

宋令民遭寇者蠲其稅調

魏人凡破南交徐交豫青冀六州殺掠不可勝計丁壯

者即加斬截嬰兒貫于槊上盤舞以為戲所過郡縣赤

地無餘春燕歸巢於林木魏之士馬死傷亦過半國人

皆尤之宋主每命將出師常授以成律交戰日時是以

將帥趨起莫敢自決又江南白丁輕進易退此其所以

敗也自是邑里蕭條元嘉之政衰矣詔降太尉義恭為

驃騎將軍鎮軍將軍駿為北中郎將初魏主過彭城遣

語城中曰食盡且去麥熟更來及期江夏王義恭議欲

芟麥入保參軍王孝孫曰虜不能復來既自可保如其

更至此議亦不可立百姓饑饉日夕方春野採自資一

入保聚餓死立至民知必死何可制耶虜若必來芟麥

無晚長史張暢曰孝孫之議實有可尋典籤董元嗣進

曰王錄事議不可奪別駕王子夏曰此論誠然暢曰芟

麥移民可謂大議一方安危事繫於此子夏親為州端

**集覽**

別駕猶長

史也漢制別駕一人從刺史行部別乘一乘傳故謂之

別駕又注見漢靈帝中平四年親為州端親躬也州端



州之佐也按劉豐為商州長史制曰質實南充徐充豫

宜踐端寮之列又職源曰大邦端佐質實青冀六州南

充注見漢武帝元朔五年淮南徐注見秦始皇二十八

年彭城充注見漢獻帝興平二年豫注見周報王三十

七年陳青注見漢桓帝永康元年冀注見漢景帝二年

濟南趙起退縮貌韓文公送李愿序足將進而趙起典

籀官名注見營陽王景平

二年王錄事謂王孝孫也

**發明**宋王無故暴兵使六州之民肝腦塗地今乃蠲

矣稅調亦奚從出哉

書非美之蓋譏之也

### 三月魏主還平城

魏主還平城飲至告廟以集覽飲至告廟左傳隱五年

降五萬餘家分置近畿歸而飲至以數軍實注

數車徒器械及所獲也質實平城縣名注見

漢高帝七年

### 魏以盧度世為中書侍郎

初魏中書學生盧度世坐崔浩事亡命匿高陽鄭罷家

吏囚罷子掠治之罷戒其子曰君子殺身成仁雖死不

可言其子奉父命吏以火焚其體終不言而死及魏主

臨江問宋使者曰盧度世亡命已應至彼使者曰不聞

魏主乃赦度世度世自出魏主以為中質實高陽縣名

書侍郎度世為其弟娶鄭罷妹以報德質實注見晉愍

帝建興四年

### 夏四月魏荊州刺史魯爽及其弟秀奔宋

初魯宗之奔魏其子軌為魏荊州刺史襄陽公鎮長社

常思南歸以昔殺劉康祖及徐湛之之父故不敢來軌

卒子爽襲父官爵爽少有武幹與弟中書郎秀皆有寵

於魏主既而有罪魏主詰責之爽秀俱誅殺魏戍兵帥

部曲千餘家奔汝南請降于宋宋主大喜以爽為司州

刺史鎮義陽秀為潁川太守魏人毀其墳墓徐湛之以

**質實**

魯宗之郢人荊州注見漢獻帝建安十二年南郡

襄陽縣名注見漢獻帝建安十二年長社縣名注



見漢光武建武八年部曲注見陳文帝元嘉元年汝南  
郡名注見漢光武建武十九年司州注同上汝南  
陽縣名注見漢獻帝興平元年許昌  
郡名注見漢獻帝興平元年許昌

### 宋以何尚之為尚書令徐湛之為僕射

尚之以湛之國戚任遇隆重  
每事讓之朝事悉歸湛之

### 魏更定律令

魏主命太子少傅游雅中書侍郎胡方  
回等更定律令增損凡三百九十一條

### 六月魏太子晃卒

魏太子晃監國頗信任左右營園田收其利高允諫曰  
天地無私故能覆載王者無私故能容養今殿下國之  
儲貳萬方所則而營立私田畜養雞犬乃至酤販市廛  
與民爭利謗聲流布不可追掩夫天下者殿下之天下  
富有四海何求而無乃與販夫販婦競此尺寸之利乎  
昔號之將亡神賜之土田漢靈帝私立府藏皆有顛覆

之禍前監若此甚可畏也武王愛周召齊畢所以王天  
下殷紂愛飛廉惡來所以喪其國東宮儁又不少頃來  
侍御左右者恐非在朝之選願殿下斥去邪佞親近忠  
良所在田園分給貧下販賣之物以時收散如此休聲  
日至謗議可除矣不聽太子為政精察而中常侍宗愛  
性險暴多不法晃惡之給事中仇尼道盛有寵於晃與  
愛不協愛恐為所糾遂搆其罪魏主怒斬道盛於都街  
東宮官屬多坐死晃以憂卒謚曰景穆魏主徐知其無  
罪悔之欲封其子濬為高陽王既而以皇孫世嫡不當  
為藩王乃止時濬生四年聰達過人魏主愛之常置左  
右

### 集覽

魏之將亡神賜之土田注見元嘉十二年周召

惡來秦之先也飛廉生惡來俱事紂善毀  
諸諸侯惡如字史記音哀都反仇尼復姓

旦注見秦昭襄王五十二年召公奭姬姓世居岐山與  
周公同輔武王定天下又輔成王以成至治齊太公呂

尚注見漢桓帝永康元年畢公高姬姓世居岐山周康  
王時命繼君陳保釐東郊旌別淑慝克成厥終即戰國

魏之先也飛廉惡來按世記蜚廉本顛頊之裔曰大業  
者生柏翳舜賜姓嬴其後飛廉生惡來惡來生女防女



防之後又有非子即秦之祖也

秋宋青冀刺史蕭斌將軍王玄謨以罪免

坐退敗也宋主問沈慶之曰斌欲斬玄謨而卿止之何也對曰諸將奔退莫不惧罪自歸而死將至逃散故止之

**質實** 青冀二州名注見秦二世二年郊

宋魏復通好

**書法** 叙宋魏上內諸夏也

宋以王僧綽為侍中

僧綽曇首之子也幼有大成之度衆皆以國器許之好學有思理練悉朝典為吏部郎諳悉人物舉拔咸得其分及為侍中年二十九沈深有局度不以才能高人宋主以其年少欲以後事託之朝政大小皆與參焉宋王始親政事委任王華王曇首殷景仁謝弘微劉湛次則范曄沈演之庾炳之最後江湛徐湛之何遜及僧綽

凡十人 **集覽**

思理思息嗣反馬融曰道德純備謂之思

**正誤**

王僧綽有思理今按此思字當如欽

明文思之思言思之深遠也

**質實**

王僧綽琅邪臨沂人

王

宋元嘉二十九年魏高宗文成帝濬興安元年

春二月魏中常侍宗愛弒其君肅

而立南安王余考異

提要中常侍作宦者按凡例職宦可見者並著之則此當從綱目刊本

魏世祖追悼景穆太子不已宗愛懼誅二月弒之僕射蘭延和疋薛提等祕不發喪延疋以濬冲幼欲立長君

徵秦王翰置之祕室提以濬嫡孫不可廢議久不決宗愛知之自以得罪於景穆太子而素惡翰善南安王余

乃密迎余矯皇后令召延等而使宦者持兵伏禁中以次收縛斬之殺翰立余余以愛為大司馬大將軍翰余

皆世祖之子也 **集覽**

和疋姓名

**質實**

南安郡名注見漢後主建興六年禁中注見唐肅宗

上元二年

**書法**

賀善贊曰太武即位首立天師道場繼書誦道壇受符籙雖能汰沙門廢佛寺蓋好尚之異也



然書徵世胄遺逸令公卿子弟入學詔以經義決疑  
獄亦駁駁乎變夏矣至其進至魯郡以太牢祠孔子  
綱目獨深予而特書  
之功業不終惜哉

**發明** 春秋君弒而賊不討則深責其國以為無人宗  
愛以一關寺之微弒君立君易若反掌魏人舉  
國聽之魯無違異向非愛再行弒逆自速  
其死則魏尚可立乎直書于冊罪魏國也

### 夏五月宋人侵魏

宋主聞魏世祖殂更謀北伐魯爽等復勸之太子中庶  
子何偃以為淮泗數州瘡痍未復不宜輕動不從五月  
遣蕭思話督張永等向碣磔魯爽魯秀程天作將荊州  
甲士四萬出許洛雍州刺史臧質帥所領趣潼關泥慶  
之固諫宋主不使行青州刺史劉興祖上言以為河南  
阻饑野無所掠脫諸城固守非旬月可拔稽留大眾轉  
輸方勞應機乘勢事存急速今偽帥始死兼逼暑時國  
內猜擾不暇遠赴愚謂宜長驅中山據其關要冀州以  
北民人尚豐蕪麥已向熟因資為易若中州震動黃河  
以南自當消潰臣請發青冀兵入其心腹若前驅克勝

則衆軍宜一時濟河並建司牧撫柔初附西拒太行北  
塞軍都因事指麾隨宜加授若能成功清壹可待若不

克捷不為大傷宋主意止存河南亦不從又使侍郎  
徐爰隨軍向碣磔衛中旨授諸將方畧臨時宣示

**覽** 軍都今大興府昌平縣漢軍都縣也故城在昌平南  
四十五里軍都山一名居庸山在昌平西北四十里

淮南子曰天下有九塞居庸其一也  
一焉南俯臨軍都因名軍都關

年許昌洛注見秦莊襄王元年三川  
開元十一年京兆潼關注見漢獻帝建安十六年河南

郡名注見秦莊襄王元年三川  
三年太行山名注見周安王十五年一統志云軍都山

名在順天府昌平縣西北二十里後漢盧植隱於此立  
黌肆教授學者自遠方至昭烈帝微時嘗脩弟子禮又

漢有縣名軍都後廢之故城在順天府昌平  
縣東南中山郡名注見周威烈王二十三年

**發明** 春秋宋殤公立十年十一戰民不堪命遂有華  
督之弒今宋魏交兵禍亦甚烈魏既不免其身

宋亦宜知自警乃反乘釁侵之無損於敵徒稔其惡  
未幾亦蹈魏人之轍天道好生而惡殺佳兵者不祥



之器二君垂戰不已其禍若合符節網目前書宋魏  
後通好此書宋人侵魏以見其無故贖兵皆有末流  
之禍為  
後戒也

### 宋尚書令何尚之致仕尋復起之

尚之以老請致仕退居方山議者咸謂尚之不能固志  
既而詔書敦論數四果起視事表淑錄自古隱士有迹  
無名者為真  
**集覽** 方山在建康府西  
偽傳以嗤之  
葛玄煉丹之地  
**質實** 方山注見梁

年致仕禮內則篇七十致仕注  
致仕謂致還其職事於君也

#### 書法

書起之何譏尚之也致仕而復起多矣據唐劉  
仁軌唐休璟宋齊丘綱目不書復起惟尚之特  
書誅心也若曰既已致仕  
尋復而起之是偽而已矣

#### 發明

大夫七十而謝事禮也既致  
仕矣尋復起之交譏之也

### 宋太子劭始與王濬巫蠱事覺赦不誅

初潘淑妃生始興王濬元皇后恚恨而殂淑妃專總內  
政由是太子劭深惡淑妃及濬濬懼曲意事劭劭更與  
之善吳興巫嚴道育自言能役使鬼物因東陽公主婢  
王鸚鵡出入主家主與劭濬信惑之劭濬多過失數為  
宋主所詰責使道育祈請號曰天師後遂與道育鸚鵡  
及主奴陳天興黃門陳慶國共為巫蠱琢玉為宋主形  
像埋於含章殿前劭補天與為隊主宋主讓之曰汝所  
用隊主副並是奴邪劭懼以書告濬濬復書曰彼人若  
所為不已正可促其餘命或是大慶之漸耳鸚鵡先與  
天與通恐事泄白劭密殺之慶國懼曰巫蠱事唯我與  
天與宣傳往來今天與死我其危哉乃白其事宋主大  
驚即遣收鸚鵡封籍其家得劭濬書及所埋玉人命有  
司窮治其事道育亡命捕之不獲宋主惋歎彌日遣中  
使切責劭濬劭濬惶懼陳謝宋主雖怒甚猶未忍罪也

#### 集覽

隊主副隊主隊  
副皆東宮之官

#### 質實

始興郡名注見晉愍帝建興  
三年吳興郡名注見宋明帝

秦始皇三年鬼物注見漢武帝元光五年物故東陽郡名  
注見晉哀帝興寧三年巫蠱注見漢武帝太始三年一  
統志云含章殿在應天府上元縣治東北五里臺城內  
宋孝武帝追陋前規更造正光玉燭紫極諸殿內有含



章殿即壽陽公主人日卧簷下梅花點  
額慶中使注見唐玄宗開元十五年

**書法** 赦不誅何譏失刑也燕王旦謀反赦不治所以  
始之篡太子劭等巫蠱赦不誅所以有末年之禍綱  
目一以赦書之所以著不斷之亂也終綱目書赦不

誅二漢成帝鴻嘉三年是年書赦弗  
治一漢昭帝始元元年皆大罪也

**發明** 疾太子為江充所誣不免其死劭濬既親為巫  
蠱事驗明白豈有國儲副君所為若此而可以

承祧主器者哉事覺不  
誅直書于冊譏失刑也

秋八月宋攻碣礮不克而退雍州兵進至虎牢亦還 **考異**

提要攻下有魏  
字亦還作引還

諸軍攻碣礮累旬不拔八月魏人夜自地道潛出燒營  
及攻具張永夜徹圍退軍不告諸將士卒驚擾魏人乘  
之死傷塗地蕭思話自往增兵力攻旬餘不拔時青徐  
不稔軍食乏思話命諸軍皆退也歷城魯爽至長社魏

成主棄城走滅質遣司馬柳元景帥參軍薛安都等向  
潼關梁州刺史劉秀之遣司馬馬汪與參軍蕭道成將

兵向長安道成承之子也魏將軍封禮自涇津南渡  
赴弘農九月魯爽與魏拓跋僕蘭戰于大索破之進攻

虎牢聞礮礮敗退 **集覽** 涇津涇音豆水名也在河東大  
與元景等皆引還 **索** 晉灼曰索音冊水名顏師古

曰音求索之索水出滎陽漢高帝與項羽戰 **質實** 梁州  
于京索間即此應劭曰今有大索亭小索亭 **注** 見

周赧王四年漢中蕭道成 **東海蘭陵人** 長安縣名注見  
漢惠帝五年一統志云 **涇津** 即涇泉在平陽府芮城縣

東北三十五里 **弘農郡** 名注見周顯王四十五年陝大  
索城名在開封府滎陽縣西北五十二里小索在大索

東北即六國時二索也漢韓信收兵與漢王會後與楚  
王戰於滎陽南京索間破之即此處 **虎牢關** 名注見晉

帝奕太  
和四年

吐谷渾王慕利延卒拾寅立 **考異** 卒當作死或疑吐谷渾  
亦書 **考證** 拾寅立當作 兄子拾寅嗣

死亦書 **考證** 兄子拾寅嗣

通鑑綱目卷二十一



拾寅始居伏羅川遣使請命于宋  
魏宋以為河南王魏以為西平王  
建武元年伏羅川未詳處所西  
平郡名注見晉懷帝永嘉二年

### 冬十月魏宗愛弒其君余魏主濬立討愛誅之

魏南安隱王余自以違次而立厚賜群下欲以收衆心  
旬月之間府藏虛竭又好酣飲及聲樂改獵不恤政事  
宗愛為宰相錄三省總宿衛坐召公卿專恣日甚余患  
之謀奪其權愛憤怒余以十月朔夜祭東廟愛使小黃  
門賈周等就弒而秘之唯羽林郎中劉尼知之勸愛立  
皇孫濬愛驚曰君大癡人皇孫若立豈忘正平時事乎  
尼恐愛為變密告殿中尚書源賀賀時與尼俱典兵宿  
衛乃與尚書陸麗謀曰宗愛既立南安還復殺之今又  
不立皇孫將不利於社稷遂定謀共立濬麗侯之子也  
賀與尚書長孫渴侯嚴兵守衛使尼麗迎濬於苑中尼  
馳還東廟大呼宗愛弒南安王大逆不道皇孫已登大  
位有詔宿衛之士皆還宮衆咸呼萬歲遂執宗愛賈周  
等勒兵入奉皇孫即位殺愛周具五刑夷三族  
追尊景穆太子為皇帝立孔母常氏為保太后

**集覽**

正平

時事魏太武帝正  
平二年宗愛弒帝

**正誤**

皇孫濬若立豈忘正平時事今按

事不獨指弒帝而言太武帝太平真君十二年六月改元

正平太子晃為政精察以宗愛險暴不法惡之給事中  
仇尼道盛有寵於是愛構其罪魏主

**質實**

三省謂中書

書省杜稷注見新莽天鳳元年陸麗代人具五刑唐刑

法志云隋已前死罪有五徒流之刑鞭笞兼用數皆踰  
百隋始定之為笞刑五自十至五十杖刑五自六十至

百徒刑五自一年至三年流刑五自千里至三千里死  
刑二絞與斬並用為五刑皆今世循用者蓋自隋始也

三代以劓則荆宮大辟為五刑秦以黥劓斬左右趾梟  
首頹其骨為五刑後世以笞杖徒流

**發明**

余越次而立未成乎君何以書弒余固愛之君

也愛立之愛弒之魏國無人矣討而誅之亦幸  
焉爾魏太武控弦百萬威振天下北掃柔然西平夏  
國滅涼滅燕易若破竹恃勝不已舉兵南下極意屠  
戮死者不可勝紀武功之暢如此然末年變生肘腋  
身且不保餘禍所鍾至於再行弒逆幾不能國不善



之積豈可掩哉考之綱目之所書驗之事應之所及後之好攻戰樂殺人者可以觀矣

宋西陽蠻反遣沈慶之討之

**考異**

討當作擊

**質實**

西陽郡名注見晉懷帝末

嘉元 ○魏殺其外都大官古弼張黎

魏南安王余之立也以弼為司徒黎為太尉及是黜為外都大官坐有怨言皆被誅

**質實**

南安郡名注見

魏隴西屠各叛討平之

**質實**隴西郡名注見秦主政三年

○魏復建佛

圖聽民出家

魏世祖晚年佛禁稍弛民間往往有私習者至是辭臣多請復之乃詔州郡縣各聽建佛圖一區民欲為沙門者聽出家大州五十人小州四十人於是鄉之所毀率皆脩復魏主親為沙門下髮

**質實**

沙門僧名注見

魏以周怛為太尉陸麗為司徒杜元寶為司空怛尋坐事賜死

麗以迎立之功受心膂之寄朝臣無出其右者賜爵平原王麗辭曰陛下國家之正統當承基緒效順奉迎臣子常職不敢怡天之功以干大賞魏主不許麗曰臣父奉事先朝忠勤著效今年逼桑榆願以神爵授之魏主曰朕豈不能使卿父子為二王邪乃進其父建業公侯爵為東平王班賜群臣使源賀任意取之賀辭曰南北未賓府庫不可虛固與之乃取戎馬一匹魏主之立也高允預其謀麗等皆受賞而不及允允終身不言怛坐事賜死時魏法深峻賀奏謀反之家男子

**質實**

平原郡名注見

漢光武建武五年年逼桑榆訓解故事云年老云桑榆暮景淮南子云日垂西影在木端注木末曰端日影在木末不久而沒如人年老不久而死韓文公送孟郊詩桑榆日月侵神爵猶言天爵蓋天謂之神故云東平郡名注見漢獻帝興平二年金陵郡名注同上興平二年金陵



**書法** 書賜死始此賜死之例四著所坐賜死周怛郇死竇參揚收韋保衡孟漢卿書賜某死吳通玄路巖蘇檢皆可罪而未宜死者也止書某賜死梁王忠無所坐者也不宜死者也

### 魏行玄始曆

初魏入中原用景初曆時人以為密是歲始行之也景初魏明也

宋元嘉三十年春正月宋以始興王濬為荊州刺史

初濬以南徐刺史鎮京口求為荊州宋主許之濬還京口治行而平盡事覺宋主怒未解故濬久留京口既除荊州乃質實始興郡名注見晉成帝咸和三年京口郡名聽入朝質實名注見晉成帝咸和三年京口郡名注同上年

宋遣武陵王駿統諸軍討西陽蠻

漢光武建武二十四年二月宋太子劭弒其君義隆及其左衛率

袁淑僕射徐湛之尚書江湛而自立以何尚之為司空

**異** 提要弒誤作殺竊考綱目刊木及提要互有得失如此類者今并錄之以俟來哲擇善而從且以見當時刊刻之際讐校者檢閱之未詳也

嚴道育之亡命也搜捕甚急道育匿於東宮又隨始興王濬至京口濬入朝復載還東宮捕得其婢云道育隨征北還都宋主乃命京口送婢須至檢覆欲廢太子劭賜濬死先與王僧綽謀之使尋漢魏典故送徐湛之江湛武陵王駿素無寵故屢出外藩南平王鑠建平王宏皆為宋主所愛鑠妃江湛之妹隨王誕妃徐湛之之女也湛勸立鑠湛之欲立誕僧綽曰建立之事仰由聖懷臣謂唯宜速斷不可稽緩當斷不斷反受其亂願以我割恩畧小不忍不爾便應坦懷如初無煩疑論事機雖密易致宣廣不可使難生慮表取笑千載宋主曰卿可



謂能斷大事然此事至重不可不愆三思且彭城始  
亡人將謂我無復慈愛之道僧綽曰臣恐千載之後言  
陛下唯能裁弟不能裁兒宋主默然江湛出謂僧綽曰  
卿向言將不太傷切直僧綽曰弟亦恨君不直鑠自壽  
陽人朝失旨宋主欲立宏嫌其非次是以議久不決與  
湛之屏人語或連日累夕常使湛之自秉燭繞壁檢行  
慮有竊聽者既而以其謀告潘淑妃淑妃以告潘濬馳報  
劾劾乃謀為逆初宋主以宗室彊盛慮有內難特加東  
宮兵使與羽林相若至有實甲萬人劾性黠而剛益宋  
主深倚之及將作亂每夜饗將士或親行酒僧綽密以  
聞會嚴道育婢將至劾詐為詔豫加部勒云有所討夜  
呼前中庶子蕭斌左衛率表淑中舍人啟仲素入宮流  
涕謂曰主上信謗將見罪廢內省無過不能受枉明日  
當行大事望相與戮力因起徧拜之衆驚愕莫能對久  
之淑斌皆曰自古無此願加善思劾怒變色斌懼曰當  
竭身舉令淑叱之曰卿便謂毀下直有是邪毀下幼嘗  
患風今疾動耳劾愈怒因丐淑曰事當克否淑曰居不  
疑之地何患不克但既克之後不為天地所容大禍亦  
旋至耳假有此謀猶將可息左右引淑出曰此何事而  
云可罷乎淑還省繞床行至四更乃寢明日宮門未開

劾以朱衣加戎服上乘畫輪車與蕭斌同載呼表淑甚  
急淑眠不起劾停車催之淑徐起至車後劾使登車又  
辭不上劾命殺之門開而入舊制東宮隊不得入城劾  
以為詔示門衛曰受教有所收討令後隊速來張超之  
等數十人馳入齋閣拔刃徑上合殿宋主其夜與徐湛  
之屏人語至旦燭猶未滅衛兵尚未起宋主見超之入  
舉几捍之五指皆落遂弑之湛之驚起兵人殺之劾出  
坐東堂江湛聞喧譟聲歎曰不用王僧綽言以至於此  
劾遣兵殺之左細仗主卜天與不暇被甲執刀持弓疾  
呼左右出戰射劾幾中劾黨擊之斷臂而死隊將張泓  
之朱道欽陳蒲與天與俱戰死劾使人殺潘淑妃及太  
祖親信數十人濬時在西州府聞臺內喧譟不知事之  
濟否騷擾不知所為將軍王慶曰宮內有變未知主上  
安危凡在臣子當投袂赴難憑城自守非臣節也濬不  
聽俄而劾馳召濬屏人問狀即戎服乘馬而去王慶又  
諫曰太子反逆天下怨憤明公但當堅閉城門坐食積  
粟不過三日凶黨自離公情事如此今豈宜去濬入見  
劾劾曰潘淑妃遂為亂兵所害濬曰此是下情由來所  
願劾詐以詔召大將軍義恭尚書令何尚之入拘於內  
并召百官至者總數十人劾遽即位下詔曰徐湛之江



湛試逆無狀吾勒兵入殿已無所及今罪人斯得可大赦改元太初即稱疾還永福省不敢臨喪以白刃自守以蕭斌為僕射以何尚之為司空劭不知王僧綽之謀以為吏部尚書武陵王駿屯五洲沈慶之自巴水來咨受軍畧典籤董元嗣自建康至五洲具言太子弒逆沈慶之密謂腹心曰蕭斌婦人其餘將帥皆易與耳東宮同惡不過三十人此外屈逼必不為用今輔順討逆不憂不濟也

**集覽** 彭城始亡謂彭城王義康始初被殺時合殿在紫宸殿北杜甫紫宸殿退朝口號香飄合殿春風轉左細仗主官名也殿下兵衛曰仗有左右兩班馬文昌雜錄云方唐盛時立仗於宣政殿天子坐紫宸殿而金吾殿中細仗自東西閣門入謂之喚仗即此

**質實** 南平郡名注見晉惠帝永興二年建平郡名注見晉武帝太康元年壽陽郡名注見齊主寶卷見晉武帝太康元年壽陽郡名注見齊主寶卷

永元二年羽林軍名注見漢昭帝元鳳元年卜天與餘抗人一統志云五洲山名洲本作州在鎮江府城西三十里相傳山絕頂望見五州故名焉巴水未詳處所

**書法** 綱目君弒書及其君母及其太后有之矣未有書及其大臣者大臣書及必若叔與二湛而後

可也終綱目再見而巳李遠死節人臣之極致綱目重以予人也綱目書太子弒者二宋劭隋廣子弒不書子者四代六脩寔君魏清河王紹梁友瑋蓋至是而天理滅矣綱目之所甚悲也舉其重而已矣賀善贊曰宋文自書立以來討殺徐傳可謂能制義者自是而後繼書遣使循行又書親臨聽訟亦庶乎知為政矣河南用兵始書曰伐曲在魏也自援蓋吾魏兵再至宋雖大舉綱目以侵書之既而致寇深入生靈荼毒元嘉之政自此始衰而以子禍終矣

**發明** 昔唐太子弘受春秋至楚世子商臣之事廢書而嘆其官僚郭瑜請改讀禮先正胡公安國傳春秋至此目之為腐儒以為若語之曰為人君父而春秋之義者必陷篡弒誅死之罪聖人書此使天下後世察於人倫知所以為君臣父子之道而免於首惡之名誅死之罪也則弘而聞此必僕然畏懼知春秋之不可不學而明於臣子之義不至於奏請佛旨而見醜矣先正傳春秋之義如此今綱目取法春秋故於弒逆之事亦必直書于冊若使講讀之際避諱



不言則前有讒而不見後有賊而不知是自淪於陷  
穽者也安可乎夫春秋以傳為案綱目以分注為案  
考於分注之所載可以見其所由致之漸姑以宋劭  
之事觀之善惡必言所始而逆劭則生於諒闇形色  
可以占終而袁后則預言其惡侍膳問安職所當謹  
而東宮置兵乃與羽林等人臣無將將則必誅而巫  
蠱事覺乃赦不問當斷不斷反受其亂既而謀廢立  
乃猶豫不決謀及婦人宜其死也而事機不密乃泄  
於潘妃不惟是也宇縣分裂已非一日宋文乃無故  
進兵窮黷不已使南北之民肝腦塗地不善之積亦  
不可掩固宜其未流之禍如此綱目書之與商臣之  
事如出一轍蓋欲使後世推本所由而致謹於首惡  
之義以為人君父者之戒爾若夫弑父與君之賊其  
惡固自不待貶絕而後見也又奚以贅及為哉吁

### 魏尊保太后為皇太后

**書法**

保太后何常氏也魏主初立尊為保太后焉太  
武尊實氏為保太后則書乙丑年常氏則曷為  
不書非創也故畧之至其尊為皇太后則不可以不  
書矣於綱目書保母為皇太后二前斥書魏主此止

書魏非  
創也

### ○三月宋劭殺其吏部尚書王僧綽

劭料檢文帝中箱及江湛家書疏得王僧綽所啓饗士  
并前代故事收殺之僧綽弟僧虔為司徒屬所親咸勸  
之逃僧虔泣曰吾兄奉國以忠貞撫我以慈愛今日之  
事苦不見及耳若得同歸九泉猶羽化也劭因誣比第  
諸王侯云與僧綽謀反殺之

**質實** 九泉猶言黃泉也莊子曰天有九  
重之霄地有九重之泉羽化訓解  
故事云道士亡曰羽化蘇東坡前赤壁賦云飄飄乎如  
遺世獨立羽化而登仙注言人之死若生羽翼而亡化  
以登仙境

**書法**

自立矣斥稱宋劭極惡也於是殺比第諸王侯  
不書書僧綽何罪僧綽也僧綽與謀廢劭死於  
難可矣幸其不知受賊官爵冀以苟免其取殺宜也  
綱目以賊所署職書之曰其吏部尚書王僧綽與袁  
淑輩大異矣



發明

僧綽力請宋文速斷而宋文不能從若僧綽亦可謂忠於謀國者矣然劭既為逆僧綽自當引身而去固不可以其不知所謀而隱忍就職萬不一幸死於賊手則必安於義命亦足見君弒死於其難矣均之死也不死於臨難之初而死於受職之後故僧綽雖賢病於死之不早是以綱目亦不得與袁淑江徐同科而書曰劭殺其吏部尚書三僧綽若劭自殺其臣然者豈不深可惜哉

夏四月宋江州刺史武陵王駿舉兵討劭宋人立駿五月

劭及弟濬皆伏誅

劭密與沈慶之手書令弒武陵王駿慶之求見駿駿懼辭以疾慶之突入以劭書示駿駿泣求入與母訣慶之曰下官受先帝厚恩今日之事唯力是視殿下何見疑之深駿起再拜曰家國安危皆在將軍慶之即命內外勒兵主簿顏竣曰今四方未知義師之舉劭據有天府若首尾不相應此危道也宜待諸鎮協謀然後舉事慶之厲聲曰今舉大事而黃頭小兒皆得參預何得不敗宜斬以徇衆駿令竣拜謝慶之曰君但當知筆札事耳

於是專委慶之處分旬日之間內外整辦人以爲神兵竣廷之子也駿戒嚴誓衆以沈慶之領府司馬柳元景宗慤朱脩之皆爲參佐顏竣領錄事總內外以劉延孫爲長史行留府事荆州刺史南譙王義宣雍州刺史臧質皆不受劭命與司州刺史魯爽同舉兵以應駿質爽俱詣江陵見義宣且遣使勸進於駿駿至尋陽命顏竣移檄四方州郡響應義宣遣臧質引兵詣尋陽充冀刺史蕭思話將軍垣護之皆帥所領赴之義宣板張永爲冀州刺史永遣司馬崔勳之等將兵赴義會稽太守隨王誕將受劭命參軍事沈正說司馬顧琛曰國家此禍開闢未聞今以江東驍銳之衆唱大義於天下其誰不響應豈可使殺下北面凶逆受其僞寵乎琛曰江東忘戰日久雖逆順不同然疆弱亦異當須四方有義舉者然後應之不爲晚也正曰天下未嘗有無父無君之國寧可自安讎耻而責義於餘方乎今正以弒逆寃醜義不同天舉兵之日豈求必全邪馮衍有言曰大漢之貴臣將不如荆齊之賤士乎况殺下義兼臣子事實國家者哉琛乃與正共入說誕誕從之劭自謂素習武事語朝士曰卿等但助我理文書若有寇難吾自當之及聞四方兵起始憂懼戒嚴四月柳元景統薛安都等十二



軍發湓口參軍徐遺寶以荊州之衆繼之駿發尋陽沈慶之總中軍以從檄至建康劭以示太常顏延之曰彼誰筆也延之曰竣之筆也劭曰何至於延之曰竣尚不顧老臣安能顧陛下劭怒稍解劭疑舊臣不為已用乃厚撫魯秀王羅漢悉以軍事委之以蕭斌為謀主殷冲掌文符蕭斌勸劭勒水軍自上決戰不爾則保據梁山江夏王義恭以南軍倉猝船舫隘小不利水戰乃進策曰賊駿少年未習軍旅遠來疲弊宜以逸待之今遠出梁山則京都空弱東軍乘虛或能為患若分力兩赴則兵散勢離不如養銳得期坐而觀豐割棄南岸柵斷石頭此先朝舊法不憂賊不破也劭善之斌厲色曰南中郎二十年少能建如此大事豈復可量三方同惡勢據上流沈慶之甚練軍事元景宗慤屢嘗立功形勢如此實非小敵唯宜及人情未離尚可決力一戰端坐臺城何由得久今主相咸無戰意豈非天也劭不聽或勸劭保石頭城劭曰昔人所以固石頭城者俟諸侯勤王耳我若守此誰當見救唯應力戰決之不然不克太尉司馬龐秀之自石頭先衆南奔人情由是大震駿軍于鵲頭宣城太守王僧達得檄未知所從客說之曰方今豐逆滔天古今未有為君計莫若承義師之檄移告傍

郡苟在有心誰不響應此上策也如其不然可躬率向義之徒詳擇水陸之便致身南歸亦其次也僧達乃自候道南奔駿即以爲長史僧達弘之子也駿初發尋陽沈慶之謂人曰王僧達必來赴義人問其故慶之曰吾見其在先帝前議論開張執意明決以此言之其至必也柳元景以舟艦不堅憚於水戰乃倍道兼行至江寧步上使薛安都帥鐵騎躍兵於淮上移書朝士爲陳逆順降者相屬駿自發尋陽有疾不能見將佐唯顏竣出入卧內擁駿於膝親視起居疾屢危篤不任咨稟竣皆專決軍政之外間以文敎書檄應接避暹昏曉臨哭若出一人如是累旬自舟中甲士亦不知駿之危疾也柳元景潛至新亭依山爲壘新降者皆勸元景速進元景曰理順難恃同惡相濟輕進無防實啓寇心劭使蕭斌等分統水陸精兵萬人攻新亭壘劭自登朱雀門督戰元景宿令軍中曰鼓繁氣易衰叫數力易竭街枚疾戰一聽吾鼓聲劭將士懷劭重賞皆殊死戰元景水陸受敵意氣彌彊麾下勇士悉遣出鬪劭兵垂克魯秀擊退鼓劭衆遽止元景乃開壘鼓譟以乘之劭衆入潰劭更帥餘衆自來攻壘復大破之殺傷過前劭僅以身免魯秀南奔駿至江寧江夏王義恭單騎南奔上表勸進駿



遂即位于新亭初劭壅太祖謚曰景廟號中宗至是改謚曰文廟號太祖尊母路氏為皇太后立妃王氏為皇后封拜義恭以下有差五月臧質以雍州兵至新亭豫州刺史劉遵考遣將帥步騎五千軍于瓜步先是宋主遣將軍顧彬之將兵東入受隨王誕節度誕遣參軍劉季之將兵與彬之俱向建康誕自頓西陵為之後繼劭遣兵拒之大敗劭緣淮樹柵自守男丁既盡召婦女供役魯秀等募勇士攻大航克之王羅漢即放仗降城中沸亂文武將吏爭踰城出降蕭斌令所統解甲自石頭戴白幡來降詔斬於軍門諸軍遂克臺城張超之走至合殿御牀之所為軍士所殺剝腸剖心諸將鬻其肉生敢之劭入武庫井中隊副高禽執之臧質見之慟哭劭曰天地所不履載丈人何為見哭質縛劭於馬上防送軍門時不見傳國璽問劭曰在嚴道育處就取得之斬劭及四子於牙下濬帥左右南走遇江夏王義恭曰南中郎今何所作義恭曰上已君臨萬國又曰虎頭來無晚乎義恭曰殊當恨晚勒與俱歸於道斬之及其三子劭濬父子首並梟於大航暴尸於市汙瀦劭所居齋嚴道育玉鸚鵡並都街鞭殺焚尸揚灰於江殷冲尹弘王羅漢及沈璞皆伏誅贈袁淑為太尉謚忠憲公徐湛之

為司空謚忠烈公江漢為開府儀同三司謚忠簡公王僧綽為金紫光祿大夫謚簡侯卜天與益州刺史謚壯

侯與淑等四集覽七倫反板張永板詔板也注見漢家長給廩祿靈帝建寧元年義不同天注見晉安

帝隆安二年免不同天之責南中郎即武陵王駿也是為孝武帝臺城即宮城在建康城北二里今同泰寺在

此城內金陵志云唐時韓滉於建康石頭築五城其一曰臺城放仗降放棄兵仗而降服牙下句絕牙注見漢

獻帝初平三年牙門虎頭濬自稱其小字汙瀦劭所居齋汙瀦通音烏瀦與渚通音誅齋燕居之室也記擅

弓臣弒君子弒父者殺其人壞其室濬其宮而瀦焉鄭玄曰明其大逆不欲人復處之王莽傳古者畔逆之國

既已誅討則瀦其宮室以為汙池納垢濁焉名曰凶虛雖生菜茹人不食也李奇曰掘其宮以為池用貯水也

顏師古曰瀦謂質實顏竣臨沂人天府注見漢高帝五年

高水汙下也江陵縣名注見漢獻帝建安十三年尋陽郡名注見漢

獻帝建安十五年會稽郡名注見漢和帝永元元年隨郡名注見元嘉二十二年顧琛吳縣人志云馮衍杜陵人野王孫幼有奇才大志不戚戚於賤

志云馮衍杜陵人野王孫幼有奇才大志不戚戚於賤

郡名注見元嘉二十二年顧琛吳縣人志云馮衍杜陵人野王孫幼有奇才大志不戚戚於賤

郡名注見元嘉二十二年顧琛吳縣人志云馮衍杜陵人野王孫幼有奇才大志不戚戚於賤

郡名注見元嘉二十二年顧琛吳縣人志云馮衍杜陵人野王孫幼有奇才大志不戚戚於賤

郡名注見元嘉二十二年顧琛吳縣人志云馮衍杜陵人野王孫幼有奇才大志不戚戚於賤



貧嘗作頭志賦以自勵仕為曲陽令漢建武中因日食

書陳八事肅宗甚重其文大漢之貴臣將不如荆齊之

賤士此即頭志賦之文注見晉安帝元興三年

注見楚義帝元年梁山注見梁敬帝太平元年倉猝急

遽貌石頭城名注見漢獻帝建安十七年臺城在應天

府上元縣治東北五里本吳後苑城即晉建康宮城也

龍川集云臺城在鍾阜側其地據高以臨下東環平岡

以為安西城石頭以為重帶玄武湖以為險擁秦淮青

溪以為阻今縣脂井南至高陽基二里為軍營及民蔬

圃者皆是勤王注見漢獻帝建安元年鵲頭疑是地名

未詳處所唯池州府銅陵縣北一十里有鵲頭山其山

高聳宛若鵲頭今廬江西岸有鵲尾渚與此為匹未知

是否姑錄之以備參考宣城郡名注見漢明帝永平三

年丹陽江寧郡名注見晉明帝太寧二年淮上疑即秦

淮水之上在應天府治東南三里秦始皇時望氣者言

金陵有天子氣乃使朱衣三千鑿方山為瀆以斷地脉

水通大江以秦開故曰秦淮或云淮發源屈曲不類人

工晉王導使郭璞筮之曰淮水絕王氏滅即此新亭注

見晉安帝元興元年銜枚注見秦二世二年麾下注見

漢獻帝建安十四年鼓譟注見元嘉二十六年西陵郡

名注見周赧王三十六年大航舟名注見晉安帝元興

元年南衙武庫藏兵器之所傳國璽注見漢光武建武

三年梟注見漢靈帝建寧元年梟首

**書法**

魏高宗宋世祖皆繼故者也魏書濬立此書立

**發明**

上書武陵王舉兵討劭者予駿之討賊也繼書

**宜立也**

此與春秋書衛人立晉詞同而義異

**宋復以何尚之為尚書令**

初劭以尚書令何尚之為司空子偃為侍中及劭敗尚

之左右皆散自洗黃閣宋主以尚之偃素有令譽自居

劭朝用智將迎時有全脫故特免之復以尚

之為尚書令偃為大司馬長史任遇無改

**集覽**

自洗黃閣

自洗躬親洗掃也韻會注洗字本作洒漢東方朔傳不

勝洒掃之職注洒先禮反黃閣注見子業景和元年



**書法** 劭之弒也繼書以何尚之為司空則尚之臣劭  
刑甚矣書復以深譏之

**發明** 臣弒君子弒父凡在官者殺無赦陳恒之逆孔  
遂已也宋劭之變何尚之先以致仕復起身為大臣

君弒不能死於其難亦已非矣乃復北面逆賊故綱  
目前書以尚之為司空於劭弒逆之下所以正其受

偽命從逆賊之罪也今孝武既立自宜顯行刑辟庶  
幾大義昭明胡為使之復齒薦紳之列故綱目特筆

起義書宋復以尚之為尚書令者蓋譏其不當復用  
從逆之人也夫弒逆之賊無罪可加惟治其從逆之

人乃所以孤逆賊之黨此綱目之作所以為急於誅  
討逆亂者也故曰綱

目修而亂臣賊子懼

### 宋以柳元景為護軍將軍

初宋主之討西陽蠻也臧質使柳元景將兵會之及質  
起兵欲奉南譙王義宣為主潛使元景西還元景即以

質書呈宋主語其信曰臧冠軍當是未知殿下義舉耳  
方應伐逆不容西還質以此恨之及宋主即位以質為  
江州元景為雍州質慮元景為荆江後患建議元景當  
為瓜牙不宜遠出宋主重違其言以元景為護軍將軍  
領石頭

### 宋以南郡王義宣為荆湘刺史質實

南郡湘注見漢  
帝興平元年 ○秋七月朔日食

宋主詔求直言省細作并尚方彫文塗飾貴戚競利悉  
皆禁絕中軍錄事參軍周朗上疏以為毒之在體必割

其緩處歷下泗間不足戍守議者必以為胡衰不足避  
而不知我之病甚於胡矣今空守孤城徒費財役使虜

但發輕騎三千更互出入春來犯麥秋至侵禾水陸漕  
輸居然復絕於賊不勞而邊已困不至二年卒散民盡

可躋足而待也今人知不以羊追狼蟹捕鼠而令重車  
弱卒與肥馬悍胡相逐其不能濟固宜矣又三年之喪

天下之達喪漢氏節其臣則可矣薄其子則亂也凡法  
有變於古而刻於情則莫能順焉至乎敗於禮而安於

宋文帝元嘉三十年



身必處而奉之今陛下以大孝始基宜反斯謬又舉天下以奉一君何患不給一體炫金不及百兩一歲美衣不過數襲而必收寶連積集服累笥目豈常視身未時親是積帶寶笥著衣也何糜蠹之劇惑鄙之甚邪且細作始并以為儉節而市造華恠即傳於民如此則遷也非罷也凡厥庶民制度日侈見車馬不辨貴賤視冠服不知尊卑尚方今造一物小民明已瞬眊宮中朝制一衣庶家晚已裁學侈麗之源實先宮闈又設官者宜官稱事立人稱官置王侯識未堪務不應強仕且帝子未官人誰謂賤但宜詳置賓友茂擇正人亦何必列長史參軍別駕從事然後為貴哉又俗好以毀沈人不知察其所以致毀以譽進人不知測其所以致譽毀徒皆鄙則遭毀者宜擢譽黨悉庸則得譽者宜退如此則毀譽不妄善惡分矣凡無世不有言事無時不有下令然升平不至昏危相繼何哉設令之本非實故也書奏忤旨自解去職侍中謝莊上言詔云貴戚競利悉皆禁絕此實允愜民聽若有犯違則應依制裁糾若廢法申恩便為明詔既下而聲實乖爽也臣愚謂大臣在祿位者尤不宜與民爭利不審可得在此詔不在弘微之字也時多變易太祖之制郡縣以三周為滿宋之善政於是乎

**表 集覽**

歷下濟南歷山之下齊之西界漢書韓信襲歷下軍注歷下濟南歷城縣也泗間泗水之間也

書禹貢蔡氏傳曰泗水出魯國下縣桃墟西北陪尾山源有泉四四泉俱導因為名西南過彭城又東南經呂梁至下邳入淮按古下縣今兗州泗水縣是漢氏節其臣漢文遺詔短喪以日易月注見晉武帝泰始二年小民明已瞬眊瞬眊傍視也請明日已見之而便欲做也宜官稱事立人稱官置胡氏曰堯舜禹湯成周之始所以後世莫能及者人稱其官官當其事而已後世用人才與官不相宜官與事不相預政是以敗而亂亡隨質實尚方注見漢景帝後元年歷下城名注見漢光東五卜里陪尾山四泉並發循泗水縣北八里始合為一西經曲阜縣貫府城下至濟寧分流南北南流入徐州境北流入會通河謝莊陽夏人

**宋主殺其弟南平王鏐**

鏐素負才能常輕宋主宋主潛使人毒之



**發明**

南平之死乃宋主潛使人毒之蓋秘之也而綱目大書于冊然則為惡於幽隱者果可諱哉雖然莫親於弟而動輒殺之其源蓋始於文帝之殺義康爾豈知餘波所及其流浸廣自後踵而行之遂為故常綱目凡此類必專目其主而以殺其弟書之者蓋甚其絕滅天倫勦拉同氣之惡以惡之也繼是紛亦不可勝書矣生於帝王之家而屠戮若此哀哉

**宋廣州反討平之**

南海太守蕭簡據廣州反簡弒弟也詔新南海太守鄧琬始興太守沈法系討之簡誑其眾曰臺軍是賊劭所遣眾信之為之固守琬先至止為一攻道法系至曰宜四面並攻若守一道何時可拔琬不從法系曰更相申五十日日盡又不克乃從之八道俱攻一日即破之斬簡廣州平法系封府庫付琬而還

**實**

南海郡名

注見秦始皇三十三年

甲午  
宋世祖孝武帝駸孝建元年魏興光元年春正月宋鑄孝建四銖錢

元嘉中官鑄四銖錢輪郭形制與五銖同用費無利故民不盜鑄及是鑄孝建四銖形成薄小輪郭不成於是盜鑄者眾雜以鉛錫剪鑿古錢錢轉薄小守宰不能禁坐死免者相繼盜鑄益甚物價踊貴尋詔錢薄小無輪郭者悉不得行民間喧擾於是沈慶之建議宜聽民鑄錢郡縣置署樂鑄之家皆居署內平其準式去其雜偽所禁新品一時施用今鑄悉依此格萬稅三千嚴檢盜鑄毋陽尹顏竣駁之以為五銖輕重定於漢世魏晉以降莫之能改誠以物貨既均改之偽生故也今若巨細總行而不從公鑄利已既深情偽無極私鑄剪鑿盡不可禁財貨未贍大錢已竭數歲之間悉為塵土矣縱行細錢官無益賦之理百姓雖瞻無解官乏唯簡費去華專在節儉求贍之道莫此為貴議者又以銅轉難得欲鑄二銖錢竣議以為恣行新細無解官乏而民間姦巧大興天下之貨將糜碎至盡空嚴立禁而利深難絕不一二年其弊不可復救市井之間必生紛擾富商得志貧民困窘此其甚

**集覽**

四銖錢十黍為一銖十銖為一兩周郭也周景王

鑄大錢肉好皆有周郭漢書注肉錢形好錢孔也市井邑居為市野廬為井古者二十畝為一井因為交易故



稱曰市井公羊傳宣十五年注云井田之義有五其五曰通財貨因井田以為市故俗語曰市井疏云古者邑居秋冬之時入保城郭春夏之時出居田野既作田野遂相交易井田之處而為此市故謂之市井

**質實**

五銖錢名漢武帝元狩五年有司言三銖錢輕易作姦詐請鑄五銖周郭其質令不可摩踏帝從之罷三銖錢鑄五銖錢丹陽郡名注

見漢獻帝興平二年

宋立子子業為太子

**考異**

提要作宋王立其子

將置東宮省率更令

餘各減舊員之半

**質實**

率更令官名注見文帝元嘉十五年

二月宋江州刺史臧質以南郡王義宣舉兵反夏宋主遣兵討質誅之

初江州刺史臧質自謂人才足為一世英雄太子劬之亂潜有異圖以荆州刺史南郡王義宣庸闇易制欲外相推奉因而覆之劬既誅義宣與質功皆第一由是驕恣事多專行義宣在荆州十年財富兵彊朝廷所下制

度意有不同一不遵承質之江州舫千餘乘部伍前後百餘里帝方自攬威權而質以少主遇之政刑慶賞一不容稟擅用溢口米臺符檢詰漸致猜懼帝淫義宣諸女義宣恨怒質乃遣密信說義宣義宣腹心蔡超竺超民等咸有富貴之望勸從其計義宣以豫州刺史魯爽有勇力素與相結至是密使人報之及兖州刺史徐遺寶期以今秋舉兵使者至壽陽爽方飲醉失義宣指即日舉兵竊造法服登壇自號建平元年遺寶亦勒兵向彭城義宣聞爽已反狼狽舉兵與質俱表欲誅君側之惡爽送所造輿服詣江陵使征北府戶曹板義宣等文曰丞相劉今補天子名義宣車騎臧今補丞相名質皆見義宣出拊膺曰吾兄誤我乃與癡人作賊今年敗矣義宣兼荆江兖豫四州之力威震遠近宋主欲奉乘輿以柳元景王玄謨統諸將討之進據梁山洲於兩岸築偃月壘水陸待之三月義宣移檄州郡雍州刺史朱脩之偽許之而遣使陳誠於帝益州刺史劉秀之斬其使遣軍襲江陵義宣帥眾十萬發江津舳舻數百里以子惛與竺超民留鎮江陵義宣知脩之貳於已乃以魯秀



為雍州刺史使將萬餘人擊之王玄謨聞秀不來喜曰  
臧質易與耳冀州刺史垣護之妻徐遺寶之姊也遺寶  
邀護之同反護之不從發兵擊之遺寶奔壽陽義宣至  
尋陽以質為前鋒爽亦引兵趣歷陽與質水陸俱下將  
軍沈靈賜將百舸破質前軍質至梁山夾陳兩岸與官  
軍相拒四月以朱脩之為荊州刺史遣將軍薛安都等  
戍歷陽沈慶之濟江討爽爽引兵退慶之使安都帥輕  
騎追及斬之進克壽陽徐遺寶走死義宣至鵲頭慶之  
送爽首示之爽累世將家驍猛善戰號萬人敵義宣與  
質由是駭懼宋主使元景進屯姑孰太傅義恭與義宣  
書曰臧質少無美行第所具悉今藉西楚之疆力圖濟  
其私凶謀若果恐非復池中物也義宣由此疑之五月  
至蕪湖質曰今以萬人取南州則梁山絕萬人綴梁  
山則玄謨必不敢動下官中流鼓棹直趣石頭此上策  
也義宣將從之劉謨之密言質求前驅此志難測不如  
盡銳攻梁山事克然後長驅此萬安之計也義宣乃止  
會西南風急質遣將攻陷梁山西壘又遣兵趣南浦垣  
護之與戰破之朱脩之斷馬鞍山道魯秀攻之不克王  
玄謨使護之告急於柳元景欲退還姑孰更議進取元  
景曰賊勢方盛不可先退吾當卷甲赴之護之曰賊謂

南州有三萬人而將軍麾下裁十分之一若往造賊壘  
則虛實露矣王豫州又不可來不如分兵援之元景曰  
善乃留羸弱自守悉遣精兵助玄謨多張旗幟梁山望  
之如數萬人皆以為建康兵悉至衆心乃安質請自攻  
東城顏樂之曰質若復克東城則大功盡歸之矣宜遣  
麾下自行義宣乃遣劉謨之與質俱進頓兵西岸進攻  
東城玄謨督諸軍大戰薛安都帥突騎衝陳陷之斬謨  
之質等大敗垣護之燒江中舟艦延及西岸營壘殆盡  
諸軍乘勢攻之義宣兵潰單舸迸走閉戶而泣質不知  
所為亦走其衆皆降散質逃于南湖追斬其首送建康  
子孫皆棄市義宣走向江陵衆散且盡竺超民具羽儀  
迎之時州兵尚餘萬人秀超民等猶欲收餘兵更圖一  
決而義宣恇沮無復神守旦日超民集覽刺姦官名也  
收送刺姦秀欲北走不能去赴水死南郡注見漢獻帝建  
三刺一宥三赦之法注刺音質實安十三年狼狽注見  
七賜反如以鍼刺疾之也漢安帝延光四年竟陵郡  
漢獻帝初平三年乘輿注見漢安帝延光四年竟陵郡  
名注見晉孝武帝太元六年梁山注見梁敬帝太平元  
年益州注見晉武帝泰始八年舳舻注見晉帝奕太和  
四年歷陽縣名注見漢冲帝永嘉元年姑孰縣名注見

通鑑綱目卷之二十一 漢紀四十四 漢獻帝初平三年 漢安帝延光四年 梁敬帝太平元年 晉武帝泰始八年 晉帝奕太和四年



晉明帝太寧元年池中物事在漢獻帝建安十五年周

瑜疏文蕪湖縣名注見晉成帝咸和二年馬鞍山按一

石頭城以形似故名一在太平府西北四十里慈湖巷

口未知孰是姑錄之以備參考王豫州謂王玄謨也東

城未詳處所或疑是縣名注見漢獻帝建安三年南湖

未詳處所惟安慶府治南有南湖三面依城

古木參天湖浸甚廣未知是否明者察之

**書法**反未有書某以者此書減質以何質首惡也質

書討質首罪質之辭也然則義宣不罪乎義宣雖帝

激之然既從質反矣故不書伏誅而削其爵斥書姓

**發明**反不書以者明義宣愚闇為質所使者也

### 宋置東揚州郢州

初晉氏南遷以揚州為京畿穀帛所資出焉以荆江南

重鎮甲兵所聚在焉常使大將居之三州戶口居江南

之半宋主惡其疆大乃分揚州浙東五郡置東揚州治

會稽分荆湘江豫州之八郡置郢州治江夏罷南蠻校

尉遷其營於建康太傅義恭議使郢州治巴陵尚書令

何尚之曰夏口在荆江之中正對沔口通接雍梁寔為

津要既有見城浦大容舫於事為便從之既

而荆揚因此虛耗尚之請復合二州不許

漢獻帝興平二年金陵京畿注見唐太宗貞觀五年會稽

籍郡名注見漢和帝永元元年江夏郡名注見漢後主

建興七年武昌巴陵郡名注見文帝元嘉三年夏口地

名注見漢獻帝建安十三年沔口地名注同上年雍梁

二州名雍注見齊和帝中興元年襄州梁注見周赧王四年漢中

### 宋省錄尚書事官

宋主惡宗室疆盛不欲權在臣下太傅義恭知其指故請省之

### 宋以朱脩之為荆州刺史劉義宣伏誅

荆州刺史朱脩之入江陵殺義宣并誅其子十六人及

同黨竺超民等超民兄弟應從誅何尚之言賊既遁去

一夫可擒若超民反覆昧利即當取之非唯免愆亦可

要不義之賞而超民曾無此意微足觀過知仁且為官



保全城府謹守車藏端坐待縛今戮其兄  
弟則與其餘逆黨無異於事為重乃原之  
帝建安十一年南郡

**發明** 宋主有亂倫之惡故義宣忿怒而反然綱目正名定罪畧不少恕者然君雖不君臣不可以不正也臣

也臣

秋七月朔日食 **質實** 日食注見漢文帝六年

宋孝建二年春宋鎮北大將軍沈慶之罷就第

宋鎮北大將軍南兖州刺史沈慶之請老表數十上詔聽以公就第頃之宋主復欲用慶之使何尚之往起之慶之笑曰沈公不效何公往而復返尚之慙而止

往而復返尚之慙而止

秋八月宋主殺其弟武昌王渾

渾與左右作檄文自號楚王改元求光以為戲笑長史封上之廢為庶人逼令自殺時年十七 **質實** 武昌

郡名注見漢後主建興七年

**書法** 渾作檄文建號改元以為戲笑則罪也其以無罪書之何甚宋主也渾則信有罪矣年未成人處以八議或者罪不至死今而殺之甚矣

宋郊廟初設備樂

**書法** 書初何緩辭也前書宋始備郊廟之樂矣於是而書初設然則前者雖備猶未設也宋人慢於郊廟亦甚矣故再書初

冬十月宋裁損王侯制度

宋主欲削弱王侯江夏王義恭等奏裁損王侯車服器用樂舞制度凡九事宋主因諷有司奏增廣為二十四

條聽事不得南向坐施帳劔不得為鹿盧形內史相及封內官長止稱下官不得稱臣罷官則不復追叙詔可

**集覽** 劔不得為鹿盧形鹿盧井上絞繩而汲水之具漢書雋不疑傳帶櫛具劔注櫛音磊古長劔首以玉

通鑑綱目卷之六十一 宋孝武帝孝建二年



作井鹿盧形上刻木作山如蓮花初生未敷時

**發明**

逆劭之變宋孝武以藩王討賊得國劉氏之不

則根本將何所庇今乃削弱王侯何哉故綱目於此特以裁損王侯制度書之以見其本志惟恐宗族之蕃衍而欲削其枝葉也雖然彼不難於獵其諸弟而殺之又何有於制度哉世變日下天理滅亡可哀也已

### 宋以楊元和楊頭為將軍

元和故氏王揚保宗子也宋朝以其幼弱未正位號部  
落無定主其族父頭先戍葭蘆母妻子弟並為魏所執  
而為宋堅守無貳心雍州刺史王玄謨請以頭為西秦  
刺史安輯其眾俟元和稍長使嗣故業若其不稱即以  
授頭必能藩扞漢川使無虜患若  
葭蘆不守漢川亦不可立矣不從  
**管實**葭蘆城名注見  
年西秦州名未詳處所或疑即秦州注見漢光武建武  
元年漢川郡名注見周赧王四年漢中氏王都黎及

戎種也

丙申

宋孝建二年春正月魏立貴人馮氏為后

右遼西公朗之女也

**管實**

遼西郡名注見漢獻帝建安十年

二月魏主立其子弘為太子

**考異**主其二字羨按凡例立太子曰立子某為皇太子

子非正統特書者去皇號據漢立太子盈不書漢王立其子竊考提要宋立子業齊立長懋寶卷皆書某主立其子今綱目定本皆削去則知其二字羨乃未削之字也

魏主立子弘為皇太子生二年矣先使其母李貴人條記所付託兄弟然後依故事賜死

**書法**

書立太子多矣此其斥書魏主何譏也於是弘生甫三歲使其母條記所託依故事賜死是亦

不可少緩乎忍哉其為君也故斥書主終綱目立太子斥書主者四成立立兄子班晉明帝大寧二年魏立子弘是年立子恂癸酉年梁立子綱辛亥年皆譏也



宋以宗慤為豫州刺史

故事府州部內論事皆籤前直叙所論之事置典籤以主之宋諸皇子為方鎮者多幼時主皆以親近左右領典籤至是雖長王臨藩素族出鎮皆以典籤出納教命刺史不得專其職及慤為豫州吳喜為典籤每多為執慤大怒曰宗慤年將六十為國竭命正得一州如質實斗大不能復與典籤共臨之喜稽顙流血乃止

秋七月宋以西陽王子尚為揚州刺史

太傅義恭以宋主之子尚為揚州刺史時熒惑守南斗宋主廢西州舊館使子尚移治東城以厭之別駕沈懷文曰天道示變宜應之以德雖空西州恐無益也不從集覽西州質實注見晉安帝元質實東城縣名注見漢高帝五年沈懷文武康人

八月魏擊伊吾克之

質實

伊吾屯名注見漢明帝永平十五年

○冬十月宋

以江夏王義恭為太宰

質實

江夏郡名注見漢後主建興七年武昌

○十一

月魏以源賀為冀州刺史

賀上言今北虜遊魂南寇負險疆場之間猶須防戍自非大逆赤手殺人其坐賊盜及過誤應入死者皆可原宥諫使守邊則已斷之謂群臣曰吾用賀言一歲所活不少增兵亦多卿等人人如賀朕何憂哉會人告賀謀反魏主曰賀竭誠事國朕為卿等保之訊驗果誣乃誅告者因謂左右曰以賀忠誠猶不免誣謗不及賀者可無慎哉質實源賀西平人疆場

十二月宋移青冀并鎮歷城

宋主欲移青冀二州并鎮歷城刺史垣護之曰青州北有河濟又多陂澤北虜每來寇掠必由歷城二州并鎮



此經遠之畧也北又近河歸順者易近息  
民患遠申王威安邊之上計也由是遂定  
漢光武建武五年歷下  
**質實** 歷城縣名注見

### 魏定州刺史許宗之有罪誅

宗之求取不節以州民馬超謗已歐殺之恐其家人告  
狀上超詆訕朝政魏主曰此必妄也朕為天下主何惡  
於超而有此言必宗之懼  
**質實** 許宗之高陽人定州定  
罪訕超案驗果然遂斬之  
山中

### 宋金紫光祿大夫顏延之卒

延之子竣貴重凡所資供一無所受布衣茅屋蕭然如  
故嘗乘羸牛笨車逢竣鹵簿即屏在道側常語竣曰吾  
平生不喜見要人今不幸見汝竣起宅延之謂曰善為  
之無令後人笑汝拙也延之嘗早詣竣見賓客盈門竣  
尚未起延之怒曰汝出糞土之中升雲霞之上還驕傲  
如此其能久乎竣丁憂踰月起為右將軍丹陽尹如故

竣固辭表十上不許遣中書舍人抱竣登車載之  
郡舍賜以布衣一襲絮以綵綸遣主衣就衣諸體  
**集覽**

**笨車** 竹輿也笨布衮反鹵簿出行儀衛曰鹵簿又天子  
鹵簿注見晉成帝咸康二年要人謂權貴絮以綵綸以  
綵色之綸內之於所賜布衣中也漢書齊國有吹  
綸絮顏師古曰綸似絮而細名吹者言吹噓可也  
**質實**  
**丹陽** 郡名注見漢  
獻帝興平二年

**發明** 延之書爵書卒褒美如此所以  
著其清儉之德知子之明也

宋大明元年春正月魏以尉眷為太尉錄尚書事  
**質實** 尉眷

代○魏侵宋入兗州

魏人侵宋敗東平太守劉胡宋主遣薛安都沈法系禦  
之並受徐州刺史申坦節度比至魏兵已去先是群盜  
聚任城荆榛中累世為患謂之任榛坦請回軍討之任  
榛逃散無功而還安都法系坐白衣頌職坦當誅群臣  
為請莫能得沈慶之抱坦哭於市曰汝無  
罪而死我行當就汝矣有司以聞乃免之  
**質實** 東平郡名注見

酉丁



漢獻帝興平元年徐州注  
見秦始皇二十八年彭城

### 夏六月宋以顏竣為東揚州刺史

宋主自即吉之後奢淫自恣多所興造顏竣以藩朝舊臣數懇切諫爭宋主浸不悅竣疑宋主欲疎之乃求出外以占其意宋主從之竣始大懼

### 秋七月宋并雍州為一郡

雍州所統多僑郡縣刺史王玄謨言僑郡縣無有境土新舊錯亂租課不時請皆土斷乃詔并雍州三郡十六縣為一郡郡縣流民不願屬籍訛言玄謨欲反時柳元景宗疆郡從多為雍部二千石乘聲皆欲討玄謨玄謨令內外晏然以解衆感馳使啓上具陳本末宋主遣主書吳喜撫慰之且報曰七十老公反欲何求君臣之際足以相保聊復為笑伸卿眉頭耳玄

**集覽**

土斷注見晉武帝太康六年

雍州注見漢獻帝建安十二年襄陽

### 史 八月宋以竟陵王誕為南兖州刺史劉延孫為南徐州刺史

初高祖遺詔以京口要地非宗室近親不得居之延孫之先雖與高祖同源而從來不序昭穆宋主既命延孫鎮京口仍詔與合族宋主閨門無禮不擇親疎尊卑流聞民間無所不至誕寬而有禮誅劾及義宣皆有大功人心竊向之誕多聚才力之主蓄精甲利兵宋主畏忌之不欲誕居中使出鎮京口猶嫌其逼更徙之廣陵以延孫腹心之臣故

**質實**

南兖州注見漢武帝元朔五年淮南國南徐州注見文帝元嘉

三十

戊戌

### 宋大明二年春正月魏設酒禁置候官

魏主以士民多因酒致鬪及議國政故設酒禁釀酤飲者皆斬吉凶之會聽開禁有程日增置內外候官伺察諸曹及州鎮或徵服百官職滿二丈皆斬又增律七十九司窮治訊掠取服百官職滿二丈皆斬又增律七十九

通鑑綱目卷之六十一 宋大明二年春正月魏設酒禁置候官



章集覽

書法

府寺按漢制三公所居曰府九卿所居曰寺府者道德之所聚寺廷也

二月魏以高允為中書令

魏起太華殿中書侍郎高允諫曰太祖始建都邑其所營立必因農隙今建國已久朝會宴息臨望之所皆已悉備縱有脩廣亦宜馴致不可倉卒今計所當役凡二萬人老弱供餉又當倍之期半年可畢一夫不耕或受之饑况四萬人之勞費可勝道乎魏主納之允好切諫事有不便允輒求見屏人極論或自朝至暮或連日不出語或痛切魏主不忍聞命左右扶出然終善遇之時有上事為激訐者魏主謂群臣曰君父一也父有過子何不作書於衆中諫之而於私室屏處諫者豈非不欲其父之惡彰於外邪至於事君何獨不然君有得失不能面陳而上表顯諫欲以彰君之短明己之直此豈忠臣所為乎如高允者乃真忠臣也朕有過未嘗不面言朕聞其過而天下不知可謂忠乎允所與同徵者游雅等皆至大官封侯而允為郎二十七年不徙官魏主

謂群臣曰汝等雖執弓刀在朕左右未嘗有一言規匡唯伺朕喜悅析官乞爵今皆無功而至王公允執筆佐國家數十年為益不少不過為郎汝等不自愧乎乃拜允中書令時魏百官無祿允常使諸子樵採自給司徒陸麗曰高允雖蒙寵待而家貧妻子不立魏主即日至其第惟草屋數間布被緼袍厨中鹽菜而已魏主歎息賜以帛粟拜其子悅為郡守允固辭不許帝重允常呼為令公而不名游雅常曰前史稱卓子康劉文饒之為人褊心者或不之信余與高子遊處四十年未嘗見其喜愠之色乃知古人之不誣耳高子內文明而外柔順其言呐呐不能出口昔崔司徒嘗謂高生豐才博學一代所推所乏者矯矯風節耳余亦以為然及司徒得罪詔指臨責聲嘶股栗殆不能言高允獨敷陳事理辭義清辯人主為之動容此非所謂矯矯者乎宗愛用事威振四海王公以下趨庭望拜高子獨弁階長揖此非所謂風節者乎夫人固未易知吾既失之於心崔又漏之以外此乃管仲所集覽馴致馴音循以漸而致曰馴致以致勤於鮑叔也易坤卦馴致其道緼袍論語緼袍注緼臬着也臬着者雜用臬麻也記玉藻篇緼為繒緼為袍注衣有著之異名也續謂今之新綿緼謂今繒



康劉文饒之為人 漢光武時卓茂字子康嘗出有人認

其馬茂知其謬嘿解與之後馬主得所亡馬乃送馬詣

茂謝之茂之性不好爭如此漢桓靈時劉寬字文饒嘗

出有失牛者就寬車中認之寬無所言有頃認者得牛

乃來謝罪寬曰物有相類事容脫誤何為謝之州里服

其不校 楠心 詩維是楠心楠通作楠性狹也 莊子曰楠

然如不出諸其口注 訥訥不能出口 記檀弓篇其言訥訥

矯矯爾雅矯矯勇也 詩泮水篇矯矯虎臣注 矯矯武貌

音居表反 風節 風調節操也 韻會注 風諷曰操有所操

守曰節 管仲致勤於鮑叔 管仲少與鮑叔牙遊 管仲嘗

欺鮑叔後鮑叔事齊公 子糾死鮑叔遂進管仲於桓公 管仲曰

立是為桓公 子糾死鮑叔遂進管仲於桓公 管仲曰

吾嘗與鮑叔賈分財利多自與鮑叔不以我為愚 吾嘗三仕三

與鮑叔謀事而更窮困鮑叔不以我為不肖 吾嘗三戰三北鮑叔不

見逐於君 鮑叔不以我為不肖 吾嘗三戰三北鮑叔不

以我為怯 公糾敗吾幽囚受辱 鮑叔不以我為無耻

生我者父母 知 **正誤** 卓子康劉文饒之為人 楠心者不之

我者鮑叔也 云史稱卓劉之為人 楠心者不之

信以證高允無喜愠之色 集覽獨引不校馬牛二事為

說未當 漢書稱卓茂寬仁恭愛恬蕩樂道自束髮至白

首與人未嘗有爭競 鄉黨故舊雖行能與茂不同而皆

愛慕 忻忻焉 劉寬歷典三郡 溫仁多恕 吏民有過但用

蒲鞭罰之 示辱而已 雖在倉卒未嘗疾言遽色 夫人欲

服婢遽收之 寬神色不異 徐言曰 羹爛汝手 乎其性度

如此 其言訥訥 今按謂聲低而語緩也 管仲致勤於鮑

叔 今按說苑鮑叔死 管仲舉士衽而哭之 泣下如雨 從

者曰 非君父子也 此亦有說乎 管仲曰 非夫子所知也

吾嘗與鮑子負販于南陽 吾三辱于市 鮑子不以我為

怯 知我之欲有所明也 鮑子嘗以我有所說 君者而二

不見 聽鮑子不以我為不肖 知我之不遇明君也 鮑子

嘗與我臨財分債 吾自多取者 三鮑子不以我為貪 知

我之不足於財也 生我者父母 知我者 鮑子 康注

鮑子也 士為知己者死 而况為哀乎 質實 見齊武帝

求明 五年卓茂化行 劉文饒劉寬字文饒 華陰人 司徒

崎之子 性度寬仁 漢桓帝時守南陽 吏人有過 蒲鞭示

辱而已 每行縣 輒引學官 講經人皆感德 興行嘉平中

拜太尉 後封遂鄉侯 管仲 潁陽人 名夷 吾鮑叔牙 薦之

通鑑綱目卷之二十一

宋孝武帝大明二年

三十一



齊桓公以為相稱仲父九合諸侯一匡人下仲之力也  
**鮑叔**青州人為齊卿進管仲於桓公以身下之天不多  
管仲之賢而多鮑叔能知人也子  
孫世祿於齊有封邑者十餘世

### 夏六月宋以謝莊顧覲之為吏部尚書

宋主不欲權在臣下分吏部尚書置二人以謝莊顧覲  
之為之初晉世散騎常侍選望甚重其後用人漸輕宋  
主欲重其選乃用當世名士孔顛王彧為之侍中蔡興  
宗曰選曹要重常侍閑淡改之以名而不以實雖為輕  
重人心豈可變耶後竟如其言興宗廟之子也**裴子野**  
曰官人之難尚矣周禮始於學校論之州里告諸六事  
而後貢于王庭漢家州郡積其功能五府舉為掾屬三  
公參其得失尚書奏之天子一人之身所閱者衆故能  
官得其才鮮有敗事魏晉易是所失弘多夫厚貌深衷  
險如谿壑擇言觀行猶懼弗周况今萬品千群俄折乎  
一面庶僚百位專斷於一司於是于進務得無復廉耻  
之風謹厚之操官邪國敗不可紀綱假使龍作納言舜  
君南面而欲治致平章不可必也况後之人哉孝武  
雖分曹為兩不能反之於周漢朝三暮四其庸愈乎

**覽**

六事書其誓篇乃召六卿王曰嗟六事之人龍作納  
言龍舜臣名也書舜典曰龍命汝作納言朝三暮四

列子黃帝篇宋有狙公者養狙成群誑之曰與若予朝  
三而暮四衆狙皆怒俄而曰朝四而暮三衆狙皆喜聖  
人以智籠群愚亦猶狙公之以智籠衆狙也林希逸口  
義云予音芋山栗也一名橡子又注見莊子齊物篇  
**質實**顧覲之吳縣人崇之孫孔覲山陰人琳之子王彧  
臨沂人蔡廓陳留考城人謨之曾孫納言官名注  
見漢靈帝和光元年

### 宋沙門曇標謀反伏誅

南彭城民高闍沙門曇標以妖妄相高與殿中將軍苗  
允等謀作亂立闍為帝事覺伏誅於是詔沙汰沙門設  
諸條禁嚴其誅坐非成行精苦並使  
還俗而諸尼出入宮掖竟不得行

**集覽**

高闍姓名闍  
音東徒反又

時遮反沙汰沙之汰之瓦礫在  
後言選擇之有所棄斥者也

**質實**

南彭城未詳處所  
疑即南徐州注見

秦始皇二十八年彭城沙門  
僧名注見漢明帝永平八年



**書法**

於是民高閣及曇標與殿中將軍苗允等謀作亂立閣為帝閣允不書書沙門何垂戒也書沙

門則可以為垂戒沙門而謀反則何不為矣人主之尊信異端者亦可以少悟哉終綱目沙門書反亂者

三是在年齊辛酉年魏沙門法秀作亂梁乙未年魏冀州沙門作亂○丘濬曰書僧反始此

### 秋八月宋殺其中書令王僧達

僧達幼聰警能文而跌蕩不拘宋主初立擢為僕射自負才地一二年間即望宰相既而下遷再被彈劾僧達耻怨所上表奏辭旨抑揚又好非議時政宋主已積憤路太后兄子嘗詣僧達升其榻僧達令舁棄之太后大怒固邀宋主令必殺僧達會高閣反宋主因誣僧達與閣通謀賜死沈約曰夫君子小人類物之通稱蹈道則為君子違之則為小人是以太公起屠釣為周師傳說去板築為殷相胡廣累世農夫致位公相黃憲牛醫之子名重京師非若晚代分為二途也魏立九品蓋論人才優劣非謂世族高卑而都正俗士隨時俯仰憑藉世資用相陵駕因此相沿遂為成法周漢之道以智役愚魏晉以來以貴役賤士庶之科較然有辨矣裴子野曰

古者德義可尊無擇負販苟非其人何取世族自晉以來其流稍改草澤奇士猶頭清塗降及季年專限閣閣

以謝靈運王僧達之才華輕躁使生自寒宗猶將覆折重以怙其庇廕召禍宜哉

**集覽**

或作佚

徒結反蕩或作踴徒浪反跌踴行不正貌謂無儀檢也揚雄佚蕩漢書音義曰佚蕩音鐵謹緩也

大公姓姜名牙避紂居東海上聞周文王作興往歸之至於朝歌道困窮因鼓刀而屠遂西釣渭濱文王出獵

而遇之載與俱歸用以為師傳說去板築傳氏之巖在虞統之界通道所經有澗水壞道常使胥靡刑人築護

此道說賢而隱代胥靡築之以供食殷高宗夢得聖人以其形像求之因得傳說登以為相胡廣東漢時人六

世祖胡剛清高有志節王莽若攝剛遂解衣冠縣府門而去亡命交趾隱於屠肆之間後廣事安順冲賞拒靈

六帝在公台者三十餘年黃憲東漢時人父為牛醫荀淑遇憲於逆旅曰子吾之師表也友人勸其仕憲遂暫

到京師而還專限閣閣明其等曰閣積其功曰

**管實**

王

達臨沂人太公即呂尚注見漢桓帝永康元年傳說平陸人殷高宗恭默思道夢帝賚良弼以象求之說築傳



巖之野惟肖遂立為相胡廣南郡華容人剛六世孫父  
貢仕為交阯都尉廣少孤貧漢安帝時舉孝廉為天下  
第一拜尚書郎累遷司徒定策功封侯進司空致仕復  
拜太尉遷太傅廣練達事體明解朝章雖無害直之風  
屢有補缺之益故京師諺曰萬事不理問伯始天下中  
庸有胡公在公台三十餘年歷事六帝禮任甚優卒謚  
文恭黃憲汝南慎陽人漢安帝朝舉孝廉不就陳蕃周  
舉常相謂曰時月之間不見黃生鄙吝之萌復存於心  
郭泰曰叔度汪汪若千頃陂澄之不清滂之不濁不可  
量也叔度黃憲表字天下號曰徵君魏立九品事在漢  
獻帝建安二十五年

**書法**

僧達輕躁罪人也其書殺何殺之不以其罪也  
網目之法雖有罪而殺之不以其罪一以無罪  
之辭書之故僧  
達具官書殺

冬十月魏主伐柔然刻石紀功而還

魏主至陰山會雨雪欲還尉眷曰今動大衆以威北敵  
去都不遠而車駕遽還虜必疑我有內難將士雖寒不

可不進魏主從之度大漠旌旗千里柔然處羅可汗  
遠道其別部數千落降于魏魏主刻石紀功而還

**實**

柔然北狄種名注見晉孝武帝太  
元十二年陰山注見秦王政三年

魏侵宋清口宋青冀刺史顏師伯連戰破之

積射將軍殷孝祖築兩城於清水之東魏鎮西將軍封  
敕文攻之清口戍主振威將軍傅乾愛拒破之宋主遣  
虎賁王龐孟蚪救清口顏師伯遣中兵參軍荀思達助  
之敗魏兵於沙溝宋主又遣司空參軍卜天生會傅乾  
愛及中兵參軍江方興共擊魏兵屢破之斬魏將數人  
魏征西將軍皮豹子將兵助封敕文寇青州師伯與戰  
幾獲 **質實** 殷孝祖陳郡長平人清水注見晉帝奕太和  
四年清口即清水之口注同上年沙溝未詳  
所處

宋以戴法興戴明寶巢尚之為中書舍人

初宋主在江州戴法興戴明寶蔡閑為典籤及即位皆  
以為南臺侍御史兼中書通事舍人是歲並以初舉兵



預密謀賜爵縣男時宋主親覽朝政不任大臣而腹心耳目不得無所委寄法與頗知古今素見親待巢尚之人士之未涉獵文史亦為中書通事舍人凡選授遷徙誅賞大慶分宋主皆與法與尚之參懷內外雜事多委明寶三人權重當時而法與明寶大納貨賄門外成市家累千金顧覬之獨不降意蔡興宗與覬之善嫌其風節太峻覬之曰辛毘有言孫劉不過使吾不為三公耳覬之常以為人稟命有定分非智力所移唯應恭已守道而闇者不達妄意僥倖徒虧雅

**集覽** 辛毘有言魏明道無關得喪乃著定命論以釋之帝時中書監劉放孫資見信於主大臣莫不交好而辛毘不與交子敞諫曰劉孫用事大人宜小降意毘正色曰就與劉孫不平不過令吾不作三公耳大

**管實** 涉獵注見漢獻帝建安十四年一統志云辛毘穎川陽翟人漢獻帝時曹操表為議郎遷丞相長史入魏為侍中好直諫嘗以事諫文帝文帝不聽毘隨而引其裾帝竟從其言明帝時封穎鄉侯劉放涿郡人為左右丞掌機密事明帝時尤見寵任齊王即位以放決定大謀增邑戶卒謚敬侯孫資太原人漢末曹操為

已亥

司空辟資不應後荀彧見而嘆曰北州賢智零落今復見孫彥龍乎表為尚書郎仕至中書令卒謚貞侯彥龍資表字僥倖莊子在宥篇云此以人之國僥倖也幾何者何得而不喪其國乎

魏太安三年夏四月宋竟陵王誕反廣陵宋主遣兵討之

竟陵王誕知宋主意忌之亦潛為之備因魏人寇修城浚隍聚糧治伏參軍江智淵知誕有異志請假先還建康宋主以為中書侍郎智淵少有操行沈懷文每稱之曰人所應有盡有人所應無盡無者其唯江智淵乎俄而事覺宋主令有司奏請收付廷尉詔賤爵為侯遣之國使兗州刺史垣朗與戴明寶襲之明寶夜報誕與籤蔣成使為內應誕聞之斬成擊朗殺之明寶逃還詔沈慶之將兵討誕慶之至歐陽誕遣人齎書說慶之餉以玉環刀慶之遣還數以罪惡誕閉門自守分遣書檄邀結遠近時山陽內史梁曠家在廣陵誕執其妻子遣使邀曠曠斬其使誕遂滅曠家奉表投城外數宋主罪惡曰陛下宮帷之醜豈可三緘宋主大怒凡誕左右腹

司空辟資不應後荀彧見而嘆曰北州賢智零落今復見孫彥龍乎表為尚書郎仕至中書令卒謚貞侯彥龍資表字僥倖莊子在宥篇云此以人之國僥倖也幾何者何得而不喪其國乎



心同籍期親在建康者誅死以千數慮誕奔魏使慶之  
斷其走路豫州刺史宗慤徐州刺史劉道隆並帥衆來  
會先是誕誑其衆云宗慤助我慤至繞城躍馬呼曰我  
宗慤也誕見衆軍大集棄城北走慶之遣兵追之誕衆  
皆不欲去誕乃復還築壇歎血以誓衆以劉琨之為參  
軍琨之遵考之子也辭曰忠孝不得並現之老父在不  
敢承命誕囚之十餘日終不受乃殺之慶之進營逼廣  
陵城誕於城上授函表請慶之為送慶之曰我授詔討  
賊不得為汝送表汝必欲歸死朝

**集覽**

三緘孔子觀周

廷自應開門遣使吾為汝護送  
有金人三緘其口銘其背曰古之慎言人也戒之哉母  
多言多言多敗母多事多事多患勿謂何傷其禍將長  
勿謂何害其禍將大勿謂不聞神將伺人焰焰不滅炎  
炎若何消消不墜終為江河綿綿不絕或成網羅毫末  
不札將尋斧柯誠能慎之福

**質實**

廷尉官名注見秦始

之根也曰謂何傷禍之門也  
是郡縣名及地名未詳處所或疑歐陽字誤未知是否  
一統志云山陽古地名春秋屬吳後屬越戰國屬楚秦  
屬九江郡漢屬臨淮郡及廣陵國東漢屬廣陵郡及下  
邳國三國屬魏為臨淮廣陵二郡地晉分淮北為北徐  
州南為徐州又分廣陵置山陽郡僑立兗州於北劉宋  
失淮北乃於此立州鎮為北兗州東魏復為山陽郡隋  
置楚州大業初併入江都郡唐為東楚州後改楚州天  
寶初改淮陰郡乾元初復為楚州五代時南唐陸順化  
軍宋仍為楚州建炎中置楚泗承州連水軍鎮撫使尋  
罷紹定初於此置淮安軍端平初陞為州元陞為淮安  
路屬河南行省本朝改為淮安府直  
隸京師歎血注見周報王五十七年

### 五月宋殺其東揚州刺史顏竣

竣遭母憂送喪還都宋主恩待猶厚會王僧達得罪疑  
竣譖之陳竣前後怨望誹謗之語竣坐免官竣懼上啓  
請命宋主益怒及誕反遂誣竣與通謀收付廷

**質實**

東揚

### 秋七月宋克廣陵劉誕伏誅

沈慶之值久雨不得攻城宋上令有司奏免慶之官詔  
勿問以激之誕初閉城參軍賀弼固諫誕怒抽刀向之

宋書武帝本紀



及誅兵屢敗將佐多踰城出降或勸弼宜早出弼曰公  
 舉兵向朝廷此事既不可從荷公厚恩又義無違背唯  
 當以死明心耳乃飲藥自殺參軍何康之等謀開門納  
 官軍不果斬關出降誣為高樓置康之母於其上暴露  
 之不與食母呼康之數日而死范義為誕左司馬或勸  
 其行義曰子不可以棄母吏不可以叛君必若康之而  
 活吾弗為也沈慶之帥眾攻城克之誕走追及斬之母  
 妻皆自殺宋主聞廣陵平出宣陽門救左右皆呼萬歲  
 侍中蔡興宗陪輦宋主顧曰卿何獨不呼興宗正色曰  
 陛下今日正應涕泣行誅豈得皆稱萬歲宋主不悅詔  
 貶誕姓留氏廣陵城中士民無大小悉命殺之慶之請  
 自五尺以下全之女子為軍賞猶殺三千餘口擢梁曠  
 為後將軍贈劉琨之給事黃門侍郎蔡興宗奉旨慰勞  
 廣陵興宗與范義素善收斂其尸送歸豫章宋主謂曰  
 卿何敢故觸王憲對曰陛下自殺賊臣臣  
 自葬故交何不可之有宋主有慙色

**集覽** 五尺童子五尺之童適市

**質實** 豫章郡名注見漢武帝元鼎五年

宋以沈慶之為司空

**書法** 尚之致仕書復起慶之亦致仕者其不書復起何慶之之出為國難也與尚之異矣故綱目不

書復起而再書罷就第嘉遠權也後雖為太尉不書見殺而後書綱目於慶之無譏焉

○九月宋築上林苑 **質實** 一統志云上林苑在應天府東北十五里本孫吳所創劉宋修

築之一名芳林苑 齊高帝舊宅在此 ○宋徙郊壇造五路

初晉人築南郊壇於巳位至是尚書右丞徐爰以為非禮詔徙於牛頭山西直宮城之午位又造五路依金根

車加羽葆蓋及廢帝即位以 **質實** 牛頭山在建康上元郊壇舊地為吉復還故處 **質實** 縣南四十里山頂有

兩峯如關 **五路** 天子所乘法車曰路路者有往來不窮之道也路亦軍事也皆有錫鸞之飾或曰象五行也王

之五路曰重翟曰厭翟曰安車曰翟車曰輦車重平聲厭

於涉反陸氏注云天子五路飾異制同玉路一曰大路言於金路為大金路一曰先路言於象路為先象路次

金路革路次象路故同謂之次路木路最後綴於次路

之末故曰綴路 **金根車** 注見漢獻帝建安二十二年羽



續通志卷之二十一 魏文成帝永安五年 三十九

**葆蓋**注見晉穆帝永和三年 **質實**一統志云牛頭山在應天府南三十里一名牛首山有二峯東西相

對晉元帝初作宮殿王導指雙峯曰此天關也故又名天關山劉宋立郊壇於此梁武帝又於山下建寺山有

石洞洞中有石鼓天欲雨則石鼓自鳴

**子庚**

宋大明四年春正月宋主耕籍田三月后親蠶西郊太后

魏和平元年 **觀禮質實**藉田注見漢文帝二年

**書法**書親耕多矣未有書親蠶者書親蠶何嘉重本也自漢文帝書詔具親耕桑禮儀於是始書親

蠶嘉之也綱目重本故具親耕桑禮儀書漢文帝十二年親蠶書是年皇后帥命婦親蠶書唐太宗貞觀

元年祀先蠶書唐高宗上元二年賜近臣絲書唐玄宗開元十五年

○夏六月魏伐吐谷渾

吐谷渾王拾寅兩受宋魏爵命居止出入擬於王者魏人忿之遣陽平王新成等督諸軍以擊之虜獲甚衆

**質實**陽平郡名注見晉孝武帝太元九年

魏復置史官

崔浩之誅史官遂廢至是復置

**書法**書復置何久廢也自崔浩之死於是十三年矣故書復讖之

冬十月宋殺其廬陵內史周朗

朗言事切直宋主銜之使有司奏朗居母喪不如禮傳送寧州於道殺之朗之行也侍中蔡興宗方在直請與

朗別坐白 **質實**廬陵郡名注見晉安帝元興元年安成衣領職 周朗汝南安南人寧州注見漢武帝元

狩元 年漢

宋以顏師伯為侍中

師伯以諂佞被親任群臣莫及多納貨賄家累千金宋主嘗與之樗蒲宋主擲得雉自謂必勝師伯次擲得盧

續通志卷之二十一 宋孝武帝大明四年



宋主失色師伯遷歛子曰

**質實**

樗蒲注見隋文帝開皇十七年

### 柔然攻高昌殺沮渠安周

柔然攻高昌殺沮渠安周滅沮渠氏以

**質實**

高昌西夷國名注見

齊明帝建武四年

宋大明五年春正月雪

宋以正旦朝賀雪落太宰義恭衣有六出義恭奏以為瑞宋主悅義恭以宋主猜暴懼不自容每卑辭遜色曲

意祇奉由是終宋主之世得免於禍

**質實**

六出韓詩外傳云凡草木花多五出雪花獨六出

**書法**

凡善雪書不時也未有書正月雪者此其書何

宋主悅之故書終綱目書正月雪一而已

### 夏宋立明堂

經始明堂直作大殿於丙巳之地制如太廟唯十有二間為異

**質實**

明堂注見漢武帝建元元年

### 宋雍州刺史海陵王休茂反襄陽為其下所殺

雍州刺史海陵王休茂年十七司馬庾深之行府事休茂欲專處決深之及主帥每禁之左右張伯超有寵多

罪惡主帥屢責之伯超說休茂殺行事及主帥而舉兵休茂從之殺典籤楊慶徵集兵衆建牙馳檄傳士荀詵

諫殺之休茂出城行營參軍沈暢之寺帥衆閉門拒之休茂馳還攻城克之參軍尹玄度復起兵攻休茂生擒

斬之母妻皆自殺同黨伏誅宋主自即位以來抑黜諸第既克廣陵欲更峻其科沈懷文曰漢明不使其子比

光武之子前史以為美談陛下既明管蔡之誅願崇唐衛之寄及襄陽平太宰義恭希旨復請裁抑諸王不使

任邊州及悉輸器甲禁絕賓客懷文固諫乃止宋主政遊無度嘗出夜還敕開門侍中謝莊居守以祭信或虛

執不奉旨須墨敕乃開宋主曰卿欲效到君章邪對曰臣聞王者祭祀畋游出入有節今陛下晨往宵歸臣恐

不逞之徒妄生矯詐是以伏須神筆乃敢開門耳

**集覽**

建牙注見漢獻帝初平三年牙門馳檄注見漢



王劉邦元年傳檄管蔡之誅注見漢後主建興九年唐

衛之寄唐叔名虞周成王弟也成王戲削桐葉為珪以

與虞曰天子無戲言遂封虞於唐康叔名封武王少弟也

成王以殷餘民封康叔於衛祭信祭形如戟有旂書之

上所以傳信又刻木為合符曰祭史執為信到君章漢

光武時到憚字君章為上東門候帝嘗出獵夜還憚拒

關不開帝令從者見面於門間憚曰大明燎遠竟不受

詔帝乃回從質實海陵郡名注見周世宗顯德五年

東中門而入質實深之鄆陵人亮之玄孫襄陽縣名注

見漢獻帝建安十二年一統志云到憚汝南西平人幸

孝廉為上東門候漢光武嘗出獵夜還憚拒關不納乃

回從東中門入明日憚上書諫奏入賜布百匹賜東中

門候為尉後授皇太子韓詩侍講殿中遷為長沙太守

### 秋九月朔日食○宋司空沈慶之罷就第

慶之目不知書家素富產業累萬金一夕徙居婁湖以

宅輸官非朝賀下出門車馬率素從者不過三五人遇

之者不知質實一統志云婁湖在應天府城東南一十

其三公也質實五里吳張昭劇以溉田以昭封婁侯故

### 冬十月宋以新安王子鸞為南徐州刺史

子鸞母殷淑儀寵傾後宮子鸞愛冠諸子凡為上所

遇者莫不入其府初巴陵王休若為北徐州以張岱為

參軍行府州國事後歷臨海豫章晉安三府與典籤主

帥共事事舉而情不相失或問其故岱曰古人言一心

可事百君我為政端平待物以禮悔吝之事無由而及

明闇短長更是才用之多少耳及是子鸞復以岱為別

駕行質實新安郡名注見漢獻帝建安十三年新都一

楚秦屬九江郡漢更郡為淮南國武帝初復屬九江郡

東漢為鍾離侯國晉復屬淮南郡安帝時置鍾離郡屬

徐州劉宋改為屬南兖州後復為鍾離郡唐初為濠州尋改

名婁湖湖上有古婁湖苑

濠府尋改為濠州屬安豐路本朝為興業之地改為臨濠



臨海郡名注見晉安帝元興元年張岱吳郡人晉安郡名注見漢成帝建元三年

### 十二月宋制民歲輸布戶四匹

**書法** 譏重欽也晉書民稅米口五石詳晉孝武帝太元八年宋書民輸布戶四匹是年皆譏之也

### ○宋禁士族雜婚

詔士族雜婚者皆補將吏士族多避役逃亡乃嚴為之制捕得即斬之往往奔竄湖山為盜賊沈懷文諫不聽

**質實**

湖山莫詳處所唯濟南府章丘縣西南五十二里下有湖山未知是否明者察焉沈懷文武康人

**寅**

宋大明六年春正月宋始祀五帝於明堂

**質實**

五帝注見漢文帝十年

年五

**書法**

書始何緩辭也宋氏有國四十餘年矣明堂之祀於是始舉宋之慢於郊廟可勝罪哉故郊廟備樂則書始文帝元嘉二十二年設備樂則書初孝武帝孝建三年祀五帝則又書始是年皆譏之也

### ○宋策孝秀才中堂

揚州秀才顧法對策曰源清則流潔神聖則形全躬化易於上風體訓速於草偃上惡其諒投策於地

**實**

秀才事物紀原云漢氏取士有孝廉秀才二等齊宋以來州有秀才之舉隋唐之代其科最上貞觀中有

舉而不第者坐其州長由是其科廢故自唐及今雖進士猶以秀才為號乃唐漢之舊興也李肇國史補曰進士為時所尚久矣俊又在其中由此出者終身為文人其通稱謂之秀才投刺謂之鄉貢肇元和中人蓋自憲宗時已為進士之稱也

### 二月宋復百官祿○宋殺其廣陵太守沈懷文

侍中沈懷文素與顏竣周朗善數以直諫忤旨宋主謂曰竣若知我殺之亦當不敢如此嘗出射雉風雨驟至

懷文與王或曰江智淵約相與諫懷文曰風雨如此非聖躬所宜冒或曰懷文所啓宜從智淵未及言宋主注弩

作色曰卿欲效顏竣耶宋主每燕集在坐者皆令沈醉嘲譏無度懷文素不飲又不好戲嘲宋主謂故欲異已



出為廣陵太守至是朝正事畢當還以女病求申期為  
有司所糾免官禁錮十年懷文賣宅欲還東上大怒賜  
死三子塗炭不可見願陛下速正其罪宋主竟殺之

**禁錮**注見漢安

帝建光元年

**書法**

前書殺東揚州刺史顏竣矣又書殺廬陵內史  
周朗矣於是又書殺廣陵太守沈懷文宋主凡

三殺  
臣矣

### 夏四月宋淑儀殷氏卒

宋主以殷氏卒痛悼不已精神罔罔頽廢政事壅於龍  
山民不堪役死亡甚衆自江南壅埋之盛未有也又

為之別

**集覽**

精神罔罔史記索隱曰罔罔恍惚貌字通  
作惘莊子庚桑楚篇汝亡人哉惘惘乎林

希逸口義云亡人者失其本心  
之人也惘惘憂愁不自得也

**質實**

龍山未詳處所唯  
太平府城南一十

里有龍山未知  
是否明者察焉

**書法**

妃妾未有書卒者卒殷氏何識厚葬也卒妃妾  
始此終綱目卒妃妾四宋武帝殷氏唐玄宗武

宗肅宗韋氏代宗獨  
孤氏惟武惠妃書薨

**發明**

淑儀品卑何以書卒著其  
感溺之失葬埋之盛也

### 秋九月宋制沙門致敬人主

初晉庾冰議使沙門敬王者不果行至是有司奏曰浮  
圖為教反經蔽道屈膝四輩而簡禮二親稽顙耆臘而

直體萬乘臣等參議以為沙門接見  
此當盡虔從之及廢帝即位復舊

**集覽**

浮圖圖與屠  
通注見明帝

泰始七年浮屠之學四輩釋書所謂四部大眾也謂此  
立比丘尼優婆塞優婆夷耆臘耆老臘年也禪門規式

曰西域凡稱人道高臘長呼為須菩提如中華凡具道  
眼有德可尊者號曰長老也杜甫岳麓山道林二寺詩

依正老宿亦未晚注

**正誤**

耆臘今按耆臘謂高年之僧  
僧家不序齒而序臘以捨俗

老宿僧之年臘高者  
為僧之年為始禪林結制以十二月為

**質實**

庾冰鄆陵  
人亮之弟



清慎儉約晉成帝時累官中書監經綸時務朝野稱賢鎮武昌卒謚敬侯

**書法**

何以書譏也墨標之反響欲沙汰沙門且嚴為之制矣牽於近習竟不能行乃獨區區責其致

敬不能三年之喪而總小功之察此之謂矣宋書制沙門致敬人主異年唐書詔僧道致拜父母太宗貞觀五年皆譏之也

**宋祖冲之請更造新曆不報**

**質實**

祖冲之范陽道人

南徐州從事史祖冲之上言何承天元嘉曆疎舛猶多更造新曆以為舊法冬至日有定處未盈百載輒差二度今令冬至日度歲歲微差將來久用無煩屢改又子為辰首位在正北度為北方列宿之中今曆上元日度發自虛一曰辰之號甲子為先今曆上元歲在甲子又承天法日月五星各自有元今法交會遲疾悉以上元歲首為始宋生今善曆者難之

**集覽**

晏駕注見漢高帝十二年

卯癸

宋大明七年春正月宋吏部郎江智淵卒

宋主每因宴集好使群臣自相嘲訐智淵素恬雅漸不

**實**

王僧朗琅邪臨沂人

**夏宋制非臨軍母得專殺非手詔母得與軍**

詔自非臨軍不得專殺罪應重辟先上須報違者以殺

人論刺史守宰動民與軍皆須手詔施行唯外警內姦

變起倉猝者

**集覽**

重辟辟法也音關先上須報論囚

**宋以蔡興宗表蔡為吏部尚書**

蔡淑之兄子也宋主好狎侮群臣自太宰義恭以下不免纖辱常呼金紫光祿大夫王玄謨為老僮僕射劉秀之為老慳奴令以杖擊群臣惟憚蔡興宗方嚴不敢侵嫖



議曹郎王耽之口蔡豫章昔在相府亦以方嚴不狎武帝宴私之日未嘗相召蔡尚書今日可謂能負荷矣

**集覽** 鮪魚蹇反齒露崑崙奴晉孝武帝李太后形長而色黑宮人皆謂之崑崙今此奴呼為崑崙必亦色

墨而長也蔡豫章興宗之父 **質實** 表蔡陽夏人豹之魯名廟先曾出為豫章太守

### 六月宋以劉德願為豫州刺史

宋主數與群臣至殿貴妃墓謂德願曰卿哭貴妃悲者當厚賞德願辨踊號慟涕泗交流宋主甚悅故有是命

**集覽** 辨踊辨拊心也踊跳也拊心跳踊哀痛之至也喪記注男踊女辨

### 宋大修宮室

宋主為人機警勇決記問博洽文章華敏又善騎射而奢欲無度自晉氏渡江以來宮室草創孝武始作清暑殿宋與無所增改至是始大修宮室土木被綿繡賞賜傾府藏壞高祖所居陰室於其處起玉燭殿與群臣觀之牀頭有土障壁上掛葛燈籠麻繩拂侍中袁顛因盛稱高祖儉素之德宋主曰田舍公得此已為過矣顛叔

之兄 **集覽** 牀頭有土障猶枕屏也所以障風者壘土為子也 **集覽** 之示儉素也韻會容字下載爾雅容謂之防

郭璞曰形如今牀頭小曲屏風唱賦者所以自防蔽隱案牀頭土障即此葛燈籠籠罩燈之具以紗蒙之曰紗

籠宋武蒙以葛布示儉素也張天覺讀書燈詩小籠疏四面明紙罩孤燈麻繩拂拂揮蠅之具以麻結為之杜

甫後拂子詩穠拂且薄陋有足除蒼 **質實** 一統志云清蠅注云初比丘患草蟲佛聽作拂子 **質實** 暑殿在應天

府上元縣治東北五里臺城內乃晉孝武帝所建爽塏奇麗夏月常清風宋孝武帝改曰嘉禾殿王燭殿注見

文帝元嘉二十九年含章 **元顛** 陽夏人洵之子 **書法** 書大修何譏也於是廢高祖陰室以起玉燭殿

書大者五詳漢明帝 **發明** 不自孝武承統外則屢形反叛內則屢有殺戮

其不德蓋自不言可知至是大修宮室綱目特

書于冊而以分注備載其奢慾之實于下然後宋主之失曉然在目夫以宋主所積如此求欲久有其國



尚可得耶身沒未  
幾嗣子殲滅宜矣

冬十月宋主校獵姑孰

**質實**

姑孰縣名注見晉

○魏遣散

騎常侍游明根如宋

明根奉使三返宋主  
以其長者禮之有加

**質實**

游明根廣平任  
人雅之族弟

十一月宋主習水軍于梁山

**質實**

梁山注見梁敬  
帝太平元年

宋大明八年夏閏五月宋主駿殂太子子業立

甲辰

宋主末年尤貪財利刺史三千石罷還必限使獻奉又  
以捕戲取之罄盡乃止終日酣飲嘗德几昏睡或外有  
奏事即肅然整容無復酒態由是內外畏之莫敢弛惰  
至是殂於王燭殿遺詔太宰義恭加中書監柳元景領  
尚書令事無巨細悉關二公大事與始興公沈慶之參  
決若有軍旅悉委慶之尚書中事委僕射顏師伯外監  
所統委領軍王玄謨太子即位年十六蔡興宗奉空綬  
太子受之傲惰無威容興宗出告人曰家國之禍其在

此乎  
**質實** 始興郡名注見晉  
愍帝建興三年  
**書法** 既而再書殺之初綱目書曰宋人立駿駿宜立也  
大修宮室書校獵姑孰始無可紀之善焉雖曰備廟  
樂造五路耕籍田立明堂祀五帝所謂如禮樂何者  
矣已

秋七月柔然處羅可汗死子受羅部真可汗予成立

**集覽**

可汗音榼寒唐高宗曰  
今之可汗古之單于也

改元  
永康

宋以蔡興宗為新昌太守王玄謨為南徐州刺史

宋罷孝建以來所改制度還依元嘉蔡興宗於都座慨  
然謂顏師伯曰先帝雖非盛德之主要以道始終三年  
無改古典所貴今殞官始徹山林未遠而凡諸制度不  
論是非一皆刑削雖復禪代亦不至爾天下有識當以

通鑑綱目卷之二十一



此窺人師伯不從太宰義恭素畏戴法與巢尚之等雖受遺輔政而引身避事由是政歸近習法與等專制朝權詔敕皆出其手與宗自以職管銓衡每至上朝輒為義恭陳登賢進士之意又箴規得失博論朝政義恭聞之戰懼無答與宗每奏選事法與尚之等輒點定回換與宗於朝堂謂義恭師伯曰主上諒闇不親萬機而選奉密事多被剛改復非公筆亦不知是何天子意義恭法與皆惡之左遷新昌太守既而以其人望復留之建康法與等惡王玄謨剛

**集覽**

銓衡注見晉哀

**質實**

諒闇注見

八月宋太后王氏殂

太后疾篤使呼宋主子業子業曰病人間多鬼那可往太后怒謂侍者取刀來剖我腹那得生寧馨兒

**覽**

寧馨注見晉惠

**書法**

宋以來后崩不悉書其書何志子業之恃也

冬宋饑

東方諸郡連歲旱饑米一升錢數百建康亦至百餘錢饑死者什六七是歲宋境內凡有州二十二郡二百七十四縣千二百九十

宋主子業景和元年太宗明春宋鑄二銖錢

自孝建以來民間盜鑄濫錢商貨不行更鑄二銖錢形式轉細民間效之而更薄小無輪郭不磨鑿謂之朱子

**質實**

輪郭注見武

夏五月魏主濬殂太子弘立

初世祖經營四方國頗虛耗重以內難朝野楚楚高宗嗣之與時消息靜以鎮之懷集中外民心復安太子弘即位時

**正誤**

朝野楚楚今按楚楚苦楚不安之意

魏車騎大將軍乙渾殺司徒陸麗

巳乙



魏車騎大將軍乙渾專權矯詔殺尚書楊保年等于禁中使司衛監穆多候召平原王陸麗於代郡多候謂曰渾有無君之心今官車晏駕王德望素重姦臣所忌宜少淹留以觀之朝廷安靜然後入未晚也麗曰安有聞君父之喪慮患而不赴者乎即馳赴平城渾所為多不法麗數爭之渾殺麗及多候而自為太尉錄尚書事

**管實**

禁中注見漢武帝後元元年禁閹平原郡名注見漢光武建武五年代郡注見秦王政三年平城縣

名注見漢高帝七年

### 六月魏開酒禁

**書法**

自戊戌始禁於是七年餘矣

### 秋七月魏乙渾自為丞相

魏乙渾為丞相位居諸王上事無大小皆取決焉

### 八月宋主殺其太宰江夏王義恭尚書令柳元景僕射顏

### 師伯

子業幼而猜暴及即位始猶難太后大臣及戴法興等未敢自恣太后既殂子業欲有所為法興輒抑制之不

能平所幸闖人華願兒怨法興裁其賜與言於子業曰道路皆言法興為真天子官為廣天子且官居深宮與人物不接法興與太宰顏柳共為一體內外畏服深恐此坐非復官有子業遂賜法興死初世祖多猜忌大臣重足屏息世祖殂義恭等相賀曰今日始免橫死矣甫過山陵皆聲樂酣飲不捨晝夜及法興死諸大臣始復不自安於是元景師伯密謀廢子業立義恭日夜聚謀而不能決元景以其謀告沈慶之慶之與義恭素不厚又恨師伯專斷朝事不與已參懷乃發其事子業遂自帥羽林兵殺義恭并其四子召元景以兵隨之元景知禍至入辭其母整朝服乘車應召弟叔仁帥左右欲拒命元景苦禁之既出巷軍士大至元景下車受戮容色恬然并其子弟諸姪獲顏師伯於道殺之并其六子自是公卿以下皆被捶曳如奴隸矣初子業在東宮多過失世祖欲廢之而立新安王子鸞侍中袁顛盛稱太子之美乃止子業由是德之既誅群公以為吏部尚書尚



書左丞徐爰便辟善事人頗涉書傳自元嘉初入侍左  
右豫參顧問長於附會歸以典文大明之世委寄尤重  
時殿省舊人多見誅逐唯爰巧於將迎始終無逆子業  
每出常與沈慶之及姊山陰公主同輦爰亦預焉主尤  
淫恣子業為置面首左右三十人吏部郎褚淵貌美公  
主請以自侍子業許之淵侍公主十日備見逼迫以死  
自誓乃得免淵湛之子也子業令太廟別畫祖考之  
像入廟指高祖像曰渠大英雄生擒數天子指太祖像  
曰渠亦不惡但末年不免兒斫去頭指世祖  
像曰渠大鱸鼻如何不鱸立召畫工令鱸之  
子官猶呼官家賈音鴈偽物也重足漢書義縱為南陽  
太守吏民重足一迹顏師古曰重累其足迹不敢恣意  
亂行言畏謹之甚也屏息息謂氣息從鼻出者屏蔽其  
氣息言懼之至也面首貌美而加粉飾也蘇東坡餅茶  
詩莫聞膏油面首新正誤面首今按面首左右也胡三省注  
魘在如反鼻上生蛇面首魏明帝選有姿首  
者納之掖庭姿首即面首但彼為女子耳質實  
見漢武帝元封二年山陰郡名注見晉  
安帝元興二年褚淵陽翟人哀四世孫

**書法**

於是顏柳謀廢子業立義恭則逆也不書而以  
無罪書殺何惡子業也子業無道故綱目於子  
業多特筆顏柳謀廢主不書書殺義陽王昶聚兵移  
檄不書書奔何邁謀立晉安不書書殺皆特筆也皆

所以戒  
淫虐也

**發明**

宋孝武縱慾不道幸而沒身其子嗣之罪惡暴  
著蓋亦天道云爾殺戮大臣固無足責綱目書  
之姑以著其亂亡之迹使後人  
謹於所積爾於子業手何誅

九月宋主殺其弟新安王子鸞

新安王子鸞有寵於世祖子業惡之遣使賜死又殺其  
母弟南海王子師發殷淑儀墓又欲掘景寧陵太史以

為不利於子業乃止謝莊為殷淑儀誄曰贊軌堯門子  
業以莊用鉤弋夫人事欲殺之或為之言得繫尚方

**集覽**

作誼堯門漢武帝趙婕妤居鉤弋宮姪身十四月  
乃生昭帝上曰堯十四月而生今鉤弋亦然因命所生  
門曰堯母門鉤弋夫人趙婕妤仔傳漢武巡狩過河間望

宋明皇帝泰始元年



氣者言此有奇女上召之既至女兩手皆拳上自披之手即伸號曰拳夫人進為捷仔居鉤弋宮列仙傳云趙捷仔自幼手拳漢武發之得一玉鉤因以為名或云趙捷仔手可反屈如鉤故號鉤弋二說皆與本傳不同

**質實** 南海郡名注見秦始皇三十二年一統志云景寧陵孝武帝之墓也在應天府上元縣南巖山之陽

**尚方** 注見漢景帝後元年

### 宋義陽王昶出奔魏

昶為徐州刺史素為世祖所惡而民間每訛言昶反是歲尤甚子業謂左右曰我即大位未嘗戒嚴使人邑邑會昶遣使上表求朝詰以反狀使懼逃歸子業因下詔討昶內外戒嚴自將兵度江命沈慶之統諸軍昶聚兵移檄統內皆不受命昶知事不成棄母妻携愛妾奔魏昶頗涉學能屬文魏人重之使尚公主賜爵丹陽王

**質實** 義陽王昶義陽郡名注見梁武帝太清二年昶文帝之子

### 宋以袁顥為雍州刺史蔡興宗為吏部尚書

顥始為子業所寵任俄而失指待遇頓衰顥懼求出必為雍州刺史其舅蔡興宗謂曰襄陽星惡何可往顥曰白刃交前不救流矢今惟願生出虎口耳天道遼遠何必皆驗時臨海王子顥為荆州刺史朝廷以興宗為子顥長史行府州事興宗辭不行顥曰朝廷形勢人所共見在內大臣朝不保夕勇今出為八州行形勢顥在襄沔之地勝兵疆可以共立桓文之勳豈比受制凶狂臨不測之禍乎今得間不去後復求出豈可得邪興宗曰吾素門平進與主上甚疎未容有患宮省內外人不自保會應有變若內難得弭外豐未必可量汝欲在外求全我欲居中免禍各行其志不亦善乎鄧琬為晉安王子勛長史顥與之款狎過常顥與琬人地本殊見者知其有異志興宗尋復為吏部尚書

**集覽** 桓文之勳注見漢獻帝建安六年

**質實** 雍州注見安十二年襄陽郡一統志云襄陽漢舊縣名屬南郡新莽改為相陽東漢復舊建安中置襄陽郡以縣屬焉隋唐宋皆為襄陽州治元仍舊本朝因之為襄陽府治所仍隸焉襄沔二州名襄注見漢獻帝建安十二年沔注見晉孝武帝太元六年



宋聽民私鑄錢

沈慶之復啓聽民私鑄錢由是錢貨亂敗千錢長不盈  
三寸謂之鵝眼錢劣於此者謂之紙環錢貫之以縷入  
水不沉隨手破碎斗  
米一萬商貨不行

冬十月宋主殺其會稽太守孔靈符

靈符所至有政績以忤犯近臣近  
臣譖之子業遣使鞭殺并其二子  
年孔靈符魯人孔  
子二十八世孫

十一月宋主殺其寧朔將軍何邁

邁尚子業姑新蔡長公主子業納公主於後宮謂之謝  
貴嬪詐言主薨殺宮婢送邁第殞蔡邁素豪侈多養死  
士謀廢子業立晉安  
王子勛事泄見殺

建元  
三年

宋主殺其太尉沈慶之

初沈慶之既發頰柳之謀遂自昵於子業數盡言規諫  
子業浸不悅慶之懼禍杜門不接賓客嘗遣左右范羨  
至蔡興宗所興宗使謂曰公閑門絕客避悠悠請託者  
耳興宗非有求於公者也何為見拒慶之使羨邀興宗  
興宗往說之曰主上比者所行人倫道盡率德改行無  
可復望今所忌憚唯在於公百姓喁喁所瞻賴者亦在  
公一人而已公威名素著天下所服今舉朝遑遑人懷  
危怖指麾之日誰不響應如猶豫不斷欲坐觀成敗豈  
惟旦暮及禍四海重責將有所歸僕蒙眷異常故敢盡  
言願公詳思其計慶之曰僕誠知憂危不復自保但盡  
忠奉國始終以之無成與宗曰當今懷謀私門兵力頓  
闕雖欲為之事亦無成與宗曰當今懷謀私門兵力頓  
則俯仰可定况公統戎累朝舊日部曲布在宮省沈攸  
之輩皆公家子弟門徒義附並三吳勇士殿中將軍陸  
攸之公之鄉人今入東討賊大有體仗在青溪未發公  
取以配衣麾下使攸之帥以前驅僕在尚書中自當帥  
百僚索前世文事更有月明以未社稷天下之事立定



矣又朝廷諸所施為民間傳言公悉預之公今不決當  
有先公起事者公亦不免附從之禍聞車駕屢幸貴第  
酣醉淹留又聞屏左右獨入閣內此萬世一時不可失  
也慶之曰感君至言然此大事非僕所能行事至固當  
抱忠以沒耳青州刺史沈文秀慶之弟子也將之鎮帥  
部曲屯白下亦說慶之因此衆力圖之再三言之至於  
流涕慶之終不從及子業誅何邁量慶之必入諫先閉  
青溪諸橋以絕之慶之果往不得進而還子業乃使沈  
攸之賜藥慶之不肯飲攸之以被揜殺之時年八十許  
言病薨贈恤甚厚王玄謨數流涕諫子業以刑殺過差  
子業大怒玄謨宿將有威名道路訛言云已見誅蔡興  
宗謂其典籤包法榮曰領軍殊當憂懼法榮曰領軍此  
日殆不復食興宗曰領軍憂懼當為方畧那得坐待禍  
至因使法榮勸玄謨舉事玄謨使謝曰此亦未易可行  
期當不泄君言耳將軍劉道隆專典禁兵與宗嘗與俱  
從夜出謂曰劉君比日思一閑寫道隆解其意搗與宗  
手曰蔡公集覽悠悠請託者注見梁武帝中大同元年  
勿多言也關乏也白下今建康府上元縣是括地志云白  
頭舉踵喞喞然注衆口向上也兵力頓關頓讀曰鈍不  
利也關乏也白下今建康府上元縣是括地志云白

下故城在今上元西北十里  
四里本江乘縣白石壘也  
元年部曲注見陳文帝元嘉元年三吳注見晉安帝元  
興元年一統志云青溪在應天府治吳鑿東渠名青溪  
溪有九曲連綿數十里通湖溝以洩玄武湖水發源鍾  
山接於秦淮舊有七橋曰東門尹橋雞鳴募土菰首中  
橋大橋杜稷注見新莽天鳳元年白下城名在應天府  
城西一十四里齊武帝置縣自陳亡縣廢之沈文秀  
武康人

**書法**

子業殺人多矣無不斥書宋主者惡淫刑也綱  
目惡淫刑所殺必斥書主者五君焉宋子業齊  
寶卷北齊高洋高緯陳  
叔寶皆淫虐之主也

**發明**

顏柳之死沈慶之力也慶之陷人死地以自  
媚於昏狂之君既昵之又諫之未幾亦不免於  
死雖能終身守節要無足取然綱目書官書殺者特  
以著狡童之罪而非以是予慶之也觀者自當察之

**宋主幽其諸父湘東王或等於殿內**



子業畏忌諸父恐其在外為患皆拘於殿內毆捶陵曳  
無後人理湘東王或津安王休仁山陽王休祐年長尤  
惡之以或尤肥謂之猪王謂休仁為殺王休祐為賊王  
東海王禕性凡劣謂之驢王以木槽盛食裸或內泥水  
中使就槽食前後欲殺以十數休仁多智數每以談笑  
佞諛說之故得推遷少府劉暕受孕臨月迎入後宮侯  
生男以為太子或嘗忤旨子業裸之縛其手足擔付太  
官曰今日屠猪休仁笑曰不若待皇太子生殺取肝肺  
子業乃釋之及暕妾生質實湘東國名注見文帝元嘉  
子名皇太子為之大赦質實十六年衡陽建安郡名注  
見晉武帝泰始五年山陽郡名注見武帝大明三年東  
海國名注見秦二世二年郊少府官名注見晉惠帝永  
熙元年

### 宋江州刺史晉安王子勛舉兵尋陽

宋主子業以太祖世祖在兄弟數皆第三江州刺史晉  
安王子勛亦第三故惡之因何邁之謀使左右朱景雲  
送藥賜子勛死景雲至湓口停不進子勛典籤謝道邁  
開之馳告長史鄧琬琬曰身南土寒士蒙先帝殊恩以

愛子見託豈得惜門戶百口期當以死報効幼主昏暴  
社稷危殆雖曰天子事猶獨夫今便指帥文武直造京  
邑與群公卿士廢昏立明耳遂稱子勛教令所部戒嚴  
子勛戎服出聽事集僚佐使主帥潘欣之宣旨諭之四  
座未對參軍陶亮首請効死前驅眾皆奉旨乃以亮為  
諮議中兵總統軍事子業使荊州錄送長史張悅至湓  
口琬稱子勛命釋其桎梏迎以所乘車以為司馬共  
堂內外眾事旬日得五千人出頓大雷移檄遠近集  
**覽**湓口注見晉安帝元興三年事猶獨夫書泰誓篇獨  
夫受注稱商王受為獨夫失君道也蔡氏傳曰言天  
命已絕人心已去但獨一夫耳錄送錄質實事物紀原  
謂收捕也大雷注見晉安帝義熙六年質實云桎梏刑  
具也在足曰桎在手曰梏山海經曰貳負之臣曰危與  
貳負煞窳窳帝乃桎之于䟽屬之山桎其右足又曰大  
荒之中有宋山有木名楓蚩尤所棄桎梏也  
蓋此械已出黃帝時今枷錮即其遺事耳

### 書法

其止書舉兵何惡子業也故子業之世多特筆  
其為世主之戒深矣



**發明** 子勛何以不書反子業無道且又遣人欲殺子勛故綱目特以舉兵書之所謂原其情而恕其

罪也

### 宋主殺其南平王敬猷廬陵王敬先安南侯敬淵

子業召諸妃主列於前疆左右使辱之南平王

**質實** 南

鑠妃江氏不從子業怒鞭妃一百而殺其三子

### 宋弒其君子業而立湘東王或

先是民間訛言湘中出天子子業將南巡荆湘以厭之

欲先誅湘東王或然後發初子業既殺諸公恐群下謀

已以直閣將軍宗越沈攸之等有勇力引為爪牙賞賜

外騷然宿衛之士皆有異志而畏越等不敢發時三王

久幽不知所為湘東王或主衣阮佃夫及子業左右壽

寂之王敬則等陰謀弒子業先是子業遊華林園竹林

堂使宮人裸相逐一人不從命斬之夜夢在竹林堂有

女子罵曰悖虐不道明年不及熟矣子業於宮中求得

一人似所夢者斬之又夢所殺者罵曰我已訴上帝矣

於是巫覡言竹林堂有鬼子業出華林園休仁休佑並

從或獨在秘書省不被召益憂懼時以南巡宗越等並

聽出外裝束子業悉屏侍衛與群巫絲女射鬼於竹林

堂壽寂之等抽刀前弒之宣令宿衛曰湘東王受太皇

太后令除強主今已平定休仁就秘書省見或即稱臣

引介御座召見諸大臣猶著烏帽休仁呼主衣以白帽

代之凡事悉稱令書施行宣太皇太后令數子業罪惡

命湘東王纂承皇極子業母弟豫章王子尚頑悖有兄

風及會稽公主皆賜死休仁等始得出居外舍釋謝莊

之囚子業猶橫尸太醫閣口蔡興宗謂僕射王或曰此

雖凶悖要是天下之主宜使喪禮粗足若直如此四海

必將乘人乃葬之秣陵論功行賞壽寂之等十四人封

爵有差以東海王緯為中書監太尉晉安王子勛為車

騎將軍開府儀同三司建安王休仁為司徒尚書令揚

州刺史或即位大赦子業時昏制謬封並皆刊削尊世

祖之母路太后為崇憲太后立妃王氏為皇后或之妹

也以劉道隆為中護軍道隆暱於子業嘗無禮於建安

太妃至是建安王休仁求解職宋主乃賜道隆死宗越

也

也

也

也

也

也

也



等內不自安沈攸之以聞皆伏誅攸之復入直閣王或避主諱以字行

死也左傳成十年晉景公有疾桑田巫曰不食新矣注不得食新麥矣

嘉十六年宗越南陽人王敬則臨淮人充物猶言充滿也華林園注見文帝元嘉元年巫覡注見漢隱帝乾祐

三年秣陵縣名注見晉恭帝元熙二年

**書法**稱國以弒君無道也然則或之立孰立之宋立之也弒子業者宋也立湘東者亦宋也以是為

人心之所同故書宋終綱目弒稱國者八詳周安王六年

**發明**昔晉欒書弒厲公春秋特書晉弒其君州蒲穀梁傳之曰稱國以弒其君君惡甚矣今宋子業

之殞綱目亦以國書之者蓋本春秋之旨明其淫虐不道舉國之人皆欲賊之爾然則子之乎曰有湯而

後能放桀有武而後能伐紂子業之惡有桀紂之所不為者時無湯武之君故群下不任其暴因而斃之

爾書國所以著其惡書弒所以正其名烏有一國之人皆欲賊之尚可尊者人上者哉書曰時日曷喪予

及汝偕亡知乎此則知綱目書法之意矣

### 宋罷二銖錢禁鵝眼錠環錢○宋雍郢荊州會稽郡皆舉兵應尋陽

江州佐吏得宋主所下令書皆喜共造鄧琬曰暴亂既除殿下又開黃閣實為大慶琬取令書投地曰殿下當

開端門黃閣是吾徒事耳衆皆駭愕琬乃與陶亮等繕治器甲徵兵四方袁顛既至襄陽即與參軍劉胡繕修

兵械簡集士卒矯太皇太后令起兵奉表勸子勛即大位琬令子勛建牙於桑尾傳檄建康稱孤忠遵前典廢

幽陟明而湘東王或矯害明茂篡竊大寶藐孤同氣猶有十三聖靈何辜而當乏饗郢州刺史安陸王子綬承

子勛初檄欲共攻子業聞其已殞即遣參軍鄭景玄帥軍江雍猶治兵行事苟卞之大懼即遣參軍鄭景玄帥軍

馳下并送軍糧荊州行事孔道存奉刺史臨海王子瑱都水使者孔瑛說會稽行事孔顛奉太守尋陽王子房

皆舉兵以**集覽**開黃閣丞相聽事門曰黃閣杜甫贈嚴應子勛八閣老詩扈聖登黃閣注宋忠曰三公



黃閭前史無此義據禮記士鞮與天子同公侯大夫則  
異鄭玄註士賤與君同不嫌夫朱門洞啓當陽之正色  
三公之與天子禮秩相亞故黃其閭門以示謙不敢斥  
天子疑是漢舊制也隋百官志三公府三門當中開黃  
閭設內屏端門殿之正門也桑尾即桑落洲下尾也在  
武林洲之上桑落洲注見晉安帝元興三年藐孤左傳  
僖九年晉獻公使荀息傅奚齊公疾召之曰以是藐諸  
孤注言奚齊幼賤與諸子縣藐也藐妙小反又亡角反  
縣音玄下標標或作標解者曰標表也所以自表襮也  
明年殷孝祖以羽儀自標即此又一說標當作標牙旗  
屬也凡軍行則建立牙干軍門此云下標質實鄧州注  
謂軍不果行而解下牙也按此說為得之  
主建興七年武昌安陸郡名注見周世宗顯德五年臨  
海郡名注見晉安帝元興元年都水使者事物紀原云  
舜命益作虞蓋掌山澤之官周禮地官司徒之屬川衡  
澤虞即都水之任也秦始有都水長丞漢武元鼎二年  
初置水衡都尉又以都水官多復置左右使者此蓋設  
官之始也晉武省水衡置都水使者自此官名乃定尋  
陽郡名注見晉明帝太寧二年

資治通鑑綱目卷之二十六

資治通鑑綱目卷之二十七

起丙午宋明帝泰始二年魏獻文帝天安元年凡十八  
盡癸亥齊武帝永明元年魏孝文帝泰和七年

年

丙午

宋泰始二年魏顯祖獻文帝弘天安元年春正月宋遣建安王休仁討江州晉  
安王子勛遂稱帝二徐司豫青冀湘廣梁益州皆應之

宋中外戒嚴以建安王休仁都督征討諸軍事江州刺  
史王玄謨副之以沈攸之為尋陽太守將兵屯虎檻玄  
謨前鋒十軍繼至每夜各立姓號不相稟受攸之謂諸  
將曰今衆軍姓號不同若有耕夫漁父夜相呵叱便致  
駭亂取敗之道也請就一軍取號衆咸從之鄧琬詐稱  
受路太后璽書帥將佐上尊號於子勛子勛遂即位改  
元義嘉以琬及袁顛為僕射張悅為尚書徐州刺史薛  
安都冀州刺史崔道固青州刺史沈文秀義陽內史薛  
孟蚪吳郡太守顧琛吳興太守王曇生義興太守劉延  
熙晉陵太守袁標皆舉兵應之宋主以庾業代延熙業

資治通鑑綱目卷之二十七



通鑑綱目卷之二十一  
至反與之合使孔璋慰勞會稽至反說使附尋陽益  
州刺史蕭惠開亦謂將佐曰湘東太祖之昭晉安世祖  
之穆其次猶多吾荷世祖之眷當奉九江乃遣巴郡太守  
費欣壽將五千人東下於是湘州行事何慧文廣州刺  
史袁曇遠梁州刺史柳元怙山陽太守程天祚皆附於  
子勛四方貢計皆歸尋陽朝廷所保唯丹陽淮南數郡  
而東兵又已至永世宮省危懼宋主謀於群臣恭與宗  
曰今普天同叛人有異志宜鎮之以靜至信待人叛者  
親戚布在宮省若繩之以法則土崩立至宜明罪不相  
及之義物情既定人有戰心六軍精勇器甲犀利以待  
不習之兵其勢相萬矣願陛下勿憂建武司馬劉順說  
豫州刺史族瑛使應尋陽瑛初以家在建康未許後不  
得已而從之宋主復謂興宗曰諸處未平殷瑛已復同  
逆為之奈何興宗曰逆之與順臣無以辨然今商旅斷  
絕而米甚豐賤四方雲合而人情更安以此卜之清蕩  
可必但臣之所憂更在事後猶羊公之言耳宋主知瑛  
附尋陽非本意乃厚撫其家以招之使垣榮祖說薛安  
都安都曰我不欲負孝武榮祖曰孝武之行足致餘殃  
今雖天下雷同正速死耳安都不從因留榮祖使為將

**集覽**

當壁左傳昭十二年楚共王無冢適有寵子五人  
無適立焉乃大有事于群望請神擇於五人者乃

徧以壁見於群望曰當壁而拜者神所立也乃密埋壁  
於大室之庭使五人齊而長入拜康王跨之靈王肘加  
馬子于子哲皆遠之平王弱抱而入再拜皆厭紐景和  
宋主子業年號也以年號為子業當奉九江晉安王子  
勛先為江州刺史故稱九江猶羊公之言晉伐吳時羊  
枯寢疾晉武欲使枯卧護諸將枯曰取吳不必須臣自  
行但既平吳後**質實**建安郡名注見晉武帝泰始五年  
當勞聖慮耳江州注見漢武帝元鼎五年沈攸  
之吳興武康人慶之從父兄子尋陽郡名注見晉明帝  
太寧二年一統志云虎檻洲名在太平府繁昌縣東五  
十里宋沈攸之王休仁屯軍于此以破孫冲之於赭圻  
又陳侯瑱進軍虎檻洲與齊王琳合戰亦此地徐州注  
見秦始皇二十八年彭城冀州注見漢元帝建昭二年  
青州注見漢桓帝永康元年義陽郡名注見梁武帝太  
清二年吳郡注見漢獻帝建安五年吳興地名古為防  
風氏之國春秋時屬吳後屬越戰國時屬楚為菰城秦  
置烏程縣介於會稽郡兩郡之間漢初屬荊國景帝時  
屬江都國元狩初為會稽丹陽二郡地東漢屬吳及丹



陽郡三國吳始分置吳興郡治烏程縣梁蕪置震州陳  
罷州仍為吳興郡隋初郡廢以其地屬蘇杭二州仁壽  
初置湖州取太湖為名大業初州廢復分屬吳餘杭二  
郡唐初於烏程置湖州天寶初改吳興郡乾元初復為  
湖州屬江南道乾寧初陞忠國軍節度五代吳越奏改  
宣德軍宋改昭慶軍又改州曰安吉屬浙西路元置湖  
州路本朝改為湖州府隸浙江道王曇生琅邪臨沂  
人義興郡名注見晉孝武帝太元十七年晉陵郡名注  
見隋煬帝大業十二年昆陵會稽郡名注見漢和帝永  
元元年益州注見晉武帝泰始八年湘東郡名注見文  
帝元嘉十六年衡陽晉安郡名注見漢成帝建元三年  
九江郡名注見晉明帝太寧二年尋陽巴郡注見周顛  
王六年湘州注見漢獻帝興平元年長沙廣州注見秦  
始皇三十三年南海梁州注見周赧王四年漢中山陽  
郡名注見晉帝奕太和四年丹陽郡名注見漢獻帝興  
平二年金陵淮南郡名注見漢武帝元朔五年豫州注  
見齊主寶卷永元二年壽陽垣榮祖洛陽垣  
道人雷同事多曰雷同記曲禮上篇毋雷同

**書法**

尋陽前書舉兵矣此其書討何子業昏虐既已  
除矣社稷有奉而復尋干戈是爭也亂何時而

已乎故稱帝前乎此未有書遂者此特書遂若曰舉  
兵於昏虐可也而遂稱帝不可也凡書遂還辭也是  
故子勛稱帝書遂陳霸先稱  
皇帝書遂唐武宗即位書遂

**發明**

子勛前書舉兵者子業無道故子勛不以反書  
也至諸州舉兵應之亦不書反何耶子勛既世

祖之子諸州苟欲奉而君之是亦不忘本朝之意爾  
然既不書反又胡為以討江州書之乎夫國君不可  
無一亦不可有二湘東既繼大統則是社稷已有奉  
人民已有主矣子勛前日舉兵固曰迫於狂暴今既  
得其所託便當返旆還州告諭諸郡以國已有君之  
意如是則宗廟重安境內無虞豈不休哉不是之思  
遂乃正號稱尊則是志在爭帝非復前此避禍之意  
也綱目原情定罪直書曰討然後宋師可舉名義正  
矣故自此以下皆以臺軍  
別異而書之夫豈過哉

**宋兗州刺史殷孝祖帥兵赴建康**

宋主遣兗州刺史殷孝祖之甥葛僧韶說孝祖入朝孝  
祖委妻子於瑕丘帥文武二千人即日還建康時內外



憂危咸欲犇散孝相忽至所領皆僉楚壯士人情大安  
乃假孝相節督前鋒遣向虎檻初宋主遣羣衆敬詣充  
州募人至是薛安都以衆敬行兗州事使殺孝相  
諸子州境皆附之唯東平太守申纂據無鹽不從  
**集覽**  
瑕丘漢地志山陽有瑕丘括地志云兗州  
瑕丘即任城樊縣無鹽注見秦二世二年  
**質實**兗州注  
帝興平二年一統志云瑕丘漢之縣名屬山陽郡東漢  
因之晉省入南平陽屬高平國隋復置瑕丘縣為魯郡  
治唐為兗州治宋初改為瑕縣後改為滋陽縣取山為  
名宋金元俱因之本朝為兗州府治所屬山東道東  
平郡名注見漢  
獻帝興平元年

**書法**予從正也

### 宋分兵討豫州會稽

宋主親總兵出頓中堂以山陽王休祐為豫州刺史督  
劉劭呂安國等軍討殷琰巴陵王休若督沈懷明張永  
蕭道成等軍討孔顛時將士多東方人父兄弟多已  
附覬宋主因送軍諭之曰朕方務德簡刑使父子兄弟

罪不相及卿等當深達此懷勿以親戚為慮也  
衆於是大悅凡叛人親黨在建康者居職如故  
**質實**劉  
彭城人殷琰陳郡長平人孝祖之子巴陵郡名注見文  
帝元嘉三年沈懷明吳興武康人張永吳郡人裕之子  
孔顛山陰人  
琳之從孫

### 宋太后路氏殂

太后延宋主置酒進毒宋主知  
之即以其危上壽是日太后殂  
**質實**上壽注見漢武

**書法**於是太后延宋主進毒酒中帝知之因以上壽

也其不書弒何罪不在  
宋主也故從恒辭書殂

### 二月宋臺軍克義興

孔顛遣其將軍晉陵部陳甚盛沈懷明等不敢進咸勸  
巴陵王休若退保破岡休若宣令敢言退者斬衆乃小  
定殿中御史吳喜請於宋主願得精兵三百致死於東  
宋主簡羽林勇士配之議者以喜刀筆主者未嘗為將



不可遣中書舍人巢尚之曰喜昔隨沈慶之屢經軍旅  
勇決習戰若能任之必有成績乃遣之喜性寬厚數使  
東吳人並懷之及聞其來皆望風降散至國山遇東軍  
擊破之斬其將進逼義興劉延熙柵斷長橋保郡自守  
喜築圍與相持庾業於長塘築城與延熙相應會宋主  
復遣督護任農夫至業城未合攻破走之收其船仗向  
義興助喜攻郡克之諸  
**集覽** 軍晉陵軍謂屯守也晉陵  
壘皆潰延熙赴水死  
毘陵縣晉置郡後諱毘又改晉陵隋置常州治晉陵武  
進二縣義興注見晉孝武帝太元十七年長橋即垂虹  
橋也一名利往橋在蘇州吳江縣東西長千餘尺用木  
萬計前臨具區橫絕松陵湖光海氣蕩漾一色乃三吳  
之絕  
**正誤** 長橋今按吳喜進義興太守劉延熙柵斷長  
景 橋此長橋正在義興即周處斬蛟處今宜興  
縣即古義興避宋  
**質實** 一統志云破岡瀆名在應天府  
太宗舊諱而改 句容縣東二十五里吳赤烏中  
發兵三萬鑿句容中道至雲陽西城以通共會船艦上  
下十四埭羽林軍名注見漢昭帝元鳳元年軍旅注見  
梁武帝中大同二年東吳注見晉安帝元興元年三吳  
國山注見梁武帝天監八年長橋在常州府宜興縣治

南後漢袁府君所造晉周處嘗斬蛟於此  
元改名萬安橋長塘疑是地名未詳處所

### 魏丞相太原王乙渾謀反伏誅太后稱制

渾專權多殺侍中拓跋丕告其謀反馮太后收渾誅之  
遂臨朝稱制引中書令高允侍郎高閭將軍賈秀共參  
大 **質實** 太原郡名注見齊明帝建武  
政 三年并州高閭漁陽雍奴人

### 宋臺軍克晉陵吳興吳郡

沈懷明等與東軍相持久不決會宋主遣將軍江方興  
御史王道隆至晉陵東軍五城相連城猶未固道隆謂  
諸將曰此城未固可以藉手上副聖旨下成衆氣乃帥  
孔瑛時屯吳興南亭與王曇生顧琛皆棄郡犇會稽宋  
主以四郡既平乃留吳喜使統諸將擊會稽召張永擊  
彭城江方 **集覽** 吳興戰國楚為菰城秦置烏程縣屬會  
興擊尋陽 稽三國吳置吳興郡隋改為湖州宋改  
為安 **質實** 一統志云南亭在湖州府治西南下瞰苕溪  
吉州 **質實** 孔瑛山陰人顧從弟彭城郡名注見秦始皇



二十八年

宋以蔡興宗為僕射褚淵為吏部尚書○宋臺軍克會稽

吳喜任農夫等引兵向會稽破其兵取西陵斬庾業上

虞令王晏起兵攻郡孔顛出走車騎從事中郎張綏封

府庫以待喜晏入城殺綏執尋陽王子房縱兵大掠獲

孔璪及顛殺璪謂顛曰此事孔璪所為無預卿事可作

首辭當為申上顛曰江東處分莫不由身委罪求活便

是君輩行意耳乃并斬之顧璪等詣喜歸罪喜皆宥之

送子房建康 **質實** 西陵渡名注見齊武帝永明六年上

縣名注見漢獻帝興平二年金陵一統志云松滋漢之

郡高成縣城乃僑置松滋縣屬河東郡隋初廢郡以縣

屬荆州唐初屬江陵府宋金元俱仍舊 本朝因之改

屬荆州府

三月宋臺軍敗于赭圻殷孝祖死沈攸之代將擊尋陽軍

大破之

鄧琬鄙閭賔吝賣官鬻爵販賣欽博日夜不休群小橫

恣競為威福於是士民忿怨中外離心琬遣孫冲之帥

薛常寶等萬人為前鋒據赭圻冲之啓子勛曰舟楫已

辦器械亦整便欲公流直取白下願速遣衆軍兼行相

接子勛乃以陶亮統五州兵合二萬人俱下亮不敢進

屯軍鵲洲殷孝祖負其誠節陵轢諸將臺軍有親屬在

南者悉欲推治由是人情乖離沈攸之內撫將士外諧

群帥衆並賴之孝祖每戰常以鼓蓋自隨軍中相謂殷

統軍可謂死將矣與賊交鋒而自標若此若以十人射

之欲不斃得乎及攻赭圻孝祖果中流矢而死人情震

駭並謂攸之當代為統督時休仁遣江方與等赴赭圻

攸之以為孝祖既死明日不攻則示之以弱方與名位

相亞必不為已下軍政不一致敗之由也乃帥諸軍主

諸方與曰事之濟否唯在明旦一戰不捷則大事去矣

諸人或謂吾應為統自下懦薄幹畧不如卿今輒相推

但當相與戮力耳方與甚悅許諾諸軍主或尤攸之攸

之曰吾本欲共濟艱難以安國活家豈計名位之升降

而自惜同異哉明日方與帥諸軍進戰大破南軍拔胡

州



白二城詔以攸之督前鋒陶亮大懼召冲之還鵠尾留  
薛常寶守赭圻時軍旅大起國用不足募民上錢穀補  
官有差軍中食盡建安王休仁撫循將士均其豐儉  
死問傷身親隱恤故十萬之衆莫有離心鄧琬遣劉胡  
帥衆十餘萬屯鵠尾胡宿將勇健多權畧屢有戰功將  
上畏之參軍蔡那子弟在襄陽胡每戰懸之城外那進  
戰不顧吳喜亦帥所領五千入并運資實至于赭圻  
也記也本作以羽儀自標顯隱恤  
隱痛也恤愍也心哀痛而憐愍之  
年百下城名注見泰始元年鵠洲未詳處所胡白二城  
未詳處所唯鳳陽府潁州城西北二里有胡城即春秋  
胡子國未知是否明者察之一統志云鵠尾渚名在廬  
州府舒城縣治西北舊有鵠亭按左傳楚伐吳吳人敗  
諸鵠岸杜預注舒縣鵠尾渚是也襄  
陽縣名注見漢獻帝建安十二年

**書法**

江左建國久矣未有書臺軍者書臺軍何別外  
也故曰臺軍敗臺軍者孫冲之也以自敗為文何不  
以外兵加臺軍也然則南兵之破方輿力也曷為止

書攸之攸之讓不為統然後方輿感激力戰則方輿  
之功攸之之功也綱目歸功攸之其為體國忘私之  
勸卒矣

**宋斷新錢專用古錢○夏四月宋臺軍拔赭圻**

沈攸之帥諸軍圍赭圻薛常寶等糧盡告劉胡求救胡  
以囊米繫流查及船腹而覆之順風流下以餉常寶攸  
之疑有異遣人取之大得囊米胡又陸運餉之攸之邀  
繫胡被創走常寶惶懼走還攸之遂拔赭圻建安王休  
仁進屯之胡等兵猶盛宋主遣褚淵至虎檻選用  
將士時以軍功除官者衆板不能供始用黃紙  
**流查**查與槎通  
**質實**薛常寶河  
東汾陰人  
水上浮木也

**五月宋臺軍圍壽陽**

殷琰使劉順督諸將據宛唐而以皇甫道烈土豪柳倫  
臺使不受節度劉劭始至塹壘未立順欲擊之道烈與  
倫不可順不能獨進乃止劭營既立不可復攻因相持  
守順等糧盡琰將杜叔寶載米餉之吕安國曰順精甲



八千而我衆不能居半所賴者彼糧行竭我食有餘耳  
若使米至難可復圖今可間道襲其米車出彼不意若  
能制之將不戰而走矣勦以為然以疲弱守營簡精兵  
千人配安國使從間道抄之斬其前行五百人叔寶棄  
米走五月順衆潰走於是勦鼓行向壽陽與諸軍分營  
城外諸山宋主遣人齎詔省琰罪琰與叔寶欲降而衆  
心不一復**質實**宛唐疑是地名未詳處所壽陽  
嬰城固守

### 秋七月宋以揚僧嗣為武都王

初武都王揚元和棄國奔魏其從叔僧嗣自立屯葭  
費欣壽至巴東巴東人斬之阻守三峽蕭惠開復遣兵  
出梁州僧嗣帥群臣斷其道間使**集覽**三峽盛弘之荆  
以開宋主乃以僧嗣為武都王  
里中兩岸連山畧無闕處重巖疊障隱天蔽日自非亭  
午及夜分不見日月少陵詩註王洙曰三峽瞿塘巫山  
黃牛也杜修可曰峽程記云三峽謂明月峽巫**質實**武  
山峽廣澤峽其瞿塘艷預之類不繫三峽數  
郡名注見漢武帝元鼎六年葭蘆城名注見文帝元嘉  
二十年巴東郡名注見漢獻帝建安十九年二峽水名

注見漢昭烈帝  
章武二年巫峽

### 八月宋臺軍克江州殺子勛

鄧琬以軍久不決乃以子勛之命徵袁顛于襄陽以為  
都督顛性惟撓在軍中不戍服談義賦詩不撫諸將劉  
胡以南運未至就顛借米顛又不許由此大失人心與  
臺軍相拒於濃湖久之將軍張興世曰賊據上流兵彊  
地勝我雖持之有餘而制之不足若以奇兵數千潛出  
其上因險而壁見利而動使其首尾周遑糧運艱阻此  
制賊之奇也錢溪江岸最狹去大軍不遠下臨洄洑船  
必泊岸又有橫浦可以截船千人守險萬人不能過衝  
要之地莫出於此沈攸之以為然乃選戰士七千輕舸  
二百配之興世泝流上而復下如是累日劉胡笑曰我  
尚不能越彼下取揚州興世何物人欲輕據我上不為  
之備一夕四更風便興世舉帆直前過鵲尾胡乃遣兵  
追之興世潛遣其將黃道標帥七十舸徑趣錢溪立營  
寨明日引兵據之胡自將水步二十六軍來攻將士欲  
迎擊之興世曰賊來尚遠氣盛而矢驟驟易盡盛易衰  
不如待之俄而胡來轉近船入洄洑與世命任晨夫等



帥將士擊之衆軍繼進胡敗走建安王休仁以錢溪城未固命攸之等攻濃湖以分胡兵勢胡果欲更改與世未至韻遽追之城乃得立胡遣人傳唱錢溪已平衆懼攸之曰若然萬人中應有一人得還此必彼戰失利唱空聲以惑衆耳勒軍中不得妄動捷報尋至攸之以所獲耳鼻示濃湖頭大駭八月濃湖軍乏食鄧琬大送資糧畏與世不敢進胡欲復攻錢溪既而曰吾少習步戰未閑水闊若步戰恒在數萬人中水戰在一舸之上舸舸各進不復相關正在三十人中此非萬全之計吾不為也乃託疾不進遣百舸攻與世與世擊破走之韻怒胡不戰謂曰糧運艱塞當如此何胡乃遣兵步趣南陵載米三十萬斛錢布數十舸豎榜為城規欲突過至貴口不敢進與世遣兵擊而虜之進逼胡營胡不能制遂遁去韻亦走休仁勒兵入其營納降卒十萬韻至鵲頭為人所殺鄧琬憂惶無計張悅稱疾呼琬計事令左右伏甲帳後以索酒為約琬至悅問計琬曰正當斬晉安王封府庫以謝罪耳悅曰今日寧可賣殿下以求活邪因呼酒伏殺斬琬單舸齎首詣休仁降蔡邕之子繫尋陽作部脫鎖入城囚于勛攸之諸軍至斬之傳首建康時年十二子業之世衣冠懼禍咸欲遠出至是流離

外難百不一存衆乃服蔡興宗之先見休仁入尋陽遣吳喜等向荆郢雍湘豫章平餘寇劉胡逃至石城捕得

勅集覽恒撓恒怯撓弱也撓女教反舸加我反南楚江之湖謂船曰舸舸甫妄反方舟也豎榜豎立也榜

木片也蔡興宗之先見興宗嘗曰正誤蔡興宗之先見

清蕩可必但臣所憂者更在事後荆和元年袁顛求出為雍州刺史時以其舅蔡興宗為

荆州長史辭不行顛曰朝廷形勢人所共見在內大臣朝不保夕興宗曰官省內外人不自保會應有變若內

難得弭外釁未必可量汝欲在外求全我欲居中免禍及子業被弑晉安王子勛舉兵尋陽明帝平之史云子

業之世衣冠懼禍咸欲遠出至是流離外難百不一存衆心服蔡興宗之先見史文明白如此質實濃湖未詳

集覽不詳其意而草率引證故多類此世竟陵人錢溪未詳處所涸洲未詳處

所揚州注見漢獻帝興平二年金陵南陵縣名注見梁武帝太清三年貴口即貴山之口在池州府銅陵縣東六十里鵲頭山名注見文帝元嘉三十年荆郢雍湘四州名荆注見漢獻帝建安十三年南郡郢注見漢後主建興七年武昌雍注見漢獻帝建安十二年襄陽湘注

宋明皇朝卷之二



通鑑綱目卷之二十一 魏文帝元嘉元年

見漢獻帝興平二年長沙一統志云石城漢之縣名屬丹陽郡晉屬宣城郡隋置秋浦縣屬宣州唐為池州治

**書法**

江州書討矣其不書誅何子業子勛親也綱目

不名必若安都珍奇衆敬降魏而後名

**九月魏立郡學**

魏初立郡學置博士助教生員從高允之請也

**冬十月宋主殺其兄之子安陸王子綏等十三人**

宋主既誅子勛又殺安陸王子綏臨海王子頊邵陵王子元建安王休仁言於上曰松滋侯兄弟尚在非社稷計宜早為之所於是子房等十人皆賜死世祖二十八子於此盡矣

**集覽**

松滋侯尋陽王先為王晏所執

貶為松滋侯

**質實**

郡名注見周世宗顯德三年邵陵國名注見晉武帝泰始十年臨海郡名注見

晉安帝元興元年

**書法**

於是鄭子綏荆子頊會稽子房皆應子勛者也皆以兄之子書殺而斥宋主綱目權衡之意微

吁矣

**發明**

宋孝武不道淫亂縱欲行失人理故其諸子誅滅靡一子遺蓋天醜其行云爾然自孝明言之

則亦過矣且吾之所以盡殺兄之子者蓋欲安吾之子孫也他日吾子孫効吾所為則所及者必吾之子孫矣始欲安吾之子孫而反至於殺吾之子孫其為計不亦左乎世變日下天理絕滅作運之所以不長禍亂之所以迭出夫豈無自而然哉書殺其兄之子十三人其惡不待貶絕而自見矣

**宋徐州刺史薛安都汝南太守常珍奇叛降于魏**

宋徐州刺史薛安都益州刺史蕭惠開梁州柳元怙亮州畢象敬豫章太守殷孚汝南太守常珍奇並遣使乞降于建康宋主以南方已平欲示威淮北命張永沈攸之將兵五萬迎安都蔡興宗曰安都歸順不虛正須單



通鑑綱目卷之二十七

使今以重兵迎之勢必疑懼安都外據大鎮密迹邊陲地險兵彊尤宜馴養如其外叛招引北寇將為朝廷軒食之憂宋主不從謂蕭道成曰吾今因此北討卿意以為何如對曰安都狡猾有餘以兵逼之非國之利亦不聽安都果懼而叛常珍奇亦

以懸瓠降魏皆請兵自救亦

郡名注見漢武帝元鼎五年

文帝元嘉二十七年

**書法** 徐州初應子勛綱目例不名之此其名之何叛

皆書

### 宋立子昱為太子

宋主無子嘗以官人陳氏賜嬖人李道兒已復迎還生昱又密取諸王姬有孕者內之官中生男則殺其母而

使寵姬母之

### 魏將軍尉元救彭城入懸瓠宋兖州刺史畢眾敬降魏師

魏遣將軍尉元孔伯恭等救彭城西河公石救懸瓠宋兖州刺史申纂守無益詐降於元元受而陰為之備及

師至纂果閉門拒之畢眾敬以子為建康所誅亦降於魏元遣將先據其城遂長驅而進西河公石至於蔡常

珍奇出迎石未即入城博士鄭羲曰珍奇意未可量不

如直入其城據有府庫制其腹心石遂策馬入城因置

酒嬉戲羲曰觀珍奇色甚不平不可不備石乃嚴兵設

備其夕珍奇使人燒府屋欲為變以石有備而止淮西

七郡民多有陷軍為奴婢者赦悉免之郡民乃悅

宜慰民有陷軍為奴婢者赦悉免之郡民乃悅

陸敵姓名也

陸敵姓名也

**書法** 安都珍奇書叛此則曷為不書宋速之也殺其

敬不書叛安都珍奇書降於魏而眾敬書降魏師綱

通鑑綱目卷之二十七



目有以亮  
其心矣

### 宋豫州平

劉劭圍壽陽戰無不捷以寬厚得衆心尋陽既平宋主使中書為詔諭殷琰蔡興宗曰叛亂既定是琰思過之日宜賜手詔以慰引之今直中書為詔彼必疑之非所以速清方難也不從琰果疑劭之詐欲降於魏主簿夏侯詳曰今日之舉本效忠節若社稷有靈便當歸身朝廷何可北面左社乎且今魏軍近在淮次官軍未測吾之去就若遣使歸欵必厚相慰納豈止免罪而已琰乃使詳出見劭曰城中士民畏將軍之誅皆欲自歸於魏願將軍緩而赦之則莫不相帥而至矣劭許諾琰乃出降劭悉加撫慰不戮一人約勒將士秋毫無犯壽陽人大悅楚軍將至聞琰已降乃掠義陽而去

**集覽**

淮次淮水之濱也

**質實**

壽陽郡名注見齊主寶卷

宋元二年夏侯詳譙人杜稷注見新莽天鳳元年左柱注見漢靈帝中平二年淮水注見漢後主延興二年義

陽郡名注見梁武帝太清二年

### 宋益州平

蕭惠開在益州多任刑誅諸郡叛之合兵圍成都聞尋陽已平爭欲屠城宋主遣其弟惠基使成都赦惠開惠開乃降城圍亦解召還建康宋主問以舉兵狀對曰臣唯知逆順不識天命宋主釋之

**質實**

成都縣名

注見漢帝玄更始二年

### 宋僑立宛徐青冀州

宛州治淮陰徐州治鍾離青冀治鬱州洲在海中周數百里累石為城高八九尺虛置郡縣荒民無幾

**實**

淮陰縣名注見漢獻帝建安元年鍾離縣名注見梁武帝天監六年青冀二州名注見秦二世二年郊

洲山名注見晉安帝隆安五年郁州

### 魏取彭城

宋張永沈攸之進兵逼彭城魏尉元至薛安都出迎元遣李際與安都先入城收管籥別遣孔伯恭以精甲二



千安撫內外然後入其夜張未攻之不克元不禮於安  
都安都悔降復謀叛魏元知之不果發乃重賂元等元  
使擊張未絕其糧道

**質實**

彭城郡名注見秦始帝二  
十八年管籥注見晉明帝

大寧三年孔

未丁

魏皇興元年春正月魏取宋淮北四州及豫州淮西地

宋張未等棄城夜走會天大雪士卒凍死太半手足斷  
者什七八尉元邀其前薛安都乘其後大破未等於呂  
梁之東死者以萬數枕屍六十餘里委棄資械不可勝  
計宋主召蔡興宗以敗書示之曰我愧卿甚未及彼之  
皆坐賤還屯淮陰宋由是失淮北四州及豫州淮西之  
地裴子野曰太宗之初威令所被不滿百里而能開誠  
布款以致平定既乃賈其餘勇師出無名而長淮以北  
倏忽為戎矣若以向之虛懷不矜不伐則二叛奚為而  
起

**集覽**

呂梁地名在徐州南十六里河水自州北東與  
清水合流南經呂梁入淮水呂梁澗有亂石如  
起

**質實**

一統志云呂梁山名在徐州城東南六十里下有  
二洪洪上有雲慶梁王二城士人謂雲慶即韓信

謂呂梁懸水三十仞流沫四十里是也豫州注見漢光  
武建武十九年汝南淮陰縣

魏東平王道符反長安伏誅

**質實**

東平郡名注見漢獻帝  
興平元年長安縣名注

見漢惠帝五年 ○宋青冀州平

初尋陽既平宋主遣沈文秀弟文炳以詔書喻文秀又  
遣將軍劉懷珍將兵三千與之偕行進據朐城會文秀  
攻青州刺史明僧暲走之衆心兇懼欲保郁州懷珍曰  
文秀欲以青州歸索虜計齊之士民安肯甘心左衽邪  
今揚兵直前宣布威德諸城可飛書而下柰何守此不  
進自為沮撓乎遂送文炳入城文秀猶不降衆謂宜  
且堅壁伺隙懷珍曰今衆少糧竭懸軍深入正當以精  
兵速進掩其不備耳乃遣百騎襲其城拔之文秀請降  
冀州刺史崔道固亦

**集覽**

朐城即朐山縣城注見漢桓  
帝永興二年明僧暲明姓也



僧曷其名曷古老反索虜司馬公曰南北朝互相排黜南謂北為索虜蓋拓跋氏號索頭也史炤曰虜以索辯髮故曰索虜計齊之士民計料也青州在齊故曰齊揚州謂沈文炳也

**正誤**

揚兵直前今

### 魏將軍慕容白曜侵宋青州取四城

朱泚攸之自彭城還也留王玄載守下邳沈韶守宿豫睢陵淮陽皆留兵戍之時申纂守無蓋劉休賓守梁鄒房崇吉守升城張謙守圍城與肥城糜溝垣首皆不附魏魏遣將軍長孫陵慕容白曜等將兵赴青州白曜至無蓋欲攻之將佐皆以為攻具未備不宜遽進司馬鄒範曰輕軍深入豈宜淹緩且申纂必謂我軍來速不暇攻圍將不為備今出其不意可一鼓而克白曜從之引兵偽退夜進攻之拔無蓋殺申纂欲盡以其人為軍賞範曰齊形勝之地宜遠為經畧今人心未洽遠城相望皆有拒守之志非以德信懷之未易平也白曜曰善皆免之將攻肥城範曰肥城雖小攻之引日勝之不益軍勢不勝足挫軍威彼見無蓋之破不暇不懼若飛書喻

之不下則散矣白曜從之肥城果潰得粟三十萬斛白曜謂範曰此行得卿三齊不足定也遂取垣首糜溝二

**集覽**

下邳注見漢高帝六年梁鄒漢高

齊南肥城今濟寧府屬縣故城在東平府平陰縣東南

**正誤**

升城集覽無註○今按

志云宿豫古地名春秋時為鍾胡子國亦宿國所遷地

豫郡後魏屬南徐州東魏屬東楚州後周屬泗州隋下

邳郡治此唐始改為宿遷縣屬徐州宋屬邳州元省後

復置本朝因之改屬淮安府睢陵古地名漢屬臨淮

郡東漢置睢陵縣晉屬下邳國東魏屬臨潼郡隋廢金

復置改為睢寧縣屬泗州尋屬邳州後廢元復置屬邳

州本朝因之改屬淮安府淮陽縣名注見周赧王三

十七年陳梁漢之縣名初屬鄒郡後為梁國晉末省之

故城在徐州碭山縣東南鄒古鄒侯國名漢置鄒平縣

屬濟南郡晉為鄒縣屬樂安國後廢隋復置屬齊州後

廢唐復置屬譚州貞觀初州廢屬淄州宋景德初徙治



廢濟陽城金仍舊元屬濟南路本朝因之改屬濟南府

府升城未詳處所團城未詳處所肥城古肥子國漢

置為縣屬泰山郡東漢省入盧縣宋置碣城後屬濟北郡後周置肥城縣隋屬濟州唐屬東泰州貞觀初省

入博城屬兗州宋省入平陰縣今因之元復置屬濟寧路本朝改屬濟南府

### 升城

宋房崇吉守升城勝兵不過七百人魏慕容白曜築長圍攻之三月乃克念其不降欲盡阮之參軍事韓麒麟

諫曰如此則自此以東諸城皆人自為守不可攻矣白曜乃止崇吉脫身走其母及申纂妻與魏齊州刺史盧

度世有中表親然已疎遠及為魏所虜度世奉事甚恭瞻給優厚度世聞門之內和而有禮百口怡怡豐儉同

之○宋崔道固閉門拒魏沈文秀遣使迎降請兵於魏白曜欲遣兵救之鄺範曰文秀室墳墓皆在江南擁

兵數萬城固甲堅疆則拒戰屈則遁去今無朝夕之急何還求援且其使者視下色愧語煩志怯此必挾詐以

誘我不可從也不若先取歷城克盤陽下梁鄒平樂陵然後案兵徐進不患其不服也白曜乃止文秀果不降

○魏尉元表言彭城宋之要藩不有重兵積粟則不可固守若資儲既廣則宋人不敢窺淮比矣且賊向彭城

必由清泗過宿豫歷下邳趨青州亦由下邳沂水經東安此皆要地今先平之則青冀諸州可不攻而克不然

則青冀雖接百姓狼顧猶懷僥倖之心臣愚以為宜釋晉冀之師先定東南斷劄或北顧之意絕愚民南望之

心則淮北自舉暫勞永逸矣若天雨既降彼或運糧益衆規為進取則近淮之民翻然改圖青冀二州未可猝

拔也○宋沈攸之自送運米至下邳魏人遣間詐之曰薛安都欲降求軍迎接吳喜請赴之攸之不許既而求

者益多攸之謂曰諸人既有誠心若能以薛徐州子弟俱來者即皆假以鄉縣唯意所欲如其不爾無為空往

來也自是不復至攸之乃使軍主集覽歷城注見文帝陳顯達將兵千人助戍下邳而還元嘉八年盤陽

古淄川郡隋置淄州今盤陽府是樂陵平原郡邑漢置為郡今滄州縣在河間路樂音洛沂水縣名元屬沂州

今隸莒州在益都路又沂質實韓麒麟昌黎人齊州注水注見漢獻帝建安三年見漢景帝三年齊南一



通鑑綱目卷之二十七

統志云盤陽漢之縣名屬濟南郡東漢屬齊國晉省之

宋置東清河郡及貝丘縣北齊罷郡以縣屬齊州隋置

淄州改貝丘為淄川縣後州廢唐初復置淄州宋金元

俱仍舊本朝初改淄川州以縣省入尋改州為縣屬

濟南府樂陵古地名秦為齊郡地漢為平原渤海二郡

地三國魏分置樂陵郡晉為樂安樂陵二國地隋置

州治陽信縣後罷唐復置治樂陵又移治厭次天寶初

又改樂安郡乾元初復為州五代梁徙治城東南宋復

徙於此元置濱棗路後改為棗州屬濟南本朝初改

為樂安州以厭次縣省入後改為武定州屬濟南府清

泗二水名清注見晉帝奕太和四年泗注見文帝元嘉

三十年沂水在淮安府邳州城西自山東沂州西流至

下邳南入泗河達於淮東安漢之縣名屬城陽國東漢

屬琅邪郡晉宋因之北齊廢隋復置唐省入沂水縣故

城在青州府沂水縣南五十里薛徐州謂薛安都

宋以袁粲為僕射○秋八月宋遣中領軍沈攸之擊彭城

將軍蕭道成鎮淮陰

宋主復遣沈攸之等擊彭城攸之以清泗方泗糧運不

繼固執以為不可宋主怒彊遣之而使行徐州事蕭道

成鎮淮陰道成收養豪俊賓客始盛魏之入彭城也垣

崇祖將部曲奔據胸山道成以為成主胸山濱海孤絕

人情未安魏人得其叛將遣騎二萬襲之崇祖方出送

客城中人懼皆下船欲去崇祖還謂腹心曰虜非有宿

魏作大像

十六年海島注見

晉成帝咸康四年

謂舉義

郡胸山縣西北十二里義人義從之人在東海

帝未與二年艾塘義人艾塘地名在東海

自彭城奔胸山遂依道成於淮陰劉僧嗣

將部曲二千人居海島道成亦召而撫之

虜煩戍軍速往逐之舟中人采喜爭上岸崇祖引入據

城遣羸弱入島人持兩炬登山鼓譟魏軍乃退榮祖亦

艾塘義人艾塘地名在東海

正誤

集覽

胸山注

見漢桓

艾塘義

人今按

注見

嘉二

注見

注見

注見

注見



高四十三尺用一  
萬有黃金六百斤

**書法**

書大像何譏媚佛也昔作大像始此終  
網目書作大像者三  
是年唐武氏再書

**魏人拒擊宋師走之遂取下邳**

魏尉元遣兵拒沈攸之又以攸之前敗所喪士卒塚墮  
勝行者還之以沮其氣宋主尋悔遣攸之等復召使還  
不及攸之至淮清口魏兵擊之衆潰還走淮陰委資械  
以萬計尉元以書喻宋徐州刺史王玄載玄載棄下邳  
走魏以辛紹先為太守紹先不尚苛察務舉大綱教民  
治生禦寇而已由是下邳安之宋宿豫戍將淮陽太守  
皆棄城走慕容白曜進屯穀丘宋將軍房法壽襲據盤  
陽以降白曜表韓麒麟與法壽對為冀州刺史白曜引  
兵攻淮道固於歷城不下攻沈文秀於東陽文秀  
請降魏兵入城暴掠文秀悔怒拒守擊魏兵破之  
瘞墮瘡株王反寒瘡也顏  
師古曰因寒瘡而墮指  
**管實** 淮清口即淮清二水之  
淮安府睢寧縣西源自靈璧縣東流經縣界又東北至  
宿遷縣入泗水清水注見晉安帝義熙十三年房法壽

東武城人東陽城名  
注見文帝昇平元年

**魏主始親政事**

魏主李夫人生子宏馮太后自撫養之遂還政於魏主  
魏主始親國事勤於為治賞罰嚴明拔清節黜貪汙於  
是魏之牧守始有  
以庶僚著聞者

**書法**

太后  
專也

**冬十月宋以金贖義陽王昶于魏**

宋主遣使以金千兩贖義陽王昶于魏魏人不許使昶  
與宋主書為兄弟之儀宋主責其不稱臣不答魏主復  
使昶與宋主書昶曰臣本或兄未經為臣若改前書事  
為二敬苟或不改彼所不納臣不敢奉詔乃止魏人愛  
重昶凡三  
**集覽** 二敬敬齊箴注主一之  
謂敬無適之謂一是也  
**正誤** 事為二敬  
今按劉昶  
先與宋主書為兄弟之儀而不答若又改而  
稱臣則是二其敬也集覽所引雖稱而不切



**書法**於魏人也以金贖起可謂義矣而以不稱臣故終以不答則為義不終矣

**十二月常珍奇叛魏歸宋考異**  
提要作復

常珍奇雖降於魏實懷二心劉劭復以書招之會魏西河公石攻汝陰珍奇乘虛燒劫懸瓠驅掠上蔡安成平

輿三縣民屯於灌水魏質實汝陰縣名注見齊主寶卷人攻之珍奇奔壽陽

漢舊縣名屬汝南郡晉宋仍舊隋省之故城在汝寧府城東南汝水北平輿縣名注見秦王政二十三年灌水

在汝寧府固始縣西南四十二里俗音訛為澮水楮先論神龜出於江灌水間嘉林之中謂此水也壽陽縣名注見齊主寶卷

卷永元二年

**書法**歸宋反正也必書叛魏何惡反覆也綱目惡反覆於其降魏也書叛其歸宋也亦書叛及魏拔

歷城也則書奔與書孟達大異矣據漢後主建興五年孟達不書叛書來歸是故珍奇歸宋書叛魏是年

**其將闕于拔**

魏皇始四年春正月魏侵宋宋豫州刺史劉劭擊却之斬

魏侵宋武津宋劉劭擊却之斬其將于都公闕于拔淮西民賈元友上書陳伐魏取陳蔡之策宋主以其書示勳勳上言元友稱虜主幼弱內外多難天亡有期臣以為虜自去冬蹈藉王土今春連城圍逼國家未能復境何暇滅虜元友所陳率多夸誕狂謀言之甚易行之甚難元嘉以來儉荒遠人多勸討虜從來信納皆貽後悔境上之人唯視疆弱王師至彼必壺漿候塗裁見軍退便抄截蠢起此前後所見明驗非一也宋主乃止

**實**一統志云武津晉之縣名屬汝南郡宋未省之故址在汝寧府城北四十五里上蔡縣境內于都疑是縣

名未詳處所淮西道名注見唐憲宗元和十年陳蔡古二國名陳注見周報王三十七年蔡注見秦二世二年上蔡僖荒注見文帝元嘉二十三年壺漿候塗孟子云簞食壺漿以迎王師元嘉文帝年號壺起注見秦二世

申戊

陳伯之歸梁書叛魏丙戌年趙匡贊侯益還漢書叛蜀戊申年皆惡其反覆者也



二年

宋東徐兗州降魏魏以尉元為徐州刺史

魏尉元遣使說宋東徐州刺史張謙謙以團城降魏魏以高閭與謙對為刺史元又說宋兗州刺史王整蘭陵太守桓訢降之魏以元為開府儀同三司徐州刺史鎮彭城召薛安都畢衆敬入朝以客禮待之封侯賜第資給甚厚

**質實**

東徐州注見唐昭宗景福二年泗州蘭陵縣名注見漢光武建武四年

三月魏拔宋歷城

崔道固出降

常珍奇轉宋考異

提要無此句據三年分注此句當削

宋車騎大將軍王

玄謨卒夏四月宋減民田租之半宋劉劭敗魏兵於

許昌質實

許昌縣名注見漢獻帝建安元年

魏以李惠為征南大將軍

馮熙為太傅考異

按凡例親戚書其屬此當書魏以馮太后兄熙為太傅李夫人父惠為征南大

將軍

惠李夫人之父熙馮太后之兄也

秋七月宋以蕭道成為南兗州刺史

**質實**

南兗州注見漢武帝元朔五年

淮南

**書法**

是歲十月朔日食不書疑漏

冬十二月宋改葬路太后

義嘉之亂路太后暴殂既葬巫師復請發陵戮玄宮為厭勝至是改葬之

**集覽**

義嘉晉安王子勛稱帝時

宋以阮佃夫為游擊將軍

改元義嘉厭勝厭益涉反廣雅云厭鎮也



先是中書侍郎舍人皆用名流為之太祖始用寒士世祖猶雜用士庶而巢戴遂用事及宋上盡用左右細人佃夫及中書舍人王道隆散騎侍郎楊運長並參預政事權亞人主巢戴所不及也佃夫尤恣橫納貨賂作威福朝士貴賤莫不自結僕隸皆不次除官捉車人至中即將馬士至員外郎

事見孝武帝大明二年

**質實**

中即將官名注見漢帝玄更始二年

**集覽**

巢戴巢尚之戴法興

酉巳

宋泰始五年春正月魏拔宋青州執其刺史沈文秀

沈文秀守東陽魏人圍之三年外無救援士卒晝夜拒戰甲冑生蟻蝨無離叛之志至是魏人拔東陽文秀解戎服正衣冠持節坐齋內魏人執之縛送慕容白曜使之拜文秀曰各兩國大臣何拜之有白曜還其衣為設饌鎖送平城魏主宥之待為下客給惡衣疏食既而重其不屈拜外都下大夫於是青冀之地盡入於魏矣

**質實**

東陽城名注見順帝昇平元年

**發明**

宋自元嘉末年侵魏之後兩國各務自保無復兵爭至薛安都等叛降下魏於是魏人乘機侵

宋取淮北淮西及下邳諸郡之地今又拔青州而執其刺史宋惟迫於內難未遑外畧亦不復與之力爭然魏氏納其叛臣奪其土地屠其城邑雖若得志一時夫豈仁義之舉綱目隨事書之是非曲直瞭然在目固自不可得而掩也

二月魏以慕容白曜為青州刺史

白曜撫御有方東人安之

魏立三等輸租法除其雜調

魏自天安以來比歲旱饑重以青州用兵山東之民疲於賦役魏主命因民貧富分為三等輸租之法等為三品上三品輸平城中輸他州下輸本州舊制常賦之外有雜調十五至是罷之民稍贍給

**質實**

青州注見

漢桓帝永康元年山東道名注見文帝元嘉二十五年

宋以太尉廬江王禧為南豫州刺史



宋河東柳欣慰等謀反欲立大尉廬江王禧禧帝兄而帝輕之以廢帝謂之驢王徙封廬江禧街之遂與欣慰通謀事覺詔降禧車騎將軍出鎮宣城遣腹心楊運長領兵防衛欣慰等伏誅  
永平十三年丹陽河東郡名注見漢獻帝建安七年廬江郡名注見漢明帝永平十三年

**書法**於是柳欣慰謀反禧與之通事覺出之其不書其心綱目深探其本故禧之謀反不書而其殺也斥書宋主

### 夏五月魏置僧祇佛圖戶

魏徙青齊民於平城桑乾立平齊郡以居之沙門統曇曜奏平齊戶及諸民有能歲輸穀六十斛入僧曹者即為僧祇戶粟為僧祇粟遇凶歲賑給饑民又請民犯重罪及官奴以為佛圖戶以供諸寺掃灑並許之於是僧祇寺戶徧於州鎮矣  
**集覽**平城注見漢高帝七年桑乾注見文帝元嘉二十八年僧祇佛圖佛書有阿僧

祇此祇字下無一畫音析或音脂非也佛圖即浮屠梵語佛陀  
**質實**一統志云平齊古陰館縣地東漢末廢後魏置平齊郡隋為神武縣地屬馬邑郡唐廢遼置河陰縣屬應州宋改山陰縣置忠州元併入金城縣後復置本朝因之改屬大同府沙門僧名注見漢明帝永平八年

### 六月魏立子宏為太子○宋主殺其兄廬江王禧

宋主又令有司奏禧忿懟有怨言詔免官爵遣使持節逼令自殺

冬十月朔日食  
**質實**日食注見漢惠帝七年  
○十一月魏遣使如宋

### 脩好

自是信使歲通

**發明**魏既得志於宋今乃遣使脩好宋亦自守不暇不念舊惡綱目據事書之亦幸其兵禍之息也

### 十二月宋以桂陽王休範為揚州刺史



宋司徒揚州刺史建安王休仁與宋主素相友愛景和  
之世宋主賴其力以脫禍及秦始初四方兵起休仁親  
當矢石克成大功任總百揆親寄甚隆由是朝野輻湊  
宋主不悅休仁悟其旨表解揚州宋主以休仁代之

**集覽**景和宋主子業年號也脫禍事在元年  
**質實**桂陽郡名注見漢武帝元鼎五年輻湊注見漢

文帝六年

### 宋置三巴校尉

先是三峽蠻獠歲為抄暴故分荆益四郡立府於白帝  
以鎮之又以孫謙為巴東建平太守募千人自隨謙  
曰蠻夷不賓蓋待之失節耳何煩兵役以為國費遂不  
受至郡開布恩信蠻獠翕然懷之競餉金寶謙皆慰諭  
不**集覽**蠻獠記王制篇南方曰蠻韻書注獠魯皓反西南夷也  
**質實**三巴地名注見漢獻帝建安十九年

安二十一年白帝城名注見漢獻帝建安十九年  
孫謙東莞人巴東郡名注見漢獻帝建安十九年

見晉武帝本康元年

### 宋臨海賊起

臨海田流自稱東海王剽掠海鹽殺勤令東土大震  
**集覽**臨海漢屬東甌國三國臨海縣勤令東土大震

臨海縣勤令東土大震也勤音銀秦時鄞屬會稽郡今慶元府屬縣也鄞縣故城在鄞縣東南  
**質實**臨海郡名注見晉安帝元興元年東海郡名注見秦二世二年

郡名注見晉安帝元興元年東海郡名注見秦二世二年  
郡漢因之王莽改為謹縣東漢復舊名隋併入句章縣屬吳州唐初析句章置鄞州尋廢州為鄞縣屬越州開元中復改為鄞縣屬明州宋元俱仍舊

本朝因之改為寧波府治所仍舊焉

### 魏泰始六年春正月宋定南郊明堂歲祀

魏泰始六年春正月宋定南郊明堂歲祀

間二年一祭南郊間一年一祭明堂

### 宋納太子妃江氏

**考異**

提要作宋太子妃則似唐文宗納壽王妃而於君臣父子之教所害尤大今考晉泰始八年書

晉太子衷納妃賈氏陳大建五年書周太子贊納妃揚氏

戊寅



則此當從提要

宋納太子妃令百官皆獻始興太守孫奉伯

**質實** 興

止獻琴書宋主大怒封藥賜死既而原之

**書法**

納太子妃不書此其書何志賄也於是責百官皆獻故書譏之終綱目太子書納妃三晉袁賈

注見晉愍帝建興三年

魏擊吐谷渾敗之

**質實**

吐谷渾西域國名注見晉元帝建武元年

夏六月宋

以王景文為僕射揚州刺史

宋主宮中大宴裸婦人而觀之王后以扇障面上怒曰外舍寒乞今共為樂何獨不視后曰為樂之事其方自

多豈有姑姊妹集而以此為笑乎外舍之樂雅異於此上大怒遣后起后兄景文聞之曰后在家劣弱今殿遂

能剛正如此

宋以南兖州刺史蕭道成為黃門侍郎尋復本任

**考異**

字 瀟州

道成在軍中久民間或言其有異相宋主疑之徵為黃門侍郎道成懼不欲內遷而無計得留參軍荀伯玉教

其遣數十騎入魏境魏果遣遊騎行境上道成以聞宋主乃使道成復本任

**質實**

南兖州注見漢武帝

荀伯玉廣陵人

**書法**

尋復本任矣何以書譏受欺也於是道成不欲內遷遣騎畧魏魏果遣遊騎行邊道成以聞遂

復本任受欺甚矣故書譏之

**發明**

宋主以疑而召道成道成以計而寢召命君臣相詐如此果何益哉尋復本任直筆書之交譏

爾之

宋立聰明觀

**質實**

聰明觀未詳處所

通鑑綱目卷二十七

宋明皇帝泰始六年

二十三



置祭酒一人儒玄集覽儒玄文史四學之名也  
文史學士各十人文帝元嘉十五年立

### 柔然侵魏魏主自將擊敗之

柔然侵魏魏主引群臣議之僕射南平公目辰曰車駕親征京師危懼不如持重固守虜懸軍深入糧運不繼不久自退遣將追擊破之必矣給事中張白澤曰蠢爾荒愚輕犯王畧若鑿與親行必望麾崩散豈可坐而縱敵以萬乘之尊嬰城自守非所以威服四夷也魏主從之柔然大敗乘勝逐北降斬數萬所獲馬仗不可勝計旬有九日往返六千里時魏百官不給祿少能以廉白自立者魏主詔吏受所監臨羊一口酒一斛者死與者從坐有能糾告尚書以下罪狀者以所糾官授之白澤諫曰昔周之下士尚有代耕之祿今皇朝貴臣服勤無報若使受禮者刑身糾之者代職臣恐姦人闕望忠臣解節求事簡而民安不可得也請依律令舊法仍班祿以酬庶吏鑿與與車也萬乘稱車與鑿注見漢文魏主乃止集覽帝元年鸞旗逐北注見周赧王三十一年質實柔然北狄國名注見晉孝武帝太元十二年南平即名注見晉惠帝永興二年京師注見周赧

王二十五年張白澤上谷沮陽人充之孫周之下士尚有代耕之祿孟子曰下士與庶人在官者同祿祿足以

代其耕也

### 書法

柔然於魏書寇久矣此其止書侵何薄其罪也蓋自壬午遣使如宋而魏襲之自是又四伐焉今而脩怨情也故止書侵孝文既立二年三侵則不可以復怨矣故甲寅復書寇

### 魏殺其青州刺史慕容白曜

初魏乙渾專政白曜附之魏主追以為憾誅之

### 宋討臨海賊平之

宋泰始七年魏高祖考考異按魏獻文帝以是年八月傳文帝拓拔宏延興元年興五年高祖考文帝宏延興元年據前分注文成帝春二

濬獻文帝弘皆無拓跋二字則此拓跋二字當削去

### 月宋主殺其弟晉平王休祐以巴陵王休若為南徐州刺

辛亥



史

初宋主為諸王寬和，有令譽，獨為世祖所親。即位之初，義嘉之黨多蒙寬宥，隨才引用，有如舊臣。及晚年，更猜虐好鬼神，多忌諱，文書有禍敗凶喪疑似之言，應迴避者數千百品，有犯必戮。左右忤意，往往剗斷。淮泗用兵，府藏空竭，百官絕祿，而奢費過度，每造器用，必為正御副御，次副各三十枚，至是寢疾，以太子幼弱，深忌諸弟。晉平王休祐剛狠，數忤旨，宋主積不能平，因其從出射，雉陰遣壽寂之等拉殺之。陽言落馬，贈塋如禮。既又忌寂之勇健，亦殺之。建康民間誑言：荆州當出天子，刺史巴陵王休若，有貴相，宋主召為南徐刺史，休若憂懼，將佐亦謂還朝，必不免禍。參軍王敬先曰：荆州帶甲十萬，地方數千里，上可以匡天子，除姦臣，下可以保境土，全一身，孰與賜劍，即第使臣妾飲泣而不敢墜乎？休若以白宋主而誅之。

**集覽** 剗音枯，破腹也。剗音枯，破腹也。剗音枯，破腹也。

**質實** 南徐州，注見秦始皇二十八年。彭城，晉平郡名。注見漢武帝建元三年。閩中，巴陵郡名。注見文帝元嘉三年。剗，注見梁武帝天監七年。斷，周書泰誓中，斷朝涉之脛。注，斷斫也。孔子曰：紂冬月見朝。

涉水者謂其脛，奈寒斫而視之。

魏西部敕勒叛討之不克

**質實**

敕勒，高車部名。注見文帝元嘉七年。○夏五月

宋主殺其弟建安王休仁

晉平刺王既死，休仁益不自安。宋主亦病，與楊暹長等為身後之計，運長等又慮宋主晏駕，休仁秉政，已不得專權，彌贊成之。於是召休仁入宿尚書下省，遣人齎藥賜死。休仁罵曰：上得天下，誰之力？邪？孝武以誅鋤兄弟，子孫滅絕，今復為爾宋祚其得久乎？宋主慮有變，力疾乘輿出，端門休仁死，乃入下詔，稱休仁謀反，懼罪引決。降為始安縣王，聽其子伯融襲封。宋主與休仁素厚，雖殺之，每謂人曰：我與建安年時相鄰，少更款狎，艱難之中，勲誠實重，事計交切，不得不除痛。

**集覽** 晉平刺王，晉漢書音義曰：刺來葛反，戾也。謚法暴戾無親曰刺，力疾注見晉穆帝永和五年。引決，引長也。決，通作訣，別也。長別之義，或曰猶言自

裁謂裁決生死也。

**質實** 晏駕，注見漢安帝延安四年。始



安縣注見晉成  
帝咸和四年

### 宋以袁粲為尚書令褚淵為僕射

初宋主在藩與褚淵相善既即位深委仗之及寢疾淵

守其側急召入見宋主流涕曰吾近危篤故召卿著黃

不可宋主怒曰卿癡人不足與計事淵懼而從命

黃襪襪音力賀反婦人所著之衣也宋主

### 秋七月宋主殺其弟巴陵王休若以桂陽王休範為江州

### 刺史

休若至京口聞建安王死益懼宋主以休若和厚能得

物情恐其將來傾奪幼主欲遣使殺之慮不奉詔乃手

書召之使赴七月七日宴及至賜死而以桂陽王休範

刺江州時宋主諸弟俱盡唯休範以人材凡劣不見忌

故得全沈約曰太祖之於義康以阿訓之微行成戒親

之大禍開端樹隙垂之後人太宗因易隙之情據已行

之典翦落洪枝不待顧慮既而幼主孤立神器傾移履

霜堅水其所由來遠矣裴子野曰太宗保字螟蛉刺拉

同氣既迷在原之天屬未識父子之自然宋德告終非

天廢也夫危亡之君未嘗不先棄本枝姬煦旁孽推誠

雙狎疾惡父兄前乘覆車後來併轡借使叔仲有國猶

不失配天而他人入室將七廟絕祀曾莫懷其心楡

落晉武背文明之託而覆中州者賈后太祖棄初寧之

**集覽**

阿訓之微行行下孟反事在文帝元嘉十七

先以宮人賜李道兒已復迎還而生豈是為後廢帝故

云螟蛉也詩小宛篇螟蛉有子螺贏負之文公傳曰螟

蛉桑上青蟲也似步屈螺贏土蜂也取桑蟲負之入木

空中七日而化為其子揚子曰螟蛉之子殪而逢螺贏

祝之曰類我類我久則肖矣迷在原之天屬謂迷失兄

也飛則鳴行則搖不能自舍耳急難言兄弟之相救於

急難箋云雖渠水鳥而今在原失其常處則飛則鳴求



其類天性也猶兄弟之於急難姬煦旁孽姬煦注見晉  
康帝建元元年旁孽旁枝庶孽也庶孽注見漢景帝三  
年七廟記王制篇天子七廟謂三昭三穆與太祖之廟  
而七鄭玄曰此周制也七者太祖及文王武王與親廟  
四公羊傳成六年注廟之言貌也宗廟者先祖之尊貌  
也王立七廟一壇一墀曰考廟曰王考廟曰皇考廟曰  
顯考廟曰祖考廟皆月祭之注王皇皆君也顯明也祖  
始也名先人以君明始者所以尊本之意也晉武背文  
明之託而覆中州者賈后晉文帝臨終為武帝叙西漢  
淮南厲王及三國魏陳思王故事而泣又執齊王攸手  
以授武帝太后臨終亦流涕謂武帝曰挑符性急而汝  
不慈恐不能相容以是屬汝勿忘我言挑符齊王攸小  
字也後中書監荀勗等疾攸構於武帝之前攸知之憤  
怨嘔血而死賈后惠帝皇后也右性酷虐嘗手殺人弒  
皇太后揚氏殺皇太子逼致趙王倫率兵入宮廢殺賈  
后而自稱皇帝遷惠帝于金墉太祖棄初寧之誓而登  
合殿者元凶宋太祖文皇帝就其姊會稽公主宴主起  
再拜悲泣曰車子歲暮必不為陛下所容今特請其命  
文帝詰蔣山曰若遠今誓便是負初寧陵初寧陵武帝  
陵墓也車子義康小字也後江夏王義恭奏義康有怨

言被殺元凶謂太子劭也劭引張超之等馳入質實  
殿閣弒文帝於合殿友于兄弟善於兄弟為友  
郡名注見晉孝武帝太元十五年

**發明** 湘東始以寬和得譽身罹子業之禍得脫僅若  
毫芒既更子勛之變於是盡殺其猶子亦可已  
矣今乃復殺諸弟何邪唐虞明德不曰親睦九族則  
曰厚叙九族周家內睦九族並建蕃屏卜世三百年

過其歷宋主或欲為後嗣計及乃盡剪其枝葉然而  
忌道成而不能去他日移國固非失於友于之愛也  
綱目備而書之休祐休仁休若之死一則曰宋主殺  
其弟二則曰宋主殺其弟大書特書不一而足其惡  
不可勝貶後嗣絕滅宜哉

### 宋主殺其豫州都督吳喜

初吳喜之討會稽也言於宋主曰得諸賊帥皆即戮之  
既而生送子房釋顧琛等宋主以新立功不問而心銜  
之至是以其多計數得人情恐其不能事幼主乃召入  
賜死又詔劉劭等曰喜輕狡萬端苟取物情非忘其功

通鑑綱目卷之二十一 宋明皇帝 泰始七年



勞不得已耳

**書法**

明帝之篇非殺其親戚不斥書主據秦豫元年王景文止書宋殺此其斥宋主何誅心也先是喜討會稽生送子房宋主銜之至是見殺殺吳喜之心即殺子房之心也綱目誅心故以殺親戚例書之

其旨深矣

**宋以蕭道成為散騎常侍**

道成被徵所親以朝廷方誅大臣多勸勿行道成曰諸卿殊不見事主上自以太子推弱剪除諸弟何預他人

今唯應速發不且見疑且骨肉相殘自非靈長之祚禍難將興方與卿等戮力耳既至拜散騎常侍

**戮力**左傳戮力一心注戮力併力也戮字本作勦

**八月魏主弘傳位於太子宏自稱太上皇帝**

魏主聰睿風成剛毅有斷而好黃老浮屠之學常有遺世之心以叔父京兆王子推沈雅仁厚欲禪以位乃會

公卿大議皆莫敢言子推兄任城王子雲對曰陛下方隆太平臨四海豈得上遺宗廟下棄兆民必欲遺棄庶

務則皇太子宜承正統夫天下者祖宗之天下若更授旁支恐非先聖之意啓姦亂之心不可不慎也太尉源

賀尚書陸馥皆附子雲議魏主怒變色中書令高允曰臣不敢多言願陛下上思宗廟託付之重追念周公抱

成王之事魏主乃曰然則立太子群公輔之又曰陸馥直臣必能保吾子以為太保與源賀持節奉璽綬傳位

於太子宏時宏生五年矣有至性前年魏主病癰親吮之及是悲泣不自勝魏主問其故對曰代親之感內切

於心宏即位群臣奏曰漢高祖稱皇帝而尊其父為太上皇明不統天下也今皇帝幼冲萬機大政陛下猶宜

總之謹上尊號曰太上皇帝從之從居北苑崇光宮采椽土階國大事乃以聞又進鹿野浮屠圖於苑中與禪僧

居之**集覽**黃老浮屠之學黃老黃帝老子也浮屠釋氏也

史記黃帝者有熊國君少典之子也姓公孫名

曰軒轅老子姓李名耳字伯陽謚曰聃周守藏室之史也韓非傳歸本於黃老索隱注黃老之法清簡無為君

臣自正浮屠通作浮屠釋典云僧曰浮屠皆塔亦曰浮屠魏志云浮屠正號曰佛陀佛陀與浮屠聲相近皆西方



字其來轉為二音也又釋氏要覽曰梵語佛陀或云浮屠或曰部多或云毋馱或云沒陀皆是五天竺語楚夏並釋之為淨覺今畧稱佛也采掾士階史記太史公自序曰堯舜堂高三尺土階三等茅茨不剪采掾不斲注索隱曰此是韓子之文章昭曰采掾櫟椽也正義曰采掾採取為掾不刮削也采通作採前書相如傳採掾不斲注採木也浮圖此謂塔也梵語浮圖華言釋之曰聚相尊洪字苑曰佛龕也唐玄宗開元十一年任城郡名注見漢明帝永平十四年周公抱成王之事史記周武王崩成王立周公居冢宰以王年幼恐天下叛乃攝行政代王當國南面負宸以朝諸侯重綬注見漢光武建武三年漢高祖稱皇帝而尊其父為太上皇事在漢高帝六年

**書法** 賀善贊曰前此有尊其父為太上皇者明不統天下也今魏傳位於其子稱太上皇帝者猶終乎萬幾也

**發明** 大位大姦之招也古人競競業業一日萬幾豈固厭逸樂而好勤勞哉所居天位所治天職祖

宗基業之付託海宇民物之歸仰宵衣旰食猶懼弗勝烏有尊居人上而厭棄塵勞者哉必若清虛恬淡母亦擇賢而用委任責成總其大綱猶或庶幾况嗣子方穉乃欲委而去之何耶綱目書魏主傳位太子自稱太上皇帝以見其斷出於己固非他人使之異時鳩毒潛行其身不保亦以大權去手莫能致詰故爾尚誰咎哉雖然魏主屏去聲色超然物外其與奢侈縱慾相去何止什百然而不享喬松之壽反貽覆身之禍然則浮屠黃老之李果何益哉噫

### 冬十月魏敕勒叛討破之

魏沃野統萬二鎮敕勒叛遣太尉源賀討之皆降追擊餘黨俘獲甚衆詔賀督三道諸軍屯漠南先是每歲秋冬發軍三道並出以備柔然春中乃罷賀以為往來疲勞不可支久請募諸州鎮武健者三萬人築三城以處之使三時務農質實沃野鎮名未詳處所統萬鎮名注冬則講武不從質實見晉安帝義熙九年漠南注見漢獻帝建安二十五年沙漠



宋人侵魏魏人擊却之

宋主命琅邪蘭陵太守垣崇祖經畧淮北崇祖自郁

州將數百人入魏境七百里據蒙山魏人擊却之

實琅邪郡名注見文帝元嘉七年郁洲注見晉安帝隆

安五年一統志云蒙山在兗州府費縣西北七十里

書蒙羽其藝詩奄有龜蒙即此處又以其居魯地之東

一名東山孟子所謂孔子登東山而小魯是也垣崇祖

洛陽垣道人護之姪

宋作湘宮寺

宋主以故第為湘宮寺備極壯麗新安太守巢尚之罷

還宋主謂曰卿至湘宮寺未此是我大功德散騎侍郎

震慙侍側曰此皆百姓賣兒貼婦錢所為佛若有知當

慈悲嗟愍罪高浮圖何功德之有侍坐者皆失色宋主

怒使人驅下殿愿徐去無異容宋主基品甚拙而每與

第一品王抗對奕抗給曰皇帝飛基臣不能斷宋主終

不悟好之愈篤愿又曰堯以此教丹朱非人

主所宜好也宋主怒甚以其舊臣優容之

質實新安郡名

注見漢獻帝建安十三年新都虞愿餘姚人浮圖塔名

注見本年堯以此教丹朱博物志堯造圖基以教子丹

朱或云舜子商均愚故作圖基以教之其法非智者不能也

書法前書立佛精舍矣未有書作寺者書作寺始此

六精舍不與焉

年唐書章敬代宗大曆二年書八寺武宗會昌六年

閩書白龍五代丁酉年不可勝書矣終綱目書作寺

發明作善降之百祥作不善降之百殃積善之家必

支淫刑濫殺猜忌忍虐人不自保內則淫汗肆慾外

則極侈窮奢嬖倖縱橫殘民蠹國其不善之積如此

方且大營梵宇自謂福田然不閱歲而告殞勦滅無

餘向之所謂大功德者果安在哉君子觀綱目書宋

子壬

宋泰豫元年春正月宋蠻酋桓誕以沔北降魏

魏延興二年



通鑑綱目卷之二十一 魏齊文 延興二年 三十一

太陽蠻酋桓誕擁沔北八萬餘落降魏自云桓玄之子

魏以為東荆州刺史使起部郎韋珍與誕安集新民區

處諸事皆質實太陽蠻未詳處所唯永州府城西二百

得其所質實四十里有太陽山未知是否桓玄譙國

人晉安帝隆安三年元興元年入建康廢安帝為平

國王遷于潯陽自稱皇帝國號楚改元永始次年寧州

都督馮延擊誅之沔北注見漢獻帝建安十三年

漢沔東荆州注見齊武帝永明五年泚陽

二月柔然侵魏魏擊走之○宋殺其揚州刺史江安侯王

景文

景文常以盛滿為憂屢辭位宋主不許詔報曰人居貴

要但問心若為耳大明之世巢徐二戴位不過執戟而

權抗人主今袁粲為令僕領選而人往往不知有粲以

此居貴要當有致亂競否夫有心於避禍不若無心於

任運存亡之要巨細一揆耳至是慮宴駕後皇后臨朝

景文或有異圖遣使齎手敕并藥賜死景文正與客棊

叩函看已復置局下神色不變局竟欵子納奩畢徐曰

奉敕見賜以死方以敕示客中直兵焦度怒曰大丈夫

安能坐受死州中文武數百足以一奮景文曰知卿至

心若見念者為我百口計乃作墨啓致謝飲藥而卒謚

曰懿侯宋主又嘗夢有人告曰豫章集覽大明孝武帝

太守劉惔反既寤遣人就即殺之江安縣名注見漢獻帝建

### 夏四月宋主或殂太子昱立

宋主病篤以桂陽王休範為司空褚淵為護軍將軍劉

劭為右僕射與尚書令袁粲荆州刺史蔡興宗郢州刺

史沈攸之並受顧命淵素與蕭道成善薦之詔以為右

衛將軍共掌機事宋主遂殂太子昱即位生十年矣粲

**發明**考之分注景文處死不乱如此若界以託孤之

爵可哀也

**質實**見漢後

**質實**見漢後

**質實**見漢後

**質實**見漢後

**質實**見漢後



主建興七年武昌

**書法**

明帝之初綱目書宋立與其立也即位以來書殺者八而子勛之外殺兄殺弟殺其兄之子斥

書宋主者并吳喜而六再傳而亡宜矣

宋以安成王準為揚州刺史

準實挂陽王休範之子而太宗以為已子

**質實**

安成郡名注見泰始三年揚州注見漢獻帝興平二年金

陵挂陽郡名注見漢武帝元鼎五年

秋七月宋以沈攸之都督荆襄八州軍事

宋右將軍王道隆以蔡興宗彊直不欲使居上流以為中書監而以沈攸之代之興宗辭不拜道隆每詣興宗

躡履到前不敢就席良久去竟不呼坐攸之自以材畧過人陰畜異志擇郢州士馬器仗精者以自隨到官以

討蠻為名大發兵力部勒嚴整重賦歛以繕器甲舊應供臺者皆割留之羈留商旅蔽匿亡命所部逃亡窮追

必得而後止舉措專恣不復承用符敕朝廷疑而憚之為政刻暴或鞭撻士大夫然吏事精明人不敢欺盜賊

屏息外戶不閉

八月宋中書監樂安公蔡興宗卒

**質實**

樂安縣名注見漢靈帝中平二年蔡

興宗陳留考城人郭之子

謚曰宣穆

**書法**

中書監未拜則何以書子賢也故官稱其才則興宗以未拜而卒書中書監罰不當罪則楊惲

以已廢而殺書故平通侯漢宣帝五鳳四年皆綱目之特筆也宋魏至陳諸臣卒具官爵者十九人詳宋

辛酉年

冬十二月柔然侵魏魏擊走之○宋以劉秉為僕射

秉和弱無幹能以宗室清冷故表褚引之

**質實**

劉秉彭城人宋宗室表褚謂表察褚淵

通鑑綱目卷之二十七

宋明皇帝泰始元年



宋以阮佃夫為給事中

佃夫權任轉重欲用其所親為部表  
察等不同佃夫稱救施行衆不敢執

書法

再書宋何不使佃夫同於劉  
秉也綱目正邪之分嚴矣

魏制小祀勿用牲

魏有司奏諸祠祀一千七十五所歲用牲七萬五千五  
百上皇惡其多殺詔自今非天地宗廟社稷皆勿用牲  
薦以酒脯

癸丑

宋主昱元徽元年春正月魏詔守令勸農事除盜賊

魏詔守令勸課農事同部之內貧富相通家有兩牛通  
借無者縣令能靜一縣劫盜者兼治二縣即食其祿能  
靜二縣者兼治三縣三年遷為郡守郡守  
自二郡至三郡亦如之三年遷為刺史

二月宋以晉熙王燮為郢州刺史

宋桂陽王休範素凡訥少知解物情亦不向之故太宗  
之末得免於禍及是自謂尊親莫二應入為宰輔既不  
如志怨憤頗甚典籤許公與為之謀主令休範折節下  
士遠近赴之收養勇力繕治器械朝廷知之陰為之備  
會夏口關鎮以其地居尋陽上流欲使腹心居之乃以  
晉熙王燮為刺史而以王奐為長史行事燮始四歲宋  
主之弟也復恐其過尋陽為休範所留使自太泚徑  
去休範大怒密與公與謀襲建康奐景文之兄子也  
覽少知解句絕少不甚也知去聲心有  
所知也解胡買反曉了也奐音煥  
正誤少知解今  
質實典籤官名注見營陽王景平二年折節注見周赧  
王一年尋陽郡名注見晉明帝太寧三年夏口地  
名注見漢獻帝建安十三年晉熙郡名注見梁  
簡文帝太寶元年太泚疑是地名未詳處所

吐谷渾寇魏遣兵討降之考異

寇當作侵 ○魏以孔乘  
討當作擊

為崇聖大夫

乘孔子二十  
八世孫也  
質實孔乘魯  
國人

乘孔子二十  
八世孫也

質實

孔乘魯  
國人



秋七月魏制河南六州賦法質實

一統志云河南古豫州地漢置豫州刺史察奉

穎州河南等郡而不常所治東漢置司隸校尉治洛陽而別置豫州於譙郡唐於此置河南道開元中置都畿河南河北三道採訪處置使而都畿道治東都河南道治陳留河北道治魏郡宋都於汴置京東東西二路安撫使以開封河南守臣兼領元於此置河南江北等處行中書省河南江北道肅政廉訪司本朝置河南等處承宣布政使司領開封彰德衛輝懷慶河南南陽汝寧七府云

戶收絹一匹綿十斤租三十石

書法

譏重斂也於是戶收絹一匹綿十斤租三十石

冬十月武都王楊僧嗣卒弟文度立降魏

**考異**立當作嗣

尚書令袁粲以母喪去職

詔以衛軍將軍攝職粲辭

書法

未有書母喪去職者此其書何嘉守禮也於是矣故書嘉之然則劉湛嘗以母憂去則曷為不書湛

競者也其去不得已焉耳終綱目書以母喪去二是年袁粲唐憲宗元和二十一年王叔文

發明

母喪去職前此未有書者是時主少國疑姦雄伺隙粲躬受託孤之任所繫甚重其可拘常守

禮者哉持筆書之非美之也

十二月朔日食○柔然侵魏○魏州鎮十一水旱

宋元徽二年夏五月宋江州刺史桂陽王休範舉兵反攻

建康右衛將軍蕭道成擊斬之

休範反即衆二萬騎五百發尋陽以書與諸執政稱揚運長等益惑先帝使建安巴陵無罪被戮請誅之朝廷惶駭蕭道成曰昔上流謀逆皆因淹緩至敗休範必懲前失輕兵急下乘我無備今宜頓兵新亭白下堅守宮

甲寅



城東府石頭以待賊至千里孤軍復無委積求戰不得  
自然瓦解我請頓新亭以當其鋒破賊必矣袁粲聞難  
扶曳入殿內外戒嚴道成遂出屯新亭張永屯白石  
懷明戎石頭道成治壘未畢休範前軍已至新林捨舟  
步上遣其將丁文豪別趣臺城而自以大衆攻新亭道  
成拒戰移時外勢愈盛衆皆失色休範白服登城以數  
十人自衛拔尉黃回張敬兒謀詐降以取之乃出城放  
伏大呼稱降休範信之置於左右回目敬兒奪休範防  
身刀斬之持首歸新亭道成遣送詣臺道逢南軍送者  
棄首於水挺身得達唱云已平而無以為驗人莫之信  
休範將士亦不之知其將杜黑驪攻新亭甚急道成拒  
戰自瞞達旦矢石不息會丁文豪破臺軍進至朱雀街  
黑驪遂北趣之王道隆將羽林精兵在門內召劉劭於  
石頭劭至命撤街以折南軍之勢道隆怒曰賊至但當  
急擊寧可開街自弱邪劭不敢復言道隆趣劭進戰劭  
戰敗死黑驪等乘勝度淮道隆走還黑驪追殺之黃門  
侍郎王蘊重傷而踣或扶之以免於死中外大震白下  
石頭之衆皆潰先是月犯右執法太白犯上將或勸劉  
劭解職劭曰吾執心行已無愧幽明災眚之來避何可  
免劭晚年頗慕高尚立園宅名東山罷遣部曲蕭道成

謂曰將軍受顧命輔幼主而深尚從容廢省羽翼一朝  
事至悔可追乎劭不從而敗褚淵弟澄為撫軍長史開  
東府門納劭軍擁安成王準據東府中書舍人孫千齡  
休範已死稍欲退散許公與詐稱桂陽王在新亭士民  
惶惑詣壘投刺者以千數道成皆焚之登城謂曰劉休  
範已就戮屍在南崗下我乃蕭平南也諸君諦視之刺  
皆已焚勿懼也即遣陳顛達等將兵入衛袁粲慷慨謂  
諸將曰今寇賊已逼而衆情離沮孤子受先帝付託不  
能緩靖國家請與諸君同死杜稷被甲上馬將驅之於  
是顛達等引兵出戰大破黑驪平

**集覽** 宮城即臺城也  
三十年委積禮天官宰夫掌牢禮委積注委積謂牢米  
薪芻委於偽反積子賜反此二字相連皆同此音投刺  
書姓名於奏白曰刺音七賜反投刺所以通姓名而歸  
投也蘇氏鄉義曰凡見長者用名紙見敵者以下用刺  
字其文止曰某郡姓名

**質實** 新亭注見晉安帝元興元  
而巳有爵者并爵書之

始九年東府注見晉安帝元興元年石頭城名注見明帝泰  
獻帝建安十七年新林浦名注見文帝元嘉三年放仗

通鑑綱目卷之二十一

宋書卷之二十一



通鑑綱目卷二十七 魏晉文帝延興四年 三十五

注見晉安帝元興元年朱雀桁注見晉明帝太寧二年

太白星名注見晉明帝昇平元年一統志云東山在應

天府城東南三十一里一名土山晉謝安舊隱會稽東

山築此擬之常放情遊賞與從子玄園棊至夜始還即

此從容注見秦二世三年災青注見陳宣帝太建十一

年江州注見晉明帝太寧二年建康郡名注見漢獻帝

興平二年金陵

柔然遣使如宋○六月宋以蕭道成為中領軍

道成與袁粲褚淵劉秉更日入直決事號為四貴

宋荊州刺史沈攸之等攻江州克之考異據凡例當書蕭

攸之等攻江州平之 攸之謂僚佐曰桂陽必聲言我與之同

若不顛沛勤王必增朝野之感乃與徐郢湘雍同討尋

陽殺攸之而還 質實勤王注見漢獻帝建安元年

魏罷門房之誅 魏詔曰下民兇戾不顧親戚一人為惡殃及闔門朕為

民父母深所愍悼自今非謀反大逆外叛罪止其身於

是始罷門房之誅魏太上勤於為治賞罰嚴明慎擇牧

守進燕退貪諸曹疑事舊多奏決又口傳詔敕或致矯

擅至是命事無大小皆據律正名不得為疑奏合則制

可遠則彈詰盡用墨詔由是事皆精審尤重刑罰大刑

多令覆鞫或因繫積年群臣頗以為言太上曰滯獄誠

非善治不猶愈於倉猝而濫乎夫人幽苦則思善故智

者以因固為福堂朕特若之欲其改悔而矜恕爾由是

凶繫雖滯而所刑多得其宜又以赦令長姦故自延興

以後不集覽墨詔非口傳之詔覆鞫覆審也質實倉猝

復有赦圖獄名注見唐 代宗大曆十四年

秋七月柔然寇魏敦煌考異寇當作侵 柔然寇魏敦煌尉多疾擊破之尚書奏敦煌僻遠介居

二寇之間恐不能自固請徙之涼州群臣皆以為然給



事中華秀曰敦煌雖逼強寇然人習戰鬪足以自全而能隔關二虜使不得通今徙就涼州不唯有感國之名且姑臧去敦煌千餘里防邏甚難二虜交通騷動涼州則關中不得安枕又士民重遷或招外寇為國深患不可不慮也乃止

**集覽** 尉多疾尉姓也音紆勿

**正誤** 尉多疾今按疾字刊誤當

**質實** 敦煌郡名注見漢武帝元朔三年涼州注見漢中宗景龍二年韓秀昌黎人姑臧縣名注見漢光武建武十二年關中注見唐玄宗開元十一年京兆

九月宋以袁粲為中書監領司徒褚淵為尚書令劉秉為

冊陽尹

粲固辭求反居墓所不許淵以褚澄為吳郡司徒長史蕭惠明言於朝曰褚澄開門納賊更為股肱大郡王蘊力戰幾死棄而不收賞罰如此何憂不亂淵甚慙乃以蘊為湘州刺史

**質實** 褚澄陽翟人獻帝興平元年長沙

**書法** 去年書粲以母喪去職矣於是復用則其不書起復何予粲也粲以母喪去職以國難入赴於是又固求反墓不許而後受之可謂得進退之權矣故不書起復凡書起復譏也是故袁粲以國難不書是年杜暹以金華不書唐玄宗開元十二年

冬十一月宋主冠

初宋主昱在東宮時喜怒乖節太宗屢教陳太妃痛捶之及即位內畏太后太妃外憚諸大臣未敢縱逸自加元服內外稍無以制自以李道兒之子故每微行自稱李將軍常着小袴衫營署巷陌無不貫穿或夜宿客店或畫卧道傍排突廝養與之交易或遭慢辱悅而受之

**集覽** 李道兒之子明帝先李道兒已復迎還而生昱

**書法** 於是宋主年十有二自加元服益無所憚矣綱目書帝冠十有三詳漢惠帝四年莫長於漢昭帝莫少於宋主昱舍是無書帝冠者矣



魏建安王陸敵卒

諡曰貞

乙卯

宋元徽三年春三月宋以張敬兒都督雍梁二州軍事

敬兒請為雍州蕭道成以其人位俱輕不許敬兒曰沈攸之在荆州欲何所作不出敬兒以制之恐非公之利

也道成乃以敬兒鎮襄陽攸之恐其襲已陰為之備敬兒既至奉事攸之甚至攸之以為誠然敬兒由是得其

事迹皆密集覽襲已春秋傳例輕曰襲質實襄陽郡名

白道成集覽杜預曰掩其不備也

夏六月魏初禁殺牛馬○宋南徐州刺史建平王景素有

罪奪官

景素孝友清冷服用儉素好學禮士由是有美譽太宗特愛之時太祖諸子俱盡諸孫唯景素為長宋主凶狂

失德朝野皆屬心焉揚運長等欲專權勢不利立長君陰欲除之其腹心將佐多勸景素舉兵參軍江淹獨諫

之景素不悅人或告之運長等即欲發兵討之袁粲等以為不可景素亦遣世子請闕自陳乃奪景素征北將

軍開府儀集覽屬心屬之欲反傾繫質實江淹考城人

同三司州注見文帝元嘉三十年

丙辰

宋元徽四年夏六月魏太后馮氏弒其主弘復稱制

初魏尚書李敷李訢少相親善後訢為相州刺史受賂為人所告敷掩蔽之魏太上聞之檻車徵訢案驗當死

時敷弟奕得幸於馮太后太上意已疎之有司以中旨諷訢告敷兄弟陰事可以得免訢謂其婿裴攸曰吾與

敷族世雖遠恩踰同生情所不忍且吾安能知其陰事將若之何攸曰何為為人死也有馮闡者先為敷所敗

今詢其弟敷陰事可得也訢從之令范攄列敷事三十餘條有司以聞太上怒遂誅敷奕訢得減死論未幾復

為尚書馮太后由此怒太上至是密行鸞毒大赦改元復臨朝稱制以馮熙為太師中書監熙以外戚固辭乃

魏承明元年

元嘉三十年

江淹考城人



除洛州刺史顯祖村廟執事之官故事皆賜爵秘書令  
程駿言建侯裂地帝王所重或以親賢或因功伐皇家  
故事蓋一時之恩豈可為長世之法乎太后從之謂群  
臣曰凡議事當依古典正言豈得但脩故事而已太后  
性聰察知書計曉政事被服儉素膳羞減於故事什七  
八而猜忍多權數魏主宏性至孝能承顏順志事無大  
小皆仰成焉太后所幸宦者王琚符承祖等皆依勢用  
事官至僕射爵為王公賞賜巨萬太卜令王叡得幸於  
太后起遷尚書秘書令李冲雖以才進亦由私寵又外  
禮人望東陽王王游明根等每褒賞叡輩輒以丕等參  
之自以失行畏人議已群下語言小涉疑忌輒  
殺之寵臣小過皆捶或至百餘尋復待之如初  
**集覽** 初  
也音匹泐反**附廟**注見漢靈帝熹平元年配**膳羞**庖  
人和味必嘉善為膳致滋味為羞禮天官膳夫掌王之  
食飲膳羞注食飯也飲酒漿也膳牲肉  
**管實** 李敷趙郡  
也蓋有滋味者凡養生之具大畧有四  
之子**洛州**注見秦莊襄王元年三川  
**崔駿**曲周人**權數**謂權謀術數也  
**書法** 太后也書弒何君一而已自非大無道雖太后  
不免書弒所以明無二上之義也終綱目書

人行弒者六晉皇后賈氏張貴人魏太后馮氏太后  
胡氏再弒唐皇后韋氏太后臨朝書復稱者三  
魏馮氏梁乙巳年魏胡氏唐嗣聖三年武氏

**發明**

馮后母也亦書弒可乎人君居九五之尊為社稷

為毒則是絕滅正統得罪於祖宗村稷使魏國有人  
推求大行致疾之由告諸宗廟絕而廢之然後正其  
弒逆之罪肆諸市朝夫如是則天地神人之憤始紓  
而宗廟社稷之靈始安於其位矣昔魯哀姜預弒二  
君聖人皆以弒例書之若其去而不返所以深加貶  
絕夫豈以母故未減其罪哉唐武氏廢其所出之子  
君子猶欲數其罪於太廟賜之死而滅其家况君  
非已子而又親行鳩毒者乎以弒書之夫豈過哉

宋加蕭道成左僕射劉秉中書令○秋七月宋建平王景

素起兵京口不克而死

揚運長阮佃夫等忌建平王景素益甚景素乃與參軍  
殷瀾等謀為自全之計遣人往來建康要結才力之士

宋主景素之元



將軍黃回等皆與通謀至是羽林監垣祗祖帥數百人自建康奔京口云京師已亂勸令速入景素信之即據京口起兵楊阮遣將軍任農夫及黃回等將水軍以討之蕭道成知回有異志又令將軍李安民等與之偕回不得發遂拔京口擒景素斬之黨與皆伏誅

**質實**

羽林注見漢武帝元封二年京口郡名注見晉孝武

帝太元十五年京口注見周顯王二十五年

**書法**

景素往年謀反書有罪矣此其書起兵何罪昇也於是是立踰三年矣昏狂益甚唯揚阮是從

景素心存社稷則其起兵亦不得已耳故一景素也前書有罪今書起兵則以是之不能改決矣綱目不輕絕人於惡三年無改然後絕之忠厚之心也是故書有罪所以示為人臣者之義書起兵所以示為人

主者之戒

丁

宋順帝準昇明元年魏太和元年

**考異**

按宋蕭道成七月弒宋主昱立安成王準昇平元年此當分注宋元徽五年順

帝準昇明元年春正月魏畧陽氏作亂二月討平之

**考異**

討當擊

三月魏以東陽王丕為司徒

**質實**

東陽縣名注見營陽王昇平元年

秋

七月宋中領軍蕭道成弒其主昱而立安成王準自為司

空錄尚書事

宋主昱自京口既平驕恣尤甚無日不出從者並執鉞矛逢無免者民間擾懼行人殆絕鉞推鑿錐不離左右一日不殺則慘然不樂殿省憂惶食息不保阮佃夫等謀因其出執而廢之事覺被殺太后數訓戒昱昱欲酖之未果嘗直入領軍府道成書即裸袒昱令起立畫腹為的引滿將射之道成歛板曰老臣無罪乃更以鵝箭射中其臍投弓大笑道成憂懼密與袁粲褚淵謀廢立粲曰主上幼年微過易改伊霍之事非季世所行縱使功成亦終無全地淵默然功曹紀僧真言於道成曰今朝廷猖狂人不自保天下之望不在表楮明公豈得坐受夷滅道成然之或勸道成奔廣陵起兵青冀刺史劉善明曰宋主將亡愚智共知公神武高世唯當靜以待之因機奮發功業自定不可遠去根本自貽獨蹙道成乃止越郡校尉王敬則潛自結於道成道成命敬則陰



結昱左右楊王夫揚萬年陳奉伯等使伺機便至是昱  
乘露車與左右於臺岡賭跳仍往青園尼寺晚至新安  
寺偷狗飲酒醉還王夫萬年刻其首奉伯袖之稱教開  
門出與敬則敬則馳詣領軍府道成戎服乘馬而出敬  
則等從入宮殿中聞昱已死咸稱萬歲道成以太后令  
召諸大臣入議道成謂劉秉曰此使君家事何以斷之  
秉未答道成鬚盡張目光如電秉曰尚書衆事可以  
見付軍旅處分一委領軍道成讓袁粲粲不敢當王敬  
則拔刀跳躍曰天下事皆應關蕭公敢有開一言者血  
染敬則刀仍手取白紗帽加道成首令即位曰事須及  
無道成正色呵之楮淵曰非蕭公無以了此道成乃下  
議迎立安成王秉出逢從弟韞問曰事當歸兄邪曰已  
讓領軍矣韞拊膺曰兄肉中詎有血邪今年族矣遂以  
太后令數昱罪惡追廢為蒼梧王儀衛至東府門安成  
王令門者勿開以待袁司徒粲至乃入即位時年十一  
以道成為司空錄尚書事驃騎大將軍出鎮東府劉秉  
為尚書令袁粲鎮石頭秉始謂尚書萬機本以宗室居  
之則天下無變既而道成燕總軍國布置心膂與奪自  
專楮淵素相憑附秉粲閣手仰成矣粲性冲靜每有朝  
命常固辭不得已乃就職至是知蕭道成有不臣之志

陰欲圖之

**集覽**

短矛也矛建於兵車長二丈方言吳楚

間謂矛曰鈇鈇音箭平剝反骨鏃箭不能傷人伊霍伊

尹霍光也殷太甲既立不明伊尹放之桐宮後太甲悔

過又從而立之漢霍光立昌邑王賀賀行淫亂遂廢之

而立宣帝獨愛失脚魏史焯曰猖狂顛覆也露車車上

無覆質實伊霍之事詳見梁武帝太清三年廣陵郡名

蓋者質實注見漢武帝元朔五年淮南青冀二州名注

見秦二世二年却越郡未詳處所疑即越州注見漢和

帝末元元年會稽臺岡未詳處所或謂臺城注見文帝

元嘉三十年軍旅注見梁武帝中大通二年安成縣名  
注見文帝泰始三年蒼梧郡名注見漢武帝元鼎五年  
驃騎將軍注見晉  
安帝元興元年

**發明**

宋昱罪浮于桀群小伺間因而斃之乃歸獄道

成何耶大臣當國勿主昏狂竭股肱之力效忠

貞之節必不可輔則繼之以死爾若養成其惡從而  
殞之又因以為利則志在篡奪而已捨是將誰咎哉  
或者謂宋昱之惡與子業等何為彼以國書殊不知  
子業凶狂權出諸已諸王久在幽繫朝廷莫適為主



非有用事大臣足任其責也于時湘東繼統亦得於  
脫死之餘偶然之故非有異志知道成之比是以無  
所歸獄况楊玉夫密奉道成指授又與賈充唱謀成  
濟抽刀者不同司馬昭猶不能免道成何詞乎昔趙  
盾以亡不越境反不討賊之故躬受大惡之名今道  
成於玉夫輩不惟不能討又從而爵賞之罪益明矣  
若以飽箭之事謂道成亦迫於畏死則鉏麇之賊嗾  
犬之難春秋何不以是而怒看乎此綱目於宋昱子  
業之弑所以各異其書者固非厚於湘東而  
薄於道成亦各原其實而已爾觀者試思之

魏詔工商賤族有役者止本部丞○九月魏更定律令○

宋封楊玉夫等二十五人爵有差

**書法**

玉夫何行弑者也書封定策功若干人有之矣  
未有行弑而書封爵者也行弑者而顯封之至  
二卜五人天理  
滅矣書悲之也

○冬十月武都王楊文度襲魏仇池陷之

**考異**

陷當作破  
按征伐例

非正統相攻先  
發者不曰寇陷

**質實**

仇池縣名注見晉  
惠帝元康六年

○魏殺其徐州刺

史李訢

訢事顯祖為尚書信用范攄訢弟璞諫曰攄能降人以  
色假人以財輕德義而重勢利聽其言也其察其行也  
賊不早絕之後悔無及不從訢與尚書趙黑有隙發其  
罪黑坐黜為門士黑恨之寢食為之衰少踰年復入領  
選白馮太后稱訢專恣出為徐州攄曰太后怨訢乃告  
訢謀外叛太后徵至問狀引攄證之訢曰汝受我恩何  
忍誣我攄曰攄受公恩何如公於李敷公忍之於敷攄  
何為不忍於公訢慨然歎曰吾不用璞言悔之何及黑  
復於中構成其罪誅  
之然後寢食如故

**集覽**

何如公於李敷李訢  
之於李敷事在去年

**質實**

徐州

注見秦始皇二  
十八年彭城

**書法**

訢證人以自免小人也其書殺何殺之不以其  
罪也李敷之死太后嘗以此弑一君矣於是又  
殺訢焉以為太后  
之惡也故特書殺



十一月魏懷州亂討平之

魏懷州民伊初首作亂馮熙討滅之太后欲屠其城張

白澤諫曰凶渠逆黨盡已梟夷城中豈無忠良仁信之

士柰何不問白黑質實一統志云懷州古覃懷之地商

衛地後屬晉戰國時又為魏衛鄭三國地秦為三川河

南二郡地後魏置懷州兼置河內郡隋初郡罷州存大業

初廢州復置河內郡唐初置懷州治野王城天寶初改

宋荆襄都督沈攸之舉兵江陵討蕭道成

為河內郡乾元初復為懷州屬河北道宋屬河北西路

金改為南懷州又置沁南軍元初復為懷州改懷孟路

延祐中又改懷慶府隸河南道本

朝改為懷慶府隸河南道

初沈攸之與蕭道成同直殿省相善至是以道成名位

素出已下一旦專制朝權心不平謂元琰曰吾寧為王

陵死不為賈充生然亦未暇舉兵張敬兒與攸之司馬

劉攘兵善疑攸之將起事密問攘兵攘兵寄敬兒馬橙

一隻敬兒乃為之備攸之有素書十數行常韜在襜褕

角云是明帝與已約誓將舉兵其妾崔氏諫曰官年已

老邠不為百口計攸之指襜褕角示之於是勒兵殺檄

遣使邀張敬兒及諸州鎮同舉兵敬兒斬其使他鎮亦

懷兩端攸之遺道成書以為少帝昏狂宜與諸公密議  
共白太后下令廢之柰何交結左右親行弒逆移易朝  
舊布置親黨宮閣管籥悉關家人吾不知子孟孔明遺  
訓固如此乎足下既有賊來之心吾寧敢捐包胥之節  
朝廷及徵曠為左衛將軍曠乃薦司馬柳世隆自代謂  
曰攸之一旦為變焚夏口舟艦沿流而東不可制也若  
得攸之留攻郢城必未能猝接君為其內我為其外破  
之必矣及攸之起兵曠行至尋陽衆欲倍道趨建康曠  
曰尋陽地居中流密通畿甸留屯湓口內藩朝廷外援  
夏口保據形勝控制西南今日會此天所置也或以城  
小難固左中郎將周山圖曰今據中流為四方勢援不  
可以小事難之苟衆心齊一江山皆城隍也曠乃  
奉晉熙王燮鎮湓口道成聞之喜曰真我子也

集覽

寧為王陵死漢高后欲立諸呂為王以問陵陵曰高后  
刑白馬而盟曰非劉氏而王者天下共擊之於是高后



奪之相權陵遂謝病十年而薨不為賈充生三國魏司  
馬昭專權魏主高貴鄉公率宿衛誅之賈充入與魏主  
戰令成濟弒之馬橙橙丁鄧反馬鞍具也十數行顏師  
古曰十行詔書也襜褕音兩當衣名也博雅云襜褕謂  
之袒腹史炤通鑑釋文曰其一當背其一當背故名襜  
褕子孟孔明霍光字子孟漢武帝病篤遺詔光輔少主  
是為昭帝後昭帝崩立昌邑王既即位行淫亂遂廢之  
而立宣帝諸葛亮字孔明漢先主病篤召諸葛孔明屬  
以後事孔明曰臣竭股肱之力效忠貞之節繼之以死  
後主襲位孔明輔之包胥之節注見晉明帝太寧二年  
申胥實寧為王陵死事在漢高后元年不為賈充生事  
之節按申包胥楚人仕為大夫與伍員相友善平王殺  
員父奢兄尚員曰我必覆楚包胥曰我必存之及吳師  
伐楚入郢包胥乃入秦乞師救楚依庭墻而哭日夜不  
絕勺水不入口七日秦伯哀之乃出師至楚遂敗吳師  
楚王賞功逃之不受柳世隆襄陽人淦口注見晉安帝  
元興三年夏口注見漢獻帝建安十三年又武昌府城  
西黃鵠山下有夏口城乃吳主孫權所築對岸則入沔  
津故城以夏口為名至劉宋順帝時柳世隆等守之沈

攸之攻之不克梁末陳初周將史寧為土山長梯攻之  
不能破黃巢之亂止陷其外郭蓋其城依山負險周迴  
不過二三里乃知古人築城欲堅不欲廣也郢城在武  
昌府黃鵠山劉宋郢州治此梁武帝自襄陽起兵逼郢  
城見數百毛人踰堞且泣投黃鵠磯明旦城降子孟孔  
明子孟事在漢武帝後元元年及昭帝元平元年孔明  
事在漢昭帝  
章武一年

宋中書監袁粲尚書令劉秉謀誅蕭道成不克而死

湘州刺史王蘊與沈攸之深相結與袁粲劉秉密謀誅  
道成將帥黃回卜伯興等皆與通謀道成初聞攸之事  
起往詣粲粲辭不見通直即表達謂粲不宜示異同粲  
曰彼若以主幼時艱與桂陽時不異劫我入臺何辭拒  
之一朝同止欲異得乎道成乃召褚淵與之連席每事  
共之時劉韞為領軍將軍直入門下省卜伯興為直閣  
黃回等諸將皆出屯新亭初褚淵遭憂去職朝廷敦迫  
不起粲往譬說淵乃從及粲遭憂淵譬說懇至粲遂不  
起淵由是恨之至是淵謂道成曰西夏事必無成公當  
先備其內耳粲謀既定將以告淵衆謂不可粲曰淵與



彼雖善豈容大作同異乃以謀告淵淵即以告道成道  
成遣軍主蘇烈薛淵等助黎守石頭淵曰不審公能保  
表公共為一家否道成曰所以遣卿正為能盡臨事之  
宜使我無西顧之憂耳但努力無多言又以王敬則為  
直間與伯興共總禁兵黎謀矯太后令使韞伯興帥宿  
衛兵攻道成於朝堂回等帥所領為應劉秉等並赴石  
頭上期夜發秉恒擾不知所為瞞後即束裝盡室奔石  
頭黎驚曰何事遽來今敗矣道成聞之使王敬則殺韞  
及伯興蘇烈等據倉城拒黎王韞聞秉走歎曰事不成  
矣道成遣戴僧靜助烈等攻黎秉踰城走黎下城謂其  
子最曰木知一木不能止大厦之崩但以名義至此僧  
靜踰城獨進最以身衛黎僧靜直前斫之黎謂最曰我  
不失忠臣汝不失孝子遂父子俱死百姓哀之為之謠  
曰可憐石頭城寧為黎黎死不作褚淵生秉父子亦為  
追者所殺黃回遂不敢發黎簡淡平素無經世材好飲  
酒善吟諷身居劇任不肯當事主書每往諮決或高詠  
對之閑居高臥門無雜賓物情不接故及於敗裴子野  
曰袁景倩民望國華受付託之重智不足以除姦權不  
足以處變蕭條散落危而不扶及九鼎既輕三才將換  
區區斗城之裏出萬死而不辭蓋蹈匹夫之節而無棟

梁之集覽與桂陽時不異宋主昱元徽一年江州刺史  
其矣桂陽王休範舉兵攻建康一朝同句絕朝謂

朝廷也敦迫正誤連下文止字為句朝如今按一朝同當  
敦勸迫逼也

同慶袁黎言一旦與道成同慶行質實景倩表黎表字  
事後雖欲為異其可得乎集覽非

靚王五年三才張九韶曰浮而在上者謂之天凝而在  
下者謂之地命於其兩間者謂之人是謂之三才也

發明沈攸之衆潰無成袁黎謀泄不克是皆不足係  
討賊之責然綱目書舉兵書討書謀誅書不克

而死皆予之之詞者幸其僅能  
舉義不以成敗之故而畧之也

### 沈攸之攻郢城不克

攸之至夏口自恃兵彊有驕色主簿宗儼之勸攸之攻  
郢城功曹臧寅以郢城地險非旬日可拔若不時舉挫  
銳損威今順流長驅計日可捷既傾根本則郢城豈能  
自固攸之欲留偏師守郢城自將大衆東下柳世隆遣  
人批戰肆罵穢辱之攸之怒改計  
攻城世隆隨宜拒應攸之不能克  
質實王簿官名注見  
宋文帝元嘉九



年批戰注見  
漢王邦四年

### 宋以楊運長為宣城太守

揚運長出守宣城於是太宗嬖臣無在禁省者矣沈約曰夫人君南面九重與絕陪奉朝夕義隔卿士階闈之任宜有司存既而恩以狎生信由恩固無可憚之姿有易親之色孝建泰始主威獨運而刑政糾雜理難通耳目所寄事歸近習及覘歡慍候慘舒動中主情舉無謬旨人主謂其卑位薄權不得重會不知鼠憑社貴狐藉虎威外無逼主之嫌內有專用之效勢傾天下未之或悟及太宗晚運慮經盛衰權倖之徒惛憚宗戚欲使幼主孤立未竊國權構造同異興樹禍隙

**集覽** 孝建帝弟宗王相繼屠勦實作夙傾實由於此矣

靖王傳臣聞社鼯不灌屋鼠不燠何則所托者然也注鼯小鼠也以喻左右近習依憑天子之尊而人不敢攻也此亦投鼠忌器之說狐藉虎威楚宣王門群臣曰吾聞北方之民畏昭奚恤何如江乙對曰虎求百獸而食之得狐狐曰子無取我天帝令我長百獸子若食我是逆天命子以為不信我為子先子隨我後觀百獸見我能無走乎虎以為然隨狐而行百獸見皆走虎不知獸之畏已反以為畏狐也今王地方五十里帶甲百萬而任之於昭奚恤然北方非畏昭奚恤實畏王之甲兵也見春秋後語

**質實** 九重注見唐高祖武德九年

### 魏拔葭蘆斬楊文度以其弟文弘為武都王

**質實**

葭蘆城名注見

文帝元嘉二十年

### 宋蕭道成假黃鉞出頓新亭

道成謂參軍江淹曰天下紛紛君謂何如淹曰成敗在德不在衆寡公雄武有奇畧寬容而仁恕賢能畢力民望所歸奉天子以伐叛逆五勝也彼志銳而器小有威而無恩士卒解體搢紳不懷懸兵數千里而無同惡相濟五敗也雖豺狼十萬終為我獲必矣行南徐州事劉善明言於道成曰彼之包藏禍心於今十年性既險躁才非持重而起事累旬遲回不進一則暗於兵機二則人情離怨三則有掣肘之患四則天奪其魄本慮其割勇輕速掩襲未備決於一戰今六師齊奮諸侯同舉此籠中之鳥也

**集覽**

帝延熙二年



神注見漢武帝元朔元年注見漢靈帝建寧元年  
擧肘之患注見唐德宗興元元年  
天奪其魄左傳宣十  
五年原叔必有大咎天奪之魄矣注云心之精  
爽是謂魂魄言其不敬是乃天奪其精爽也

**質實**  
黃

注見漢後主  
建興六年

宋昇明二年春正月宋沈攸之軍潰走死蕭道成自為太

尉都督十六州諸軍事

攸之盡銳攻郢城柳世隆乘間屢破之攸之素失人情  
但劫以威力及城久不拔逃者稍多攸之日夕乘馬歷  
營撫慰而去者不息攸之大怒令軍中曰軍有叛者軍  
主任其罪於是咸有異計劉攘兵射書入城請降世隆  
納之攘兵燒營而去攸之軍遂大散諸將皆走臧寅曰  
幸其成而棄其敗吾不忍為也乃投水死散軍更相聚  
結可二萬人隨攸之還江陵張敬兒既斬攸之使者即  
勒兵偵攸之下遂襲江陵誅其子孫攸之將至聞敬兒  
已據城士卒皆散乃縊而死初荆州參軍邊榮為府司  
事所辱攸之為榮鞭殺錄事及敬兒將至榮為留府司

馬或說之降榮曰受沈公厚恩如此一朝緩急便易本  
心吾不能也城潰軍士執以見敬兒敬兒曰邊公何不  
早來榮曰沈公見留守城不忍委去本不祈生何須見  
問敬兒曰死何難得命斬之榮懼笑而去榮客程邕之  
抱榮曰與邊公周遊不忍見其死乞先見殺兵人以告  
敬兒曰求死甚易何為不許乃先殺邕之而後及榮軍  
人莫不垂泣蕭道成還鎮東府以其子贖為江州刺史  
疑為中領軍加道成太尉都督南徐等十六州諸軍事  
褚淵為中書監司空吏部郎王儉神彩淵曠好學博聞  
少有宰相之志道成以為長史待遇隆密事皆委之

**質實**

江陵縣名注見漢獻帝建安十三年王儉臨沂人僧緯之子

夏四月宋蕭道成殺南兖州刺史黃回

回不樂在郢州固求南兖遂帥部曲趣還因改授之蕭  
道成以回終為禍亂召入東府殺之以蕭映行南兖州

事

**質實**  
東府注見晉安帝元興元年

五月魏禁宗戚士族與非類昏偶以違制論○秋八月宋

宋靈顯自卷二十一 宋順皇帝昇明二年



禁公私奢侈

蕭道成以大明以來公私奢侈奏罷御府省二尚  
方彫飾器玩又奏禁民間華偽雜物凡十七條

質實

大明孝武帝年號

宋以蕭贖為領軍將軍蕭嶷為江州刺史

質實

江州注見漢武帝元

年鼎五 ○九月朔日食 ○宋蕭道成自為太傅揚州牧加殊

禮

蕭道成欲傾宋空夜召長史謝朓屏人與語久之朓無  
言道成慮朓難提燭小兒取燭遣出朓又無言道成乃  
呼左右朓莊之子也工儉知其旨他日請問言於道成  
曰功高不賞古今非一以公今日位地欲終北面可乎  
道成正色裁之而神彩內和儉因曰儉蒙公殊眚所以  
吐所難吐何陽拒之深也宋氏失德非公豈復寧濟但  
人情澆薄不能持久公若小復推遷則人望去矣豈惟  
大業未淪七尺亦不可得保道成曰卿言不無理儉曰

公今名位少是經常宰相宜絕禮群后微示變革然當  
先令褚公知之少日道成造褚淵欵言移晷乃曰我夢  
得官淵曰令授始爾恐一二年間未容便移道成還以  
告儉儉曰褚未達耳即倡議加道成太傅假黃鉞道成  
謂所親任選曰褚公不從奈何道成曰彥回借身保妻子  
非有奇才異節豈能制之淵果無慮異詔進道成假黃  
鉞大都督中外諸軍事太傅領揚州  
牧劔履上殿入朝不趨贊拜不名  
**集覽** 朓數尾反難  
防之意也時唯有一小兒秉燭侍旁道成慮朓難小兒  
之竊聽故不肯言絕禮群后諸王公也謂比群后  
儀禮殊絕出乎其類也彥回褚淵表字  
后注群后即侯牧也  
平二年金陵謝朓  
陽夏人萬之玄孫

冬十月宋以蕭映為南兖州刺史蕭晃為豫州刺史

質實

南兖州注見文帝元嘉三十年豫  
州注見齊主寶卷永元二年壽陽 ○十二月魏太后殺其

青州刺史南郡王李惠

通鑑綱目卷之二十一



惠李夫人之父也馮太后忌之証以南叛殺之太后以猜慈所夷滅者十餘家而惠所歷皆有善政魏人尤寃之惜

**書法**

殺李訢止書魏此其斥書太后何太后私也訢實小人但殺之不以其罪耳惠之所歷皆有善

政則賢也而徒以李夫人之父忌而殺之其私甚矣故斥書之

**發明**

前殺李訢亦馮氏也至是又殺李惠則其惡益肆矣故特書太后以惡之

**宋定音樂**

尚書令王僧虔奏朝廷以宮縣合和鞞拂節數雖會慮乖雅體今之清商實由銅爵中庸和雅莫近於斯而情

變聽移亡者將半民間競造新聲煩淫無極宜命有司悉加補綴從之

**集覽**

以宮縣合和鞞拂縣與懸

通縣樂器鐘磬之屬也天子宮縣謂四面皆縣如宮之有墻也合音閤和去聲聲相應也鞞駢迷反釋名曰鞞

禪也鞞助鼓節也呂氏春秋曰鞞拂今人作鞞鼓之樂也

**魏以高允為中書監**

高允以老疾告歸鄉里尋復以安車徵至平城拜鎮軍大將軍中書監固辭不許詔乘車入殿朝賀不拜

**實**

安車注見漢武帝建元元年平城縣名注見漢高帝七年

宋昇明三年齊太祖高帝蕭道成建元元年魏泰和三年○是歲宋亡齊代

**考異**

提要分注無是歲宋亡齊

代六 春正月宋以蕭嶷為荊州刺史蕭贖為僕射○宋以

**謝朓為侍中**

太傅道成以朓有重名欲引參佐命以為左長史嘗與論魏晉故事因曰石苞不早勸晉文死方慟哭方之馮

異非知機也朓曰晉文世事魏室必將身終北面借使魏行唐虞故事亦當一讓彌高道成不悅以朓為侍中

更以王儉為左長史 **質實** 石苞不早勸晉文死方慟哭方之馮異

帝玄更始元年 非知機也 事在晉武帝泰始八年及漢

未已



**書法**

非問有事也再書宋以何殊之也殊肫於疑贖所以著其非黨也是故殊王龔於梁冀則再書以漢順帝永和元年殊佃夫於劉秉則再書宋壬子年殊謝帝建安元年殊仁贍於廷構則再書唐五代丁巳年綱目肫於疑贖則再書宋是年殊侯瑱於霸先則再書梁丙子年殊仁贍於廷構則再書唐五代丁巳年綱目

三月朔日食○宋蕭道成自為相國封齊公加九錫

**九錫**注見漢平

帝元始五年

以十郡為齊國官爵禮儀並做天朝

齊公道成殺宋臨川王綽

時揚運長為道成所殺綽義慶之子也以凌源令潘智與運長善遣人說之曰君先帝舊人身是宗室近屬如此形勢豈得久全若招合內外計多從者智以告道成道成殺之

**質實**

臨川郡名注見晉安帝隆安二

年凌源縣名未詳處所

**書法**

書宋臨川王何齊伉已甚也隱若一敵國矣綱目不繫齊於宋而書曰齊公某殺宋臨川王某使若齊人殺宋人云者所以深著其不臣也自是齊事書齊不復繫之宋矣

齊以王儉為僕射

宋司空褚淵引何魯自魏司徒為晉丞相故事求為齊官道成不許以王儉為僕射時年二十八

**質實**

何魯自魏司徒為晉丞相事在晉武帝泰始七年

**發明**

是時道成猶為宋氏之臣而綱目不繫之宋者著其權勢之盛已非宋氏之所得臣也夫以曹馬之篡猶遲之歷年之久至劉裕代晉亦必南征北伐有功而後取今道成代宋直以乘時攘竊近在旦夕之間其視曹馬輩益不及矣觀綱目之所書驗世道之消息亦徒以發君子之嘆而已於道成乎何誅

夏四月齊公道成進爵為王

**考證**進爵上當書自字



增封  
十郡

齊王道成殺宋武陵王贊

**質實**

武陵郡名注見漢光武建武二十四年○齊

王道成稱皇帝廢宋主為汝陰王徙之丹陽以褚淵為司

空

宋主下詔禪位於齊而不肯臨軒王敬則勒兵入迎太后懼自帥閣人索得之敬則啓譬令出宋主收淚謂曰欲見殺乎敬則曰出君別宮耳官先取司馬家亦如此宋主泣而彈指曰願後身世世勿復生天王家宮中皆哭宋主又拍敬則手曰必無過慮當餉輔國十萬錢是日百僚陪位侍中謝朓在直當解璽綬陽為不知曰有何公事傳詔云解璽綬授齊王朓曰齊自應有侍中乃引枕卧傳詔懼使朓稱疾朓曰我無疾何所道遂朝服步出乃以王儉為侍中解璽綬禮畢宋主出就東邸光祿大夫王琨在晉世已為郎中至是攀車慟哭曰人以壽為懼老臣以壽為戚既不能先驅螻蟻乃復頻見此事嗚咽不自勝百官兩涕司空褚淵等奉璽綬詣齊宮

勸進淵從弟焯謂淵子賁曰不知汝家司空將一家物與一家亦復何謂齊王即皇帝位奉宋主為汝陰王築宮丹陽置兵守衛以褚淵為司徒賀者滿座焯嘆曰彥回少立名行何意披猖至此門戶不幸乃復有今日之拜使彥回作中書郎而死不當為一名士邪名德不昌乃復有期頤之壽淵固辭不拜奉朝請裴顛上表數齊王過惡掛冠徑去齊主殺之太子順請殺謝朓齊主曰殺之遂成其名正應容之度外耳久之因事廢於家齊主問為政於參軍劉瓛對曰政在孝經凡宋氏所以亡陛下所以得者皆是也陛下若戒前車之失加以寬厚雖危可安循其覆轍雖安必危矣

**集覽**

陪位陪侍也爾雅釋言曰陪朝

也注陪位為朝在直句絕直謂當日侍直也賁音肥褚淵子披猖即披靡猖狂之謂也離騷經何桀紂之昌被

不帶貌言桀紂之亂若披衣不帶者期頤之壽記曲禮

百年曰期頤注期猶要也願養也不知衣**正誤**褚淵子服食味孝子要盡孝道而已瓛胡官反賁今按

南史賁字蔚先當音秘易曰賁飾也文飾之義又革卦其文蔚也或曰賁弟名慕乃桃葉詩其葉慕慕之慕則



賁當與有黃其實文黃通音墳唯地  
名人姓則有音肥者與蔚先無義  
年勸進注見晉元年建武元年  
興平二年金陵汝陰縣名注見齊主寶卷求元二年奉

朝請注見漢哀帝元壽元年  
劉瓛沛郡相人琰六世孫

**書法** 淵自宋為司空矣於是齊主以為司徒不拜不  
書書齊以為司空何淵宋臣也而心乎齊既仍

舊位則雖謂齊以之可也上書齊王道成稱皇帝下  
書以淵為司空則淵之為齊佐命可見矣綱目不書

不拜所以誅其求名之私書以  
為司空所以彰其欲蓋之迹

**發明** 上書齊王稱帝廢主下書以褚淵為司空則是  
淵為佐命之臣明矣考之綱目曹馬劉宋更代

之際非無翼贊之人然皆不書于冊而此獨書褚淵  
者彼皆其本國之黨平時相與為篡竊之計但知助

桀不顧吠堯者也至褚淵則以前朝顧命大臣躬受  
託孤之任乃反賣國於人則其罪可勝誅哉昔晉荀

息受獻公之託輔奚齊卓子不克而死故春秋書及  
其大夫以予之今淵輔佐幼君君弒不能死又挈國

與人綱目不此之誅尚誰誅耶淵在宋朝固已久居  
大位蓋自泰始二年書淵為吏部尚書七年書淵為

僕射是時宋主流涕付淵後事越明年而宋主殂淵  
與劉劭來聚蔡興宗沈攸之並受顧命既而道成弒

逆攸之聚皆以討賊不克而死淵乃醜然無耻手持  
璽綬勸進齊官篡事既成躬荷上公之寵鳴玉曳履

拜伏於篡君之前使淵稍有入心則宜於此焉變矣  
綱目特筆起義大書以淵為司空於篡國之下亦不

以淵固辭司徒而遂已所以誅亂臣討賊子深加貶  
絕為千萬世失節事賊賣國求利者之戒也書法如

此豈苟然哉故曰綱  
目修而亂臣賊子懼

齊主以其子嶷為揚州刺史  
**質實** 揚州注見漢獻帝  
興平二年金陵 ○齊

主令群臣言事

齊主命群臣各言得失淮南宣城太守劉善明請除宋  
氏大明泰始以來苛政以崇簡易交州險遠宋末政苛  
遂至怨叛今宜懷以恩德且彼土所出唯有珠寶實非  
聖朝所須之急討伐之事謂宜且停給事黃門郎崔祖



通鑑綱目卷之二十一 魏紀六 太和三年 五十二

思言人不學則不知道此悖逆禍亂所由生也今無員  
之官空受祿力宜開文武二學令限外官各從所樂依  
方習業廢惰者遣還故郡優殊者待以不次又今陛下  
雖躬履節儉而群下猶習侈靡宜褒進朝士之約素清  
脩者貶退其驕奢荒淫者則風俗可移矣宋元嘉之世  
事皆責成郡縣世祖徵求急速始遣臺使督之自是使  
者旁午公私勞擾聞喜公子良極陳其弊以為臺有求  
須但明下詔勅為之期會則人思自竭若若有稽違自依  
糾坐之科今雖臺使盈湊會取正屬所辦徒相疑憤反  
更淹懈宜悉停之負外散騎劉思效言宋自大明以來  
徵賦有加而天府尤貧小民殆無生意而貴族富室以  
侈麗相高乃至山澤之民不敢采食其水草今宜一新  
王度革正其失齊主皆加褒賞或付有司詳擇所宜  
奏行之尋詔二宮諸王悉不得營立屯邸封畧山湖  
**覽** 祿力猶言祿秩也記曲禮有宰食力注宰邑士也食  
力謂民之賦稅也聞喜子良之封邑注見晉孝武帝  
太元 **正誤** 祿力今按力猶陶潛為令送一力給其子之  
十年 **正誤** 力謂庶人以力沒於官如今之皂隸也集覽  
宋文帝元嘉元年臺官 **質實** 宣城郡名注見漢明帝永  
衆力下注力謂僕從也 平十三年丹陽大明泰始

**魏罷候官**  
大明孝武帝年號泰始明帝年號交州注見晉武帝太  
康元年交廣崔祖思東武城人琰七世孫元嘉文帝年  
號旁午注見晉 穆帝昇平二年

魏詔候官千數重罪受賦不列輕罪吹毛發舉宜悉罷  
之更置謹直者數百人使防邏街術執喧闐者而已自  
是吏民始 **集覽** 街術說文街四 **質實** 吹毛發舉應劭云  
安其業 **集覽** 街術說文街四 **質實** 吹毛發舉應劭云  
求疵注深求隱僻吹 **質實** 吹毛發舉應劭云  
開毛縫以求瑕疵

**齊褚淵王儉等進爵有差**

處士何點戲謂人曰我作齊書已竟其贊曰淵既世族  
儉亦國華不賴舅氏遑恤國家點尚之之孫也淵儉母  
皆宋公主 **質實** 處士注見周赧王  
故點云然 **質實** 元年何點潛人

**發明** 嗚呼春秋於篡逆之臣必誅絕其黨與所以孤  
亂賊之黨而絕其依附之心以垂世戒也褚淵

通鑑綱目卷之二十一 魏紀六 太和三年 五十二



王儉皆以公主子為宋大臣主弱國危不能扶持繼之以死可也顧以世臣之華胄王室之懿親受權奸一時嫗乳之恩忍將外王父之家國輸之堀起之人平日素所比肩者百拜稽首甘心以為之臣僕曾無愧耻之心嗚呼斯人也曾狗彘之不若哉

### 五月齊主道成弒汝陰王滅其族

或走馬過汝陰王之門衛士恐有為亂者犇入殺王以疾聞齊主賞之遂殺宋宗室無少長皆死劉澄之與褚淵善淵為之固請故

為豫章

**正誤**

考澄之父今按遵

**集覽**

乃澄之之祖父宋孝武帝時

**書法**

宋主裕殺零陵斥書劉齊主道成殺汝陰則曷為不書蕭非創也故畧之繼書滅其族何重罪

齊也廢興之際魏晉以來書之矣山陽陳留未書弒也至宋而零陵書弒焉未書滅其族也至齊而書滅其族焉宋罪首也齊則又甚矣終綱目書滅先代之族六齊啓之也是歲齊滅劉氏已卯年齊滅元氏丁

酉年周滅高氏辛丑年隋滅宇文氏丙戌年唐滅王衍族丙辰年南唐滅楊氏

**發明**

宋明剪除枝葉以安其子自以為社稷至計然肉未及寒嗣子殞陪宗族夷滅不善之積果可

掩哉然則道成無貶乎奪人之國而殄其祀其惡尚何待於貶絕而後見耶書弒汝陰王滅其族方之晉宋則愈蹙矣篡弒相尋世變日薄可哀也哉嗚呼為帝為王者皆起自匹夫一旦而居九重之尊享四海之富孰不欲傳之千萬世而無窮哉然而積德不宏貽謀不遠遂因而滅其先世自受姓以來千萬世之宗祀者亦有之矣方漢之衰也魏得之魏之衰也晉得之晉衰而宋得宋衰而齊得漢之山陽魏之陳留猶得終其天年宋於零陵直殺之而已然猶有遺種焉至於齊乃掩汝陰之族類而滅之嗚呼漢得天則弒君矣故其後也以善故獻帝雖廢猶得善終晉之人也至於宋則既受其禪又弒其人此其所以得族滅之報也歟

### 齊以垣崇祖為豫州刺史



齊主謂崇祖曰吾新得天下索虜必以納劉昶為  
辭侵犯邊鄙壽陽當虜衝非卿無以制故有是命  
壽陽縣名注見齊  
主寶卷末元二年

魏葭蘆鎮主楊廣香降齊○齊立世子贖為太子諸子皆

封王考異 提要作齊主  
立其世子

發明 道成篡人之國而赤其族於其諸子則皆封之  
胡不推已之心以及人乎然未幾西昌勦絕道  
成之種亦無復子遺者是豈果無天道耶綱目於此  
若無貶詞然上書滅汝陰王之族下書諸子皆封王  
則其殺人利  
已自可觀矣

○秋九月魏隴西王源賀卒 隴西郡名注見  
秦王政三年

宣 謚曰

冬十月齊以王玄邈為梁州刺史

初晉壽民李烏奴與白水氏寇梁州刺史范柏年說降  
之及朝廷遣王玄邈代柏年詔與烏奴俱下烏奴勸柏  
年不受代柏年計未決左衛帥胡諧之嘗就柏年求馬  
不得諧於齊主曰柏年欲據梁州齊主使南郡王長懋  
誘柏年殺之烏奴叛引兵為寇玄邈誘擊破之初玄  
邈為青州刺史齊主在淮陰為宋太宗所疑欲北附魏  
遣書結玄邈玄邈長史房叔安曰將軍居方州之重無  
故舉思孝而棄之三齊之士寧蹈東海而死耳不敢隨  
將軍也玄邈乃不答書及罷州還至淮陰嚴軍直過至  
建康啓太宗稱道成有異志及齊主為驃騎引為司馬  
玄邈甚懼齊主待之如初賞叔安忠正欲用為梁州會病卒

集覽 寧蹈東海而死戰  
國趙策齊人魯仲

連遊於趙聞魏使新垣衍勸趙尊秦為帝於是連見衍  
曰彼秦者棄禮義而上首功之國也彼即肆然為帝則  
連有赴東海而死耳

質實 晉壽縣名注見晉穆帝升平二年白水  
氏注見文帝元嘉十九年胡諧之豫章

之三齊一說臨晉博陽即墨亦謂之三齊  
人三齊之士張九韶曰東齊濟北膠東是謂

魏遣梁郡王嘉奉丹陽劉昶以伐齊

宋順皇帝 魏明 三



魏遣將奉和伐齊許和以克  
復舊業世昨江南稱藩于魏  
梁郡城乃後魏爾朱  
榮所築未知是否

**書法** 魏師南向未有書伐者此其書伐何惡齊也齊  
滅劉氏而篡其位和劉宗也綱目書曰奉冊陽

王劉和其予  
魏以義舉矣

### 魏使高允議定律令

是歲魏詔中書監高允議定律令允雖篤老志識不衰  
詔以允家貧養薄令樂部十人五日一詣允以娛其志  
朝晡給膳朔望致牛酒月給衣服綿絹入見備几杖問以政治

### 契丹入附于魏

**集覽** 契丹北狄種名注見  
晉安帝義熙二年

契丹莫賀弗勿于帥部落萬餘口入附于魏居白狼水東  
**質實** 白狼水注見漢獻

**書法** 契丹始見綱目

申庚

### 齊建元二年春二月魏師攻齊壽陽不克而還

魏太和四年春二月魏師攻齊壽陽不克而還  
魏梁郡王嘉與劉和攻壽陽將戰和四向拜將士流涕  
縱橫曰願同戮力以雪讐耻魏步騎號二十萬豫州刺史垣崇祖欲治外城堰肥水以自固文武皆曰昔佛狸入寇城中士卒數倍猶以郭大難守退保內城且自有肥水未嘗堰也恐勞而無益崇祖曰若棄外城虜必據之外修樓櫓內築長圍則坐成擒矣守郭築堰是吾不諫之策也乃於城西北堰肥水堰北築小城周為深塹使數千人守之曰虜見城小以為一舉可取必悉力攻之以謀破堰吾縱水衝之皆為流屍矣魏人果攻小城崇祖著白紗帽肩輿上城決堰下水魏人馬溺死以千數魏師退走

**集覽** 佛狸魏太

**質實** 肥水注見齊主

### 齊檢定民籍

宋自孝建以來政綱弛系簿籍訛謬至是詔黃門郎虞  
阮之等更加檢定阮之上表以為元嘉中故光祿大夫  
傅隆年出七十猶手自書籍躬加隱校今欲求治取正  
必在勤明令長愚謂宜以元嘉二十七年籍為正更立

通鑑綱目卷二十七

齊高皇帝建元二年

五十五



名科一聽首悔迷而不返依制  
必戮若有虛昧州縣同科從之  
也校檢

**集覽**

隱校隱於新反校  
居效及說文隱審

齊置巴州

**質實** 巴州注見漢獻帝  
建安十九年巴東

齊以群蠻數為叛亂分荆益置巴州以鎮之是時  
齊境有州二十三郡三百九十縣千四百八十五

齊以蕭鸞為郢州刺史

西昌侯鸞齊主兄道生之子  
也早孤齊主養之恩過諸子

**質實**

郢州注見漢後主建  
興七年武昌西昌縣

名注見梁武帝  
天監四年

夏五月齊立建康都墻

自晉以來建康外城唯設竹籬而有六門至是改立都  
墻齊主又以建康居民舛雜多姦盜欲立符伍以相檢  
括王儉諫曰京師之地四方輻湊若必持符則事  
煩而理不曠謝安所謂不爾何以為京師也乃止

**集覽**

符伍符信也出入國門及往來於  
關以取信焉伍謂五五相保也

**質實**

建康郡名注見  
漢獻帝興平一

年金陵京師注見  
周烈王二十五年

秋齊甬城汝南降魏

**質實**

甬城未詳處所汝南郡名  
注見漢光武建武十九年

**書法**

不書叛何齊篡魏道也是故甬城汝南  
不書叛南陽不書叛綱目之惡齊甚矣

○九月朔日食○柔然遣使如齊

**質實**

柔然北狄國名注  
見晉孝武帝太元

○魏攻朐山齊人擊敗之

魏梁郡王嘉園朐山戍主玄元度嬰城固守大破魏師  
嘉遣崔靈建等將萬餘人自淮入海夜至各舉兩炬魏  
師望見嬰城高誘曰嬰猶蒙  
也謂環兵以堅守也

**集覽**

朐山縣名注見  
秦二世二年朐

**質實**

秦二世二年朐

冬十月齊以何戢為吏部尚書

齊主以戢資重欲加常侍褚淵曰聖旨每以蟬冕不宜  
過多臣與儉已左理若復加戢則入座遂有三貂帖以



魏徐兖州民作亂遣兵討之  
**集覽** 謂王儉也。珥音餌，挿也。樹於後曰儉。

珥胡廣曰：趙武靈王改胡服以金璫飾冠，前搖貂尾為貴。職後代效之，其冠文細如蟬翼，名曰惠文。漢曰武弁，一名大冠。諸武官冠之，侍中、中常侍、挿右、其貂用赤黑，色者文貂尾為飾。侍中挿左，中常侍挿右。

**驍游** 游猶流也。謂流輩也。游或作游，誤。  
**正誤** 驍游，今按沈約云：驍騎將軍游擊將軍。晉以領驍左右驍

游為六軍。**質實** 八座注見晉武帝太康四年。注見漢宣帝神爵元年。

### 魏徐兖州民作亂遣兵討之

淮北四州民不樂屬魏，常思歸江南。齊主多遣間諜誘之，於是徐兖之民所在蠶起，聚保五固。推司馬朗之為主，魏遣尉元薛彪子等討之。

**集覽** 五固地名。**質實** 間諜，注見陳後主禎明元年。陳諜徐兖二州名。

徐注見秦始皇二十八年，彭城兖注見漢獻帝興平二年。薛彪子代人。

**書法**

於是淮北四州不樂屬魏，思歸江南，則反。正也。以作亂書何惡齊也，故魏得書討。

### 十一月齊制病囚診治之法

丹陽尹王僧虔上言：郡縣獄相承，有上湯殺囚名，為救疾實行，寬暴愚謂囚病必先刺，郡求職司與醫對診，遠

縣家人省視，然後處治，從之。  
**集覽** 刺，郡刺猶移也。  
**質實** 丹陽郡名，注見漢獻帝興平二年。

**書法**

漢宣之篇書詔上繫囚掠笞，瘦死者矣。地節四年，於是復書齊制病囚診治之法，亦可謂能慎

獄矣。綱目雖惡齊小善必錄焉。

### 齊以楊後起為武都王

**質實** 武都郡名，注見漢武帝元鼎六年。

後起難當之孫也。

### 十二月齊以褚淵為司徒

淵入朝，以腰扇障日，征虜功曹劉祥曰：「作如此舉，止羞面見人。」扇障何益？淵曰：「寒士不遜，祥曰：不能殺袁劉安。」



得免寒士祥好文章性剛疎撰宋書譏片禪代王儉以  
聞徒廣州卒太子宴朝臣右衛率沈文季與淵語相失  
文季怒曰淵自謂忠臣不知死之日何

**質實**

袁劉謂袁  
粲劉秉也

廣州注見秦始皇三十三年南  
海沈文季武康人慶之子

魏封尚書令王叡為中山王

**考異**

提要無尚書令三字  
三年書王叡卒同

叡既進爵置王官二十二人  
皆當時名士又拜叡妻為妃

**質實**

中山郡名注見周  
威烈王二十三年

**酉辛**

齊建元三年春正月魏人圍甬城齊擊敗之

魏人侵齊淮陽圍軍主成買於甬城齊遣將軍李安民  
周盤龍等救之買力戰而死盤龍子奉叔以二百人陷

陳深入魏以萬餘騎張左右翼圍之盤龍馳馬奮稍直  
突魏陳所向披靡奉叔已出復入求盤龍父子兩騎縈

擾魏數萬之衆莫  
敢當者魏師敗退

**質實**

一統志云淮陽郡名晉義熙中  
所置後廢之故城在鳳陽府泗

州故徐城東北一百五十里李安民蘭陵人周  
盤龍同上郡人披靡注見唐肅宗寶應元年

二月齊敗魏師于淮陽○魏沙門法秀作亂伏誅

法秀以妖術惑衆謀作亂於平城收掩擒之加以籠頭  
鐵鎖無故自解魏人穿其頸骨祝之曰若果有神當令

穿肉不入遂穿以狗三日而死所連及百餘人皆以反  
法當族王叡請誅首惡宥其餘黨太后從之所免千餘

人

**質實**  
沙門僧名注見漢  
明帝永平八年

**書法**  
前書沙門曇標作亂矣於是再見沙門之亂綱  
目每謹書之所以為好異端者之戒也終綱目

沙門書謀反作亂  
三詳宋戊戌年

**發明**

是時南北俱尚浮屠而沙門謀反作亂者屢  
書于冊有國有家者猶欲敬奉其法可乎

齊罷南蠻校尉官

晉宋之際荆州刺史多不領南蠻校尉別以重人居之  
豫章王疑刺荆湘始頌之疑罷更以王奐為之奐辭曰

西土戎燼之後瘡毀難復今又割徹大府制置偏校不  
足助實交能相弊且資力既分職司增廣衆勞務倍文



紫滋煩國計非允遂羅之**質實**豫章郡名注見漢武帝元鼎五年荆湘二州名刑注見漢獻帝建安十三  
年南郡湘注同上  
興平元年長沙

### 夏五月鄧至羌入貢于魏

鄧至者羌之別種國於宕昌之南**質實**宕昌西羌種名注見宋文帝元嘉元年

### 魏尚書令王叡卒

叡疾病太后屢至其家及卒贈謚立廟文士作誄者百餘人及堊自稱姻舊縗經哭送者千餘人魏主以叡子

襲代為**集覽**續經注見梁元帝承聖三年

### 秋七月朔日食○齊遣使如魏

宋昇明中遣使者殷靈誕荀昭先如魏靈誕聞齊受禪謂魏典客曰宋魏通好憂患是同宋今滅亡魏不相救何用和親及劉昶南伐靈誕請為司馬不許魏宴群臣置齊使車僧朗於靈誕下僧朗不肯就席靈誕遂與忿

詈劉昶賂宋降人刺殺僧朗魏人厚送其喪并靈誕等南歸昭先白其語靈誕下獄死**質實**昇明

帝年號

### 九月魏徐兗州平以薛虎子為徐州刺史

魏尉元薛虎子克五固斬司馬朗之東南皆平以虎子為徐州刺史時州鎮戍兵資絹自隨不入公庫虎子表言國家欲取江東先須積穀彭城今在鎮之兵不減數萬資糧之絹人十二匹用度無準未及代下不免饑寒公私損費今徐州良田十餘萬頃水陸肥沃清汴通流足以溉灌若以兵絹市牛可得萬頭興置屯田一歲之中且給官食且耕且守不妨捍邊一年之收過於十倍之絹豐時之耕足充數載之食於後兵資皆貯公庫五稔之後穀帛俱溢非直戍卒豐飽亦有吞敵之勢魏主從之虎子為政有惠愛兵民懷之會沛郡下邳太守以賊汙為虎子所案告虎子與江南通魏主**質實**彭城郡曰虎子必不然推案果虛詔二人皆賜死  
秦始皇二十八年沛郡注見漢成帝河平二年下邳郡名注見漢高帝六年清汴二水名俱注見晉安帝義熙



年十二

吐谷渾王拾寅卒子度易侯立

**考異**

卒當作死

**考證**

立當作嗣

○魏

新律成

凡八百三十二章門房之誅十有六  
大辟二百三十五雜刑三百七十七

**質實**

大辟注見漢宣帝地節三

年大辟之計

**壬戌**

齊建元四年魏太和六年

春三月齊以張緒為國子祭酒

置學生二百人

齊主道成殂太子疇立

齊主召褚淵王儉受遺詔輔太子而殂太子即位○高帝沈深有大量博學能文性清儉主衣中有玉尊上曰留此正長病源即命擊碎仍檢按有何異物皆隨此例每日使我治天下十年當使黃金與土同價

**集覽**

主衣中有玉尊按漢武帝本紀帝起更衣衛子夫侍尚衣軒中得幸注尚主也主衣車中也此云主衣中或即此處尊并屬以玉為之齊高本紀作玉介尊按介與軒通噴也謂之介尊猶言冠簪也一日冠導晉時桓玄反兵敗馮遷抽刀前擊玄玄拔頭上玉尊與馮遷求免正長病源本作以長侈奢之源

**書法**

賀善贊曰齊主之初綱目大書拜官不聞有功也惟斬休範一事綱目以擊書之亦未嘗予以

義討也齊氏之初既非宋比矣弒立之後一書討蕭道成一書誅蕭道成四書自官書假黃鉞書進爵亦皆自假自進而巳其篡位也書廢書滅其族則又宋人之所未有者是故魏加兵江左未嘗書伐於齊而特書伐焉綱目之意可見矣

齊以褚淵錄尚書事王儉為尚書令王奐為僕射豫章王

疑為太尉○魏罷虎圈

魏主臨虎圈詔曰虎狼猛暴捕之傷人無益有損其勿捕貢

**質實**

虎圈注見漢文帝三年



夏六月齊立子長懋為太子 **考異** 提要作齊○秋齊南康

公褚淵卒 **質實** 南康郡名注見梁簡文帝太寶元年

淵卒世子貴耻其父失節服除遂不仕以爵讓其弟綦屏居墓下終身

**發明** 北面稱翊贊佐命以本朝輸人者有之實自淵始嗚呼迹淵之所以忍耻而就此者任遐謂其惜身保妻子淵知惜身保妻子而不知惜理保名節此所以陷為千古之罪人也欵考史淵死時年四十有八齊主受禪至是總三年爾僅苟三年之生乃遺萬年之臭較其所得失孰為多哉

以陷為千古之罪人也欵考史淵死時年四十有八齊主受禪至是總三年爾僅苟三年之生乃遺萬年之臭較其所得失孰為多哉

齊罷國子學

以國喪故也

**書法** 於是設祭酒數月耳尋以國喪罷之書惜之也書國子學始此

魏以李崇為荊州刺史

魏以荊州巴氏擾亂以李崇為刺史發兵送之崇辭曰邊人失和本怨刺史今奉詔代之自然安靖但須一詔而已不煩發兵自防使之懷懼也遂輕將數十騎馳至上洛宣詔慰諭民夷帖然崇命邊戍掠得齊人者悉還之由是齊人亦還其生口二境交和無復烽燧之警徒兖州刺史兗土舊多劫盜崇命村置一樓樓皆懸鼓盜發之處亂擊之旁村始聞者以一擊為節次二次三俄頃之間聲布百里皆發人守險由是盜無不獲其後諸州皆效之

**質實** 荊州注見秦二世二年南陽上洛縣名注見晉元帝太興元年烽燧漢書注文穎曰邊方備寇作高土擗擗上作桔臯頭兜零以薪草置其中常低之有寇即火燃舉之以相告曰烽又多積薪寇至即燃之以望其烟曰遂顏師古曰晝則燔燧夜則舉燧

**書法** 宋齊以來刺史專方面本兵柄大率皆任其子弟而巳未有以善政稱也惟魏之李崇是年高

祐丁卯年其庶幾焉



冬十一月魏主始親祀七廟

魏主始親祀七廟命有司具儀法依古制備牲牢器服及樂章自是四時常祀皆親之

**質實**

七廟注見

宋明帝泰始始年

**書法**

書始何前乎此未有也

癸亥

齊世祖武帝曠末明元年魏太和七年

春齊復郡縣官田秩遷代以小滿為

**限考異**

提要無遷代以為四字

詔以邊境寧晏治民之官普復田秩宋末以治民之官六年過久乃以三年為斷謂之小滿遷換去來又不能依二年之制至是乃詔自今以一小滿為限

夏四月齊殺其尚書垣崇祖散騎常侍荀伯玉

齊主之為太子也自以年長與創大業朝事率皆專斷所信任左右張景真驕侈僭擬內外莫敢言司空諮議

荀伯玉素為太祖所親厚密以啓聞太祖怒命檢校中書宣救詰責使以太子令收景真殺之齊主憂懼稱疾月餘太祖怒不解土敬則叩頭啓曰官有天下日淺太子無事被責人情恐懼願官往東宮解之因宣旨裝束太祖不得已至東宮召諸王宴盡醉乃還伯玉由是愈見親信而齊主深怨之豫州刺史垣崇祖亦不親附太子太祖臨終指伯玉以屬齊主至是齊主誣崇祖招結江北荒人欲與伯玉作亂皆收殺之

**質實**

東宮

注見宋文帝元嘉二十七年

閏月魏子恂生

**考異**

提要作魏主之子恂生

魏主後宮林氏生子恂馮太后以恂當為太子賜林氏死自撫養之

**書法**

子生不書此其書何太后忍也魏故事立為太子乃殺其母於是林氏生恂太后以其當為太子也

子也即殺林氏自撫養之亦大忍矣終綱目書子生五孫生一詳漢武帝太始三年皆有故者也恂又兼以叛父書



五月齊殺其車騎將軍張敬兒

敬兒好信妾初為南陽守妻尚氏妾一手熱為雍州妾  
一脾熱為開府妾半身熱敬兒意欲無限謂所親曰吾  
妻復夢舉體熱矣齊主聞而惡之會有人告敬兒貨易  
妾中疑有異志會齊主於華林園設齋於坐收敬兒敬  
兒脫冠貂投地曰此物誤我遂殺之敬兒女為征北諮  
議謝超宗子婦超宗謂丹陽尹李安民曰往年殺韓信  
今年殺彭越尹欲何計安民曰往年殺韓信今年殺彭越  
民具啓之收付廷尉賜死質實南陽郡名注見秦二世  
建安十二年襄陽華林園注見宋文帝元嘉元年謝超  
宗上虞人靈運之孫往年殺韓信今年殺彭越事在漢  
高帝十一年

**書法**

於是賜超宗死則何以不書超宗言語扇動其  
罪大張敬兒貨易妾中疑有異志則罪未白也  
而還殺之特書其官爵所以甚齊也

秋七月齊以王僧虔為特進光祿大夫

初齊主以侍中王僧虔為光祿大夫開府儀同三司傳  
虔固辭開府謂兄子儉曰汝行登三事我若受此是一  
門二台司也吾實懼焉累年不拜至是許之加特進儉  
作長梁齋制度小過僧虔不悅竟不入戶儉即日毀之  
初王弘與兄弟集會任子孫戲適僧達跳下地作虎子  
僧綽正坐采蠟燭珠為鳳皇僧達奪取打壞亦復不惜  
僧虔累十二傳其既不墜落亦不重作弘歎曰僧達俊  
爽當不減人然恐終危吾家僧綽當以名義見美僧虔  
必為長者位至公集覽行登三事三公主天地人之事  
台已而皆如其言故曰三事行登謂行將登此位  
也後漢志太尉公主天司徒公主人司空公主地社估  
通典曰或說司馬主天司徒主人司空主土是為三公  
南齊時三公質實王僧虔琅邪臨沂人弘之從子  
唯有太傅

冬十月熒惑逆行入太微

齊有司請禳之齊主曰應天以實不以文我  
克已求治思隆惠政災若在我禳之奚益質實熒惑  
入太微質實熒惑注見漢成帝綏和二  
年太微注見漢靈帝光和二年



齊遣將軍劉續如魏

續屢至魏馮太后遂私幸之

十二月朔日食○魏始禁同姓為昏

**發明**

夷狄於夫婦一倫瀆亂尤甚在其域中無足怪者既入中國之地雜中國之人習中國之俗猶不知所慕倣則是無秉彛之性蓋惡之心不可以人理待之矣元魏入居華夏事事慕中國聖人之教至是又有同姓為昏之禁其視蒙古之子烝父妾兄收弟婦至于國終而不知變也異矣此綱目所以特書之而予

○魏秦州刺史于洛侯有罪伏誅

洛侯性殘酷刑人或斷腕拔舌分懸四體州民皆反有司劾之魏主遣使至州宣告吏民然後斬之秦州刺史韓麒麟為政尚寬從事劉普慶說曰公杖節方夏而無所誅斬何以示威麒麟曰刑罰所以止惡仁者不得已

而用之今民不犯法又何誅乎若必斷斬然

**質實**

秦州注見

後可以立威當以卿應之普慶慙懼而退  
周赧王十二年蒲坂濟州注見漢景帝三年齊南



第卷二十七

魏孝文帝太和七年

六十五





